

Կ. Գրիգորյան

ՍԱԼՏԻԿՈՎ -
ՇՉԵՂՐԻՆ



ԳԻՏԱՆԱՍՍԱՅԱԿԱՆ ԳՐԱԴԱՐԱՆ

7 (27)





АКАДЕМИЯ НАУК АРМЯНСКОЙ ССР
Институт литературы им. М. Абегьяна


к. Григорян


Салтыков -
- Щедрин

Издательство АН Армянской ССР
ЕРЕВАН · 1960

Տպագրվում է Հայկական ՍՍՌ Գիտությունների ակադեմիայի
Եմբագրական-հրատարակչական խորհրդի որոշմամբ:

5011





Ռուս ունույնցիոն մտքի և գրականության պատմության մեջ Սալտիկով-Շչեգրինի ստեղծագործությունն ունի իր պատվավոր տեղը: Շչեգրինը ատել է բռնապետությունը, շահագործողներին, կեղեքիչներին, բոլոր նրանց, ովքեր ճնշել են ժողովրդին, կողոպտել նրա արդար վաստակը: Նա ամենայն անողորմությամբ խարաղանել է միապետական իրավակարգը, կշանքի բոլոր անարդարություններն ու այլանդակությունները: Շչեգրինը անհաշտ թրշնամի էր ստի, բռնակալության, կամայականության, բթամտության, երկերեսանության ու շաղակրատության:

Շչեգրինի գրվածքներն ընդգրկում են մի ամբողջ դարաշրջան: «Անհնարին է հասկանալ, — գրել է Մաքսիմ Գորկին, — Ռուսաստանի XIX դարի երկրորդ կեսի պատմությունն առանց Շչեգրինի օգնության»:

Շչեգրինը իր ստեղծագործությունները գրել է ցարական Ռուսաստանի դաժան պայմաններում: Չկարողանալով բացահայտորեն և ազատ արտա-



հայտել իր մտքերը, նա հաճախ դիմում է այլաբանությունների, եզոպոսյան լեզվի, երբ, ինչպես երգիծաբանն ինքն է ասում, «միտքը պետք է սքողվեր, և խորամանկություն աներ»։ Շշեղրինի տեքստերը ենթարկվում էին ամենակոպիտ ազավազումների. շատ ստեղծագործություններ ամբողջությամբ արգելվում էին և ոչնչացվում։ «Ախ, գրողի այս արհեստը, — դասնությամբ ասում էր նա, — ոչ միայն տանջանք է, այլև մի իսկական հոգեկան դժոխք։ Կաթիլ առ կաթիլ ծորում է գրողի արյունը, նախքան դրվում է մամուլի տակ։ Ինչե՛ր չեն արել ինձ հետ։ Ե՛վ կտրատել հանել են, և՛ կրճատել, և՛ իմաստը փոխել, և՛ լրիվ արգելել, և՛ ի լուր ամենքին հայտարարել, որ ես վտանգավոր եմ, վտանգավոր, վտանգավոր» (XVI, 416)¹։

Այս հանգամանքներն էին, որ Շշեղրինին ստիպեցին մշակել գրելու յուրահատուկ եղանակ, քողարկել իր մտքերը, հաճախակի դիմել այլաբանական բարդ ձևերի։ Այնուամենայնիվ երգիծաբանի ժամանակակից ընթերցողը նրա ակնարկներից, մտքի թեթև ուրվագծումներից հրաշալի կերպով կարողանում էր հասկանալ ամեն ինչ և նրա կրքոտ, համուլիչ խոսքն արձագանք էր գտնում ռուսական հասարակության առաջադեմ խավերի մեջ։

Շշեղրինը կենինի ամենասիրած հեղինակներից

¹ Սալտիկով-Շշեղրինի երկերի հատվածները ամենուրեք ուսերեն են և բերված 20-հատորյա հրատարակութունից, 1933—1941։

էր: Հոկտեմբերյան սոցիալիստական Մեծ ռևոլյուցիայի առաջնորդը ժողովրդին թշնամի ռուսական հասարակական մտքի ամեն տեսակ հոսանքների դեմ պայքարելիս, լայնորեն օգտվել է Շչեգրինի երգիծական կերպարներից, հասարակական-քաղաքական կյանքի տիպական երևույթների նրա ճշգրիտ և գունեղ բնութագրություններից, դիպուկ և մերկացնող արտահայտություններից ու բառերից: Լենինը մեծ նշանակութուն էր տալիս երգիծաբանի ժառանգությունը ընթերցող լայն խավերի մեջ պրոպագանդելու գործին:

«Ընդհանրապես լավ կլինեք ժամանակ առ ժամանակ հիշել, քաղվածքներ բերել և մեկնաբանել «Պրավդա»-ում Շչեգրինին և «հին» նարոդնիկական դեմոկրատիայի մյուս գրողներին»¹, գրել է Լենինը «Պրավդա»-ի խմբագրությանը 1912 թվականին:

1

Միխայիլ Եվգրաֆովիչ Սալտիկովը (Շչեգրին) ծնվել է 1826 թ. հունվարի 27(15)-ին Տվերի նահանգի, Կալյազինի գավառի Սպաս-Ուզուլ գյուղում, կալվածատիրոջ ընտանիքում: Նրա մանկության տարիները զուգադիպեցին ճորտատիրության դաժան շրջանին: «Ես մեծացել եմ ճորտատիրության ծոցում,— գրել է Շչեգրինը,— սնվել եմ ճորտ ծծմոր կաթով, դաստիարակվել եմ ճորտ դայակ-

¹ Վ. Ի. Լենին, Երկեր, հատոր 35, էջ 43:

ներից և վերջապես դրազգիտությունն ևմ սովորել մի
ճորտ ուսյալ մարդուց: Դարավոր ստրկության բո-
լոր սարսափները ևս տեսել ևմ իր մերկությամբ:
Մարդկանց վաճառում և նվիրում էին ամբողջ գյու-
ղերով և մեկ-մեկ, ծառայությանն էին տալիս իրենց
բարեկամների և ծանոթների մոտ, ըստ պայմա-
նագրի խմբերով հանձնում էին ֆաբրիկաներին և
գործարաններին...» (XVI, 435): Մանկական այս
դառն հիշողությունները, իրավազրկության, ժողո-
վըրդի ճնշման ու տանջանքների մռայլ, սրտաճմլիկ
ու անմոռանալի պատկերները նշանակալից դեր
խաղացին դրողի անձնավորության ձևավորման
մեջ:

Սալտիկովը գրականությամբ հետաքրքրվել է
դեռևս դպրոցական տարիներին, երբ սովորում էր
Յարսկոյե-Սելցյի լիցեյում: Թե ի՞նչ էր ներկա-
յացնում այն ժամանակ այդ արտոնյալ ազնվական
ուսումնական հաստատությունը, որո՞նք էին դաս-
տիարակության սկզբունքները, ի՞նչ մակարդակի
վրա էին կանգնած դասատուները, այս բոլորի
մասին կարելի է դատել երգիծաբանի հետագա
ստեղծագործություններում եղած փալւուն և դի-
պուկ բնութագրումներից: Նրանց մեջ լիցեյական
կյանքն արտացոլված է երգիծական խիստ երանդ-
ներով, փոքր ինչ միակողմանի, մռայլ: Սակայն
այս բնութագրումներն ամբողջությամբ վերց-
րած հնարավորություն են տալիս ճիշտ պատկերա-
ցում կազմելու այն ուսումնական հաստատության

մասին, որտեղ բթացնում էին կամքը և խեղդում կենդանի մարի ամեն մի արտահայտություն, ուր «Վրալմանները (ստախոսները) կարճառոտ գիտելիքներով լցնում են աշակերտի գլուխը, իսկ բարձրագույն դպրոցի ստրկամիտ դասատուն ներշնչում էր, թե գիտելիքների նպատակը իշխանության հրահանգների կատարումն է» (XVI, 514): Շշեղրինը ծանր հիշողություններ է պահել լիցեյում տիրող զորանոցային մթնոլորտի մասին: Այնուամենայնիվ՝ լիցեյի կյանքում կար շատ էական մի կողմ, որը բավական կարևոր դեր խաղաց նրա վաղ զարգացման գործում: Մենք նկատի ունենք Պուշկինի անվան հետ կապված գրական տրագիցիան: «Պուշկինի թողած հուշը պարտավորեցնում էր», — գրել է Շշեղրինը ինքնակենսագրության մեջ: Սալտիկովը սկսել է պոեզիայից, բայց բանաստեղծական արվեստի նկատմամբ ունեցած նրա կիրքը երկար չի տևել: Շուտով նա անցել է արձակի և սեփական խոստովանութչամբ՝ «այլևս ոչ մի բանաստեղծություն չի գրել»:

Անցյալ դարի 40-ական թվականների վերջին Շշեղրինի գրած «Հակասություններ» և «Խճճված գործ» առաջին վիպակները համակված են դարի առաջավոր գաղափարներով: Երիտասարդ հեղինակն իր արձակագրական առաջին փորձերով հարեց, այսպես կոչված, «բնական դպրոցին», որն իր առաջ խնդիր էր դրել գոգոլյան ռեալիզմի դիրքերից ցույց տալ կյանքի մութ անկյունները,

ստեղծագործությունների «հերոսներ» դարձնելով «նվաստացածներին ու անարգվածներին»: Բեկինսկու հոգվածներով դաստիարակված և սոցիալիստական դադափարներով տարված Շչեգրինը դառնում է Պետրաշկցինների շարժման մասնակից: Այդ տարիները «հախուռն ձգտումների և խռովահույզ երազանքների տարիներ էին» — հիշում էր նա հետագայում Վյատկայում ապրած տարիներին:

«Խճճված գործի» հերոս Միշուլինին տանջում են շահագործողական ճորտատիրական իրավակարգի բազմաթիվ հակասությունները: Ամբողջ պատմվածքը կառուցված է հակադրությունների վրա, մի կողմից տիրող դասակարգի հարուստ, փարթամ ու շուռլ կյանքը, մյուս կողմից ճնշված, իրավագիտակ ժողովրդի տառապանքները: Սոցիալական անհավասարության դառն ճշմարտությունը և այնտեղից սկիզբ առնող անթիվ անարգարությունները խճճում են հերոսին և խորտակում նրան: Առաջին տողից զգացվում է, որ երիտասարդ հեղինակն ատելությամբ է լցվում դեպի արտոնյալ դասերը: Ճիշտ է, այս պատմվածքում չենք տեսնում աշխատավոր մասսաներին, բայց հեղինակն աչքի առաջ ունի այդ մասսաներին, երբ խոսում է «մթության և տգիտության մեջ խարխափող մարդկության» մասին, որը հակադրված է արտոնյալ «կուշա» խավերին:

1848 թ. ցարի կողմից հատուկ նշանակված հանձնաժողովը խիստ ու մանրակրկիտ քննության

է անոնամ այդ տարիների ուսս գրականությունը և սարբերական մամուլը, փնտրելով այնտեղ Արևմտյան Եվրոպայի ուսուցչիոն շարժումների արձագանքները: «ԵՏՏՎած գործի» համար Սալտիկովին աքսորում են Վյատկա: Յոթ տարվա աքսորից հետո միայն 1856 թվականին նրան հաջողվում է վերադառնալ Պետերբուրգ և վերսկսել ընդհատված գրական գործունեությունը: 1856—1857 թթ. Շչեգրինը սարբերական մամուլում տպագրեց իր «Նահանգական ակնարկները»: Այս առաջին երկն է, ուր Սալտիկովը հանդես եկավ «Շչեգրին» գրական ծածկանունով:

Շչեգրինակի լայն աշխարհայացքը, սուր դիտողականությունը, քննադատական վերաբերմունքը դեպի միապետական իրավակարգը, ցարական Ռուսաստանի «հերոսների» — կաշառակերների, կեղեքիչների, ժողովրդի դառն քրտինքով դատած բարիքների համիշտակողների ցայտուն ու հշմարիտ պատկերավորումը բնորոշեցին շչեգրինյան «ակնարկների» հասարակական նշանակությունը: Շչեգրինն այստեղ հանդես եկավ որպես Գոգոլի քննադատական ուսուցչի հետևորդը, նրա գործի շարունակողը հասարակական պայքարի նոր սլայմաններում: Ահա ինչու այդ ակնարկները մեծ ոգևորությամբ ընդունեցին անցյալ դարի 60-ական թվականների ուսս ուսուցչիոն դեմոկրատական շարժման խոշորագույն գործիչները:

• «Ժողովրդական մասսայի մեջ, — գրել է Գորբո-

լյութովը «Նահանգական ակնարկներին» նվիրված հոդվածում, — երբ Շչեգրինի անունը հայտնի դառնա, ապա միշտ կարտասանվի հարգանքով և երախտագիտությամբ»¹:

Շչեգրինի աշխարհայացքը վերջնականապես ձևավորվեց 60-ական թվականներին, ազատագրական շարժման քնդհանուր վերելքի մթնոլորտում, երբ ուսուցչի թևերի ազդեցության տակ փշրվում էին գաղափարախոսության բնադավառում եղած հին պատկերացումները: Պայքարը քնդդրելի էր հասարակական կյանքի բոլոր բնադավառները, այդ թվում նաև գրականությունն ու արվեստը: Այդ տարիներին Շչեգրինը ստեղծեց մի շարք նշանակալի գործեր՝ «Արձակ նրզիժանքներ», «Անմեղ պատմվածքներ», «Մեր հասարակական կյանքը», «Պոմպադուրներ և պոմպադուրուհիներ», «Ժամանակի հատկանիշները», «Նամակներ գավառից», «Մի քաղաքի պատմություն»: «Պոմպադուրներին» շարքում և այլ ստեղծագործություններում նա մեծ ուշադրություն է դարձնում ճորտատերերի և լիբերալների դեմ պայքարելու հարցերին: Ազատագրական պայքարի համար առանձնապես վտանգավոր էին լիբերալները և տարբեր տեսակի ունեզատները, վախկոտ հարմարվողները, որոնք հաճախ քողարկվում էին պերճ ֆրազոլոգիայով:

¹ Н. А. Добролюбов, Полное собрание сочинений в шести томах, Москва, 1934, том 1, стр. 200.

Շշեղրինը պոկում էր լիբերալների գիմակները և ցույց տալիս նրանց իսկական դեմքը: «Դեռևս նեկրասովն ու Սալտիկովն էին ուսուցանում ռուս հասարակությանը ճորտատեր-կալվածատիրոջ կրթվածության արդուկած ու շպարած արտաքինի տակտարբերել նրա գիշատիչ շահերը, ուսուցանում էին ատել նմանօրինակ տիպերի երեսպաշտությունն ու անհոգիությունը...»¹, — գրում է Լենինը «Կոմս Գեյզենի հիշատակին» հոդվածում:

Սալտիկովը էսթետիկայի հարցերում նույնպես կանգնած էր մատերիալիստական, ռևոլյուցիոն-դեմոկրատական գիրքերում: Նա նշում էր, որ լուկական պոեզիայի (գրականության) համար պարտադիր են կոնկրետությունը, շափազանցությունների բացակայումը, մտապատկերների և զգացողությունների որոշակիությունը: Նա պոեզիան դիտում էր որպես «մարդկային մտավոր գործունեության օրինական ճյուղերից մեկը, որը բնավ թրշնամի չէ ոչ դիտությանը, ոչ ճշմարտությանը (V, 390, 392): Շշեղրինը ժխտում էր գեղարվեստական գրականության մեջ անգիտակցականության և ներքմբռնողության մոմենտը, բնդդծում էր մտքի վճռական նշանակությունը: Նա հավատում էր գաղափարի ուժին: Սալտիկովի համար առաջին պլանում էր գրականության իմացական, լուսավորական ակտիվ ֆունկցիան:

¹ Վ. Ի. Լենին, Երկեր, հատոր 13, էջ 54:

Գրականության հիմնական նպատակն է՝ «ան-
դադրում կերպով ծակել տղխություն և նախապա-
շարումներն ապառաժը». ամենուրեք տարածել
«լուսավոր միտք» և բնական սկզբունքներ (III,
50):

Սալտիկովը բանավիճական նկատառումներից
եղնելով միտումնալուր կերպով ընդգծում էր մտքի
դերը: Գրանով բնավ չէր ժխտվում զգացմունքի,
հուզականության նշանակությունը: Երբ նա պնդում
էր, թե զեղարվեստական ստեղծագործության հիմ-
քում ընկած պետք է լինի միտքը, ապա նկատի
ունենր ոչ թե վերացական, այլ «հատակորեն գի-
տակցված գաղափարները», դրա տակ հասկանա-
լով «կրքոտ» դարձած միտքը, էնտուզիազմի հասց-
ված միտքը» (III, 50):

Սալտիկովը ընդունելով գաղափարի առաջնային
նշանակությունը արվեստի մեջ, ստեղծագործու-
թյան գիտակցականությունը, բնականաբար, դրս-
դի գործունեության մեջ պետք է հատուկ ուշադրու-
թյուն դարձնենր աշխարհայացքի և տեղեկնցիտու-
թյան դերին (գաղափարական միտումի և նպատա-
կասլացության խմաստով): Կլյուչնիկովի «Գնչու-
ները» վեպի վերլուծության մեջ, այն հարցին՝ թե
«ոչ մի տեսակ աշխարհայացք չունեցող արվեստա-
գետը կարո՞ղ է արդյոք ստեղծագործել», Սալտի-
կովը տալիս է բացասական պատասխան: Ստեղ-
ծագործության հիմքում նա դնում է գրողի աշխար-
հայացքը: «Բարոյական և մտավոր աշխարհի երկ-

վույթները, — ասում է նա, — չեն կարող աշխարհայեցողությունից զուրկ մարդու վերարտադրման ենթակա լինել: Որովհետև նախքան այդպիսի երևույթներ վերարտադրելն անհրաժեշտ է հասկանալ դրանք և գնահատել, իսկ այդ անկարելի է անել առանց սեփական աշխարհայեցողության» (VIII, 453):

Արվեստագետ գրողը պետք է «կյանքի երևույթներին մոտենա այս կամ այն տեսանկյունից» և ընթերցողին էլ դնի «որոշակի տեսակետի վրա», որի վրա կանգնած է և ինքը՝ հեղինակը: Այդ դեպքում «արվեստագետը դառնում է ոչ միայն հայեցական, այլև մտածող էակ, ոչ միայն տանջալից կերպով կրճքով ընդունում է կյանքի ճառագայթները, այլև անդրադարձնում է դրանք» (VIII, 118): Արվեստագետի միտումը, նրա համակրություններն ու հակակրությունները երևան են գալիս արդեն փաստի պատկերման, առարկայի ընտրության մեջ: «Սխալ են մտածում նրանք, — գրում է Սալտիկովը, — ովքեր պնդում են, թե ստեղծագործության հետաքրքրությունը սպառվում է միայն գեղարվեստական կողմով, այս կամ այն երևույթի հատկանիշները վառ կերպով բացահայտելու հեղինակի ընդունակությամբ: Այս դեպքում երևույթի ընտրությունը ամենևին էլ անտարբեր չէ, ինչպես, անտարբեր չէ նաև հեղինակի վերաբերմունքը նրա նկատմամբ» (VIII, 117):

Ելնելով այն բանից, որ հեղինակը չպետք է խու-

սափի կյանքը որոշակի տեսանկյունով դիտելուց, Սալտիկովը պահանջում է փաստերի խոր գիտակցելած ընտրութուն, ստեղծագործության նյութ ծառայող իրականության երևույթների պարզ պատկերացում: Ռեալիզմն անպայման ենթադրում է արվեստագետի գիտակցական ակտիվ վերաբերմունք պատկերվող առարկայի նկատմամբ, այլապես նա գերի կլինի հայեցողական-նատուրալիստական մտապատկերներին:

Որոշակի տարբերելով անրնականութունն ու կեղծութունը, Գորբոլյուբովի արտահայտությամբ՝ «մտացածին դիզակտիզմը», ստեղծագործության կրքոտ, գաղափարական նպատակասլացութունից, Շչեդրինը¹⁾ արվեստի մեջ հանդես է գալիս որպես տենդենցիոզության պաշտպան: Նրա կարծիքով գիտակցված համակրանքն ու հակակրանքը «հարուցում են մտավոր զործունեութուն, ստիպում են բացահայտել իրերի և երևույթների նոր կողմերը»: Շչեդրինը իր այս միտքն ալիլի մանրամասն դարգացնում է Յ. Պոլոնսկու բանաստեղծութուններին և արձակին նվիրված գրախոսականում: «Մենք պնդում ենք, — գրել է նա, — որ աշխարհայեցողության անորոշութունն աչնալիսի կարևոր թերութուն է, որ արվեստագետի ամբողջ ստեղծագործական զործունեութունը հասցնում է զրոյի: Մենք համոզվում ենք դրանում աչնալիսի մեծ և հանրաճանաչ արվեստագետների օրինակներով, ինչպես Սերվանտեսը, Գլոթեն, Շիլլերը, Բայրոնը և ուրիշ-

ներ, որոնք իրենց ստեղծագործությունների հիմ-
քում միշտ դրել են մարդկության իրական ձգտում-
ներն ու կարիքները և բացի դրանից, կարողացել
են լիակատար պարզությամբ որոշել իրենց վերա-
բերմունքը այդ ձգտումների և կարիքների նկատ-
մամբ: Եթե այդ գրողների ստեղծագործություննե-
րը իրենց ժամանակ ունեցել են դաստիարակչա-
կան հսկայական նշանակություն, եթե այդ նշանա-
կությունը մինչև այսօր չի կորցրել իր ուժը, ապա
այդ փաստի բացատրությունը պետք է փնտրել
հենց սենդենցիոզության մեջ... «Գոն Կիսոտ»,
«Չայլդ Հարոլդ», «Ճառուտ», «Ավաղակները». այս
ստեղծագործությունները վերին աստիճանի տեն-
դենցիոզ են և, հետևաբար, դրական գործչից պա-
հանջելով, որ նա խուսափի վերապահություննե-
րից և լիակատար պարզությամբ որոշի իր վերա-
բերմունքը այս աշխարհի իրերի նկատմամբ, մենք
ոչ թե արվեստի առողջ ավանդությունների ժխտող-
ներ ենք, այլ ընդհակառակը՝ դրանցից ոչ մի բայլ
չենք նահանջում» (VIII, 423):

Այստեղ Շչեգրինը բավական լրիվ և պարզորոշ
բացահայտում է տենդենցիոզության իր ըմբռնու-
մը: Միաժամանակ նա սլոտասխանում է թշնա-
մական քննադատության հարձակումներին, որ
Շչեգրինին և նրա համախոհներին նիհիլիստներ էր
հայտարարել, և գործն այնպես ներկայացնում, որ
իբր թե ուսուցիչին դեմոկրատները ժխտում էին



գեղարվեստական մտքի մեծ նվաճումները, անցյալի գրական տրագիցիաները:

Տենդենցիոզության մոմենտը ռեալիստական գրականության հիմնական պայմաններից մեկը համարելով Շչեգրիներ միաժամանակ նախազգուշացնում էր գրողներին մյուս ծայրահեղությունից, վատ իմաստով տենդենցիոզությունից, հեղինակի իր հերոսների նկատմամբ ունեցած կանխամտածված, արհեստական, շինծու վերաբերմունքից, որը հանգեցնում էր անբնականության և սխեմատիզմի: «Երբ արձակագիրն իր հերոսների հետ ազատ չի վերաբերվում, — գրում է Շչեգրիներ, — երբ նա մտածում է նրանցից մեկի մեջ միավորել բազմապիսի առաքիլնություններ, մյուսի մեջ պատկերել դժոխքի վիժվածք, ասլա միանգամայն բնական է, որ հենց վեպի բովանդակության մեջ նա դառնում է իր դիտավորության գերին, որ նա հերոսին հարկադրում է սպանել, երբ իրերի բերումով պետք է փրկեր, հարկադրում է կոպտել, երբ պետք է դյուրազգաց երախտագիտություն ցուցաբերեր: Տաղանդի փոխարեն հանդես է գալիս ճարպիկությունը, դիտունակության փոխարեն՝ զրպարտությունը» (VIII, 371—372):

Շչեգրիներ հպարտանում էր, որ իր ստեղծագործությունները ծառայում են աղնիվ նպատակների: Նա ընդունում էր աշխարհայացքի վճռական նշանակությունը գեղարվեստական ստեղծագործության մեջ և ձգտում հայացքների որոշակի սխեմա

մշակել հասարակական զարգացման պրոբլեմներ/մասին: Սալտիկովը ռեուլյուցիոն-դեմոկրատական էսթետիկական թեորիայի ամենից ավելի հետևողական կողմնակիցներից մեկն էր և մեծ ուշադրություն էր դարձնում քննադատական ռեալիզմի տեսական խնդիրներին:

Շչեդրինը նորարար էր և իր ստեղծագործությունը հակադրում էր ռուս կամ արևմտաերոպական գրականություն մեջ եղած ռեուլյուցիոն-դեմոկրատական գաղափարախոսությունը թշնամի զանազան հոսանքներին և ուղղություններին: Նա նոր տիպի գրող էր: Կենսագիրները միաձայն մատնանշում են նրա անձնական կյանքին վերաբերող նյութերի արտակարգ աղքատությունը: Նույնիսկ բարեկամներին դրած մտերմական նամակներում նա մնում էր արդիականության, հասարակական կյանքի իրադարձությունների հետ կապված մի մարդ: Նրա ստեղծագործություններում գրողի անձնական ապրումները միահյուսվում էին սոցիալական բարեփոխումների պրոբլեմների հետ: Անձնականի և քնդհանուրի այսպիսի միաձուլումը հետևանք էր այն հաստատ համոզման, որ «այն գրողը, ում սիրտը չի ցավել հասարակության բոլոր ցավերով, ո՞րի մեջ նա գործում է, հազիվ թե կարող է գրականության մեջ միջակից բարձր և վաղանցուկ նշանակության հավակնություն ունենալ» (V, 163): Այս թեզի մեջ Սալտիկովը դնում էր միանգամայն կոնկրետ բովանդակություն: Ռեուլյու-

ցիոն դեմոկրատական դիրքերում կանգնած զրոյի համար զրականությունը կոչված էր նախ և առաջ ծառայելու «հասարակական կատարելագործման» խնդրին: Ժողովրդական մասսաների ճնշվածության և իրավազրկության պայմաններում զրոյը դիտակցաբար իր ստեղծագործությունը պետք է ենթարկի հասարակական պայքարի շահերին: Գրականությունը Սալտիկովի համար «հասարակական մտքի օջախ» էր: Նրա կոչումն է՝ նպաստել ժողովրդական մասսաների ինքնագիտակցության արթնացմանը, ամրապնդել նրանց մեջ մարդկային արժանապատվության զգացմունքը՝ և հավատ՝ դեպի իրենց սեփական ուժերը:

Ստեղծագործությունների գերակշռող մասը՝ սկսած «Նահանգական ակնարկների»-ից ստեղծվել է մաս առ մաս, ինքնուրույն ակնարկների, պատմրվածքների ձևով, իսկ հետո զրանք միավորվել են ցիկլերով՝ այս կամ այն ընդհանուր վերնագրի տակ: Սկզբից ծագել է ընդհանուր մտահղացումը, դադափարների և հասարակական մոտիվների շրջազիծը: Եղել են դեպքեր, երբ վերջնական ձևավորման ժամանակ առանձին մասեր մի շարքից անցել են մյուսին: Երբեմն այս կամ այն շարժառիթով (արտաքին հանդամանքներով, կամ ներքին զրգամամբ) մտահղացված շարքը մնացել է անավարտ: Երբեմն Սալտիկովը ստիպված է եղել աշխատել միաժամանակ տարբեր ցիկլերի վրա: Եղել են և այնպիսի դեպքեր, երբ նա բոլորովին հրա-

ժարվել կամ ժամանակավորապես դադարել է աշխատել մի շարքի վրա և ձեռնամուխ է եղել մի ուրիշի:

Չնայած ստեղծագործական պրոցեսի յուրօրինակությանը (ցիկլավորում), որն առաջին հայացքից կարող էր բացասաբար արտահայտվել երկի գեղարվեստական կառուցվածքի վրա, Սալտիկովի ստեղծագործությունները՝ ամենից ավելի տիպական և ձևով կատարյալ նրա ցիկլերը, ենթարկվում են իրենց ներքին տրամաբանությունը, իրենց էսթետիկական նորմաներին: Այդ իմաստով ամենից պակաս բնորոշ են «Նահանգական ակնարկներ»-ը: Նրանք մի տեսակ հեռու են մնում, թեպետ և այդ շարքի նվաճումները, մասնավորապես երգիծական տարրերը և տիպականացման սկզբունքները հետագայում լայնորեն օգտագործել է հեղինակը: Շշեղրինյան ժանրերը կազմավորվել են 60-ական թվականներին, Սալտիկովի հրապարակախոսական գործունեության եռուն շրջանում, երբ նա համառորեն որոնում էր հարմար ձև, արտահայտչական ու պատկերման նոր միջոցներ, որոնք ընդունակ լինեին առավելագույն էֆեկտավորություն՝ պատասխանելու հեղինակի առաջադրանքին: 60-ական թվականների սկզբին Սալտիկովը հրապարակախոսությունից, քաղաքական դատողություններից ընթանում էր դեպի ուսական սոցիալական իրականության տիպական և բնորոշ կողմերի գեղարվեստական ընդհանրացումը:

«Նահանգական ակնարկներ»-ում արդեն որոշակի կերպով արտահայտված են Չերնիշևսկու և Դորբուլուբովի նշած այն գծերը, առանց որոնց անհնարին է հասկանալ Սալտիկովի ստեղծագործությունների հիմնական պաթոսը: Ընթանալով Գոգոլի հետքերով՝ նա մտցնում է մի նոր, չափազանց կարևոր տարր: Եթե Գոգոլը պոկում էր ռուսական ճորտատիրության դիմակը ու անհատական տիպերի հոգեբանական բնութագրումների միջոցով մերկացնում կյանքի ամբողջ կեղտն ու դռեհկությունը, ապա Սալտիկովն իր ամբողջ ուշադրությունը կենտրոնացնում է տիպական սոցիալական հանդամանքների բացահայտման վրա: Նրա համար ավելի կարևոր է լուսավորել այդ տիպերի վարքը ծնող միջավայրը: Պորֆիրի Պետրովիչը, ժիվոգլոտը, Լուդգինը, Կորեպանովը և «Նահանգական ակնարկների» մյուս կերպարները հեղինակին հետաքրքրում են նախ և առաջ որպես ռուսական հասարակական կյանքի բնորոշ արտահայտիչներ, որպես սոցիալական տարբեր խավերի բնորոշ ներկայացուցիչներ:

Ն. Դորբուլուբովը Ա. Պլեշչեևի պատմվածքները վերլուծելիս մատնանշում է հերոսների անգործունեությունը, պասսիվությունը, նրանց նպատակի մշուշապատությունը, լավ ապրելու համար մարդկանց ազնիվ պայքարի բացակայությունը:

Ահա թե ինչու Դորբուլուբովը տուրգենևյան դպրոցին հակադրում էր շչեգրինյան դպրոցը,

վերջինիս մեջ տեսնելով նոր ուղղութիւն: «Տուր-
 գենեյան դպրոցի ստեղծագործութիւններում,—
 գրում է նա,— դուք տեսաք տանջված մարդուն,
 բայց ձեզ պարզ և լրիվ շերեաց, թե ինչ ուժ է նրան
 տանջում. ինչու հենց նրան են տանջում, և ինչու
 է նա թույլ տալիս, որ տանջեն իրեն. այս բոլորի
 վերաբերյալ դուք պատմվածքներում միայն ակ-
 նարկներ եք գտնում և ամենևին էլ ոչ լրիվ պա-
 տասխաններ... «Միջավայրի կողմից տանջված»
 մարդը տուրգենեյան դպրոցի պատմվածքներում
 երբեմն բավական կենդանի է պատկերվում. բայց
 ինքը «միջավայրը» և դեպի մարդն ունեցած նրա
 վերաբերմունքը պատկերվում էին դժգույն և թույլ:
 «Միջավայրը» նկարագրելը հանձն առաւ շեգրին-
 յան դպրոցը¹: Հենց գրանում պետք է տեսնել ուս-
 դրականութեան վարդացման նոր տենդենցը: Հե-
 տագայում Սալտիկովն ինքը ձեռնարկեց այդ
 դրույթը. «Գրականութիւնը, ուսումնասիրելով
 մարդու բարոյական էութիւնը, չի կարող շոշափել
 նաև այն հասարակական հարաբերութիւնները,
 որոնց մեջ մարդը գրսեորում է իր ստեղծագործա-
 կան ուժը» (VII, 454): Սրանից հետևում է. գրողը,
 որն իր առաջ խնդիր է դրել ուսումնասիրել մար-
 դու բարոյական էութիւնը, չի կարող հասկանալ
 այն, առանց շոշափելու մարդկանց վարքի վրա
 ունեցած սոցիալական միջավայրի ազդեցութիւն-

¹ Н. А. Добролюбов, том 2, стр. 243.

նր: Գրա հետ միասին Սալտիկովը հասարակական միջավայրը դիտում էր որպես մշտական շարժման մեջ գտնվող մի գործոն: 60-ական թվականների վերջին, օրինակ, նա մատնանշում էր, որ շատ է փոխվել ուսական սոցիալական իրականությունը և առաջ էր քաշում «պայքարի ասպարեզը» բազմակողմանիորեն լուսաբանելու պրոբլեմը: Այստեղից էլ բխում էին նաև վիպագրի խնդիրները: Նա իրավունք շունի անտեսելու անհատների ճակատադրի պայմանավորվածությունը հասարակական կյանքի վարդացմամբ և հանգամանքներով:

Միջավայրի պրոբլեմը բացառիկ նշանակություն ստացավ ամբողջ սկոլյուցիոն-դեմոկրատական դրականության համար: «Նահանգական ակնարկներ»-ի դրախոսականում Չերնիշևսկին, խոսելու էլ շչիգրինյան «հերոսների» վատ հատկությունների մասին, հատկապես ընդգծում էր շրջապատող միջավայրի դերը, սոցիալական հանգամանքների նշանակությունը մարդկանց դաստիարակման, սրտշակի տիպերի և բնավորությունների առաջացման գործում: «Մարդու վիճակը, — գրել է Չերնիշևսկին, — վճռական, ազդեցություն ունի նրա համոզմունքների բնույթի վրա»: Չերնիշևսկու կարծիքով նույնիսկ այդ արատավոր մարդկանց մեջ «մարդկային կերպարանքը բոլորովին չէ ոչ բնչացել, և ուրիշ պարագաներում այդ մարդիկ և կարող էին հրաժարվել իրենց վատ սովորույթներից»: Չերնիշևսկու դատողությունների մեջ ամե-

նահիմնականն այն է, որ «Նահանգական ակնարկներ»-ում պատկերված բացասական տիպերի առաջացման պատճառը Շչեգրինը տեսնում էր արատավոր հասարակարգի մեջ: Նա գրել է. «Կարելի է արդյոք պարսավել մարդուն նրա համար, որ նա իր հասկացողություններով բարձր չէ այն հասարակությունից, որի մեջ մեծացել և ապրում է: Կամ շունի բնավորության այնպիսի ուժ, որպեսզի զնա ընդդեմ հասարակական նախապաշարումների»¹:

Այս նույն գաղափարները վարպացրել է Գորբուլյուբովը իր հոդվածում: «Նահանգական ակնարկներ»-ի շչեգրինյան հերոսների վարքագիծը վերլուծման ենթարկելով՝ Գորբուլյուբովը, ինչպես Չերնիշևսկին, մատնանշում էր նրանց շրջապատող միջավայրի հանգամանքների ուժը: Լուզվինի բնութագրման մեջ Գորբուլյուբովը գրել է. «Ահա և կործանվեց այդ մարդը, որը ուրիշ հանգամանքներում կարող էր մի բան գտնել»։ «Տաղանդավոր բնավորություններ»-ի գործելակերպի վերլուծությունը նա ավարտում է հետևյալ գունեղ համեմատությունով, որը դարձյալ մատնացույց է անում հասարակական միջավայրը որպես այդպիսի տիպեր ծնող աղբյուր: «Մենք միայն ուզում ենք ասել, — գրել է Գորբուլյուբովը, — որ իրենց էու-

¹ Н. Г. Чернышевский, Полное собрание сочинений, Гослитиздат, М., 1948, том 4, стр. 268.

Թյամբ տաղանդավոր բնավորությունները լավ
 զարգացման ավելի շատ երաշխիք են տալիս, քան
 բարեբարո, հաճելի, հնազանդ և այլ երեխաները,
 և որ նպաստավոր հանդամանքներում նրանց զար-
 գացումը կտար լավ պտուղներ: Մենք նրանց կա-
 րող ենք համեմատել, թերևս, բերրի հողի հետ: Պե-
 տերբուրգի շրջակայքում, մի որևէ տեղ լավ հո-
 ղում (եթե այդպիսին գտնվի) ցանեցեք եզիպտա-
 ցորեն, տարեկան և եղինջ: Եզիպտացորենն, իհար-
 կե, չի աճի պետերբուրգյան կլիմայի գանազան
 հրաշալիքների պատճառով, իսկ հաճարը կը-
 խեղդվի եղինջի մեջ: Ահա մի արտ, որ ոչ մի բա-
 նի պիտանի չէ¹: Այս խոսքերում, ինչպես և Չեր-
 նիշեսկո մոտ, գլխավոր հարվածն ուղղված է
 կյանքի ամբողջ կացութաձևի, հասարակական հա-
 բարեբությունների դեմ, որ նրանք «բանի պեռք
 չեն», որ առաջին հերթին հարկավոր է նրանց ար-
 մատապես փոխել ոչնչացնելու համար կորեպա-
 նովներին, լուզգիններին, բուերակիններին, գորե-
 խավաստովներին:

Սալտիկովի գրական կերպարները «հենց կացու-
 թյան տիպական գծերի», այսինքն՝ սոցիալական
 հանդամանքների «մարմնացում» են: Տիպական
 բնավորություններն իրենց հերթին օգնում են ավե-
 լի ակներև և ցայտուն կերպով ցույց տալու հասա-
 րակական միջավայրը: Նա արդարացնում է պատ-

¹ Н. А. Добролюбов, том 1, стр. 187.

կերպով տխրելի նկատմամբ գրողի տենդենցիոզ վերաբերմունքը «տառապող միջավայրի» գոյությամբ, որն առավելապես ծառայում է որպես ասպարեզ ամեն տեսակ ներգործության համար»: «Տառապող միջավայրի» մեջ Սալտիկովը տեսնում է ճնշված մասսաներին:

60-ական թվականների առաջին ցիկլերը՝ «Արձակ երգիծանքները» և «Անմեղ պատմվածքները» իրենց ծագումով սերտորեն կապված էին «Նահանգական ակնարկների» հետ: 60-ական թվականների սկզբի շեղորինյան ցիկլերը կազմվել են տարբեր շերտերից, որոնք մի կողմից միտում են դեպի «Նահանգական ակնարկները», մյուս կողմից՝ դեպի հաջորդ երգիծական ցիկլերը: Սակայն Սալտիկովի նոր ցիկլերում կար մի բան, որը չկար «Նահանգական ակնարկներում», նոր ծնվող ժանրի՝ երգիծական վեպ-տեսության գծերը: 60-ական թվականների վերջին տեղի է ունենում «Նահանգական ակնարկների» նվաճումների և երգիծական բնդհանրացումների այն նոր եղանակների յուրօրինակ համադրությունը, որոնց համար Սալտիկովը զգալի շափով պարտական էր իր հրապարակախոսական հոգվածներին: Վերջիններն ուժեղ կերպով հագնում էին գեղարվեստական խոսքի տարրերով: Նկարագրելով հասարակական կյանքի իրադարձությունները՝ Սալտիկովը հաճախ գիմում է պատմողական ձևերին, խորհրդածությունների, ինքն իր հետ զրուցելու ձևին: Շարա-

դրանքը կենդանանում է մի փոքրիկ տեսարանով, պատկերով, դիալոգով, պարողիացով, սուր, աչքի զարնոզ բնութագրումներով, որոնց մեջ հեղինակը յուրօրինակ և համարձակ համեմատություններ է անում: 1863—1864 թվականների «Մեր հասարակական կյանքը» ամսօրյա տեսություններում Սալտիկովը, կարծես թե դիտմամբ խորտակում է բոլոր ժանրային պատենեշները՝ օգտվելով հարմար գտած յուրաքանչյուր ձևից: Այդ տեսություններում զուգորդվում են բազմապիսի տարրեր և հղանակներ, բայց վերջին հաշվով դրանց մեջ գերիշխում է հրապարակախոսությունը: Ժանրային տեսակետից բոլորովին այլ են «Արձակ երգիծանքները» և «Անմեղ պատմվածքները», թեպես դրանց մեջ ևս, հատկապես առաջին շարքում քիչ է հրապարակախոսական տարրը: Յիկերը ստեղծվում էին ակնարկներից և պատմվածքներից: Հեղինակը պարզորոշ չէր սահմանադատում այդ կատեգորիաները: Սալտիկովյան վեպերի բնույթը և ժանրի էվոլյուցիան հասկանալու համար առանձնահատուկ նշանակություն է ստանում ցիկլի ներսում հղած առանձին ակնարկների կամ պատմվածքների կապի հարցը: Մի դեպքում կամ այդ կապն արտաքին է (օրինակ՝ «Անմեղ պատմվածքներում»), ուր մտել է Սալտիկովի քառասնական թվականների «Խճճված դործը» պատմվածքը), կամ նրանց միավորող զազափարները շափազանց ընդհանուր բնույթի են, մյուս դեպքում, որպես ցե-

մենատղ հիմք հանդես է գալիս որոշակի կոնկրետ թեման: Առաջին ակնարկների հրապարակման ժամանակ միավորող զազափարը միշտ չէ, որ սկզբից է ծագել: Շատ հաճախ ցիկլի զազափարական ուրվագծերը քիչ թե շատ որոշակի արտահայտություն էին ստանում նրա ստեղծվելու պրոցեսում: Երբեմն առաջին իսկ ակնարկից երևան էին դալիս ապագա ցիկլի բովանդակությունը կանխորոշող հարցեր: Հասուն շրջանում Սալտիկովի համար ավելի բնորոշ է երկրորդ վարիանտը, երբ ցիկլավորումը դառնում է ստեղծագործության կառուցվածքային հիմնական սկզբունքը:

Երգիծական առաջին ցիկլերում Սալտիկովը փնտրում էր անհրաժեշտ ձև: «Անմեղ պատմվածքները» և «Արձակ երգիծանքները» նախապատրաստական շրջան հանդիսացան երգիծական վեպ-տեսություն ստեղծման ճանապարհին: Իրանց մեջ արդեն նշվում են ապագա ժանրի ուրվագծերը, որտեղ սոցիալական իրականության որոշակի տիպական կողմերն արտահայտող երգիծական սուր քննադատմանը ձեռք են բերում ավելի բնորոշանրացնող նշանակություն, օրգանապես ավելի են միահյուսվում պատմվածքի հյուսվածքին:

Սալտիկովը ձգտում է մեծ, մոնումենտալ ձևերի, որոնք թույլ են տալիս սոցիալական իրականության լայն կտավներ բնագրկել: Այս տեսակետից ելնելով՝ գոյություն ունեցող արձակ ժանրերից ոչ

մեկը շէր բավարարում նրան, և նա, բնականաբար, պետք է փնտրեր դրական նոր ձևեր, որոնք համապատասխանեին նրա մտահղացումների: Ընդարձակությանն ու բարդությանը: Մյուս կողմից նա իր խառնվածքով ու համողմունքներով շէր կարող կյանքի պայքարի անտարրեր ականատեսը, պասսիվ տարեգիրը լինել: «Սալտիկով-Շչեգրինի ստեղծագործության մեջ, — գրում է Ա. Բուշմինը, — ցիկլայնությունը պայմանավորված է գրողի ձգտմամբ՝ իր ստեղծագործությունները դարձնելու նախ և առաջ հասարակական կյանքի լայն հայելի, և, երկրորդ, կյանքին անհապաղ միջամտելու դեմք: Առաջին պայմանը թեկադրում էր մեծ պատկերներ պահանջող լայն և բարդ գեղարվեստական կոնցեպցիաներ, երկրորդը՝ ընդհանուր ստեղծագործական մտահղացումը մասնատելու մի շարք շատ թե քիչ ինքնուրույն պատմվածքների և ակնարկների, որոնք թույլատրում էին անհապաղ արձագանքելու կյանքին, ներդրավիելու ընթացիկ սոցիալ-քաղաքական պայքարի մեջ»: Այստեղ հաջող են ձևակերպված Սալտիկովի ստեղծագործական որոնումների գաղափարական, հոգեբանական նախադրյալները, այնքան դժվար զուգակցելի պայմանները զուգորդելու նրա ձգտումը: Ցիկլավորումը ամենահարմար ձևն էր, որը դարձել էր նրա ստեղծագործությունների գերակշռող մեծամասնության կառուցվածքային հիմնական սկզբունքը:

Ա. Բուշմինը Սալտիկովի մոտ նշում է ցիկլայ-
նության երեք տիպ:

Առաջինում նա միավորում է այն ցիկլերը, որոնց
մեջ պատմվածքների իրարից կախված լինելը թույլ
է արտահայտվում («Նահանգական ակնարկներ»,
«Անմեղ պատմվածքներ», «Արձակ երգիծանք-
ներ»), երկրորդում՝ բառիս բուն իմաստով ցիկ-
լերը (սրանք ընդգրկում են երգիծաբանի ստեղ-
ծագործությունների մեծ մասը), և, վերջապես,
երրորդ տիպի մեջ մտնում են այն ցիկլերը, որոն-
ցում առանձին մասերի կապն ավելի սերտ և
բազմակողմանի է արտահայտված: Բուշմինը այս
վերջին տիպին է դասում «Մի քաղաքի պատ-
մությունը», «Պետերբուրգում գտնվող գավառա-
ցու օրագիրը», «Պարոնայք Գոլովլյովները»,
«Մոնրեպոյի ապաստարանը», «Ժամանակակից
հովվերգությունը», «Պոշեխոնյան հնությունը», ան-
վանելով դրանք «շեղրինյան յուրահատուկ վե-
պեր»¹:

Նման դասակարգման հետ կարելի է համաձայ-
նել միայն այն վերապահումով, որ երրորդ խմբ-
բում թվարկված ստեղծագործությունները, որոնք
վեպեր են անվանվել, իրենց ժանրային հատկու-
թյուններով բոլորովին էլ միևնույն շրջանակներում

¹ А. Бушмин, Проблема общественного романа в эс-
тетике Салтыкова-Щедрина, «Русская литература», Л.,
1958, № 2, стр. 87—88.

չեն անսլուծ: Հետազոտողն այստեղ գործ ունի
տարբեր բնույթի երևույթների հետ: Սալտիկովը
վեպի է անցել ցիկլերի միջոցով, բայց ժանրը որո-
նելիս շարժվել է տարբեր ուղղություններով: Երգի-
ծական վեպ ստեղծելու ձգտման հիմնական տեն-
դենցը երևան է կելի 60-ական թվականների առա-
ջին ցիկլերում, ամբապնդվել է 70-ական թվական-
ներին և վերջապես, իր զարգացման վերջակետին
հասել «Ժամանակակից հովվերգությունում»: Փոքր
ինչ այլ տենդենցի դադաթնակետ հանդիսացավ
«Մի քաղաքի պատմությունը»:

Ամեն մի մեծ գրող ունենում է իր ստեղծագործական մտքի հասունությունն ու ծաղկումը բնորոշող դագաթներ: Այդպիսի ստեղծագործություններից է «Մի քաղաքի պատմությունը»: Սալտիկովի հրգիծանքի արտաքին ձևը տարեգրության ոճով գրված պատմական ժամանակագրությունն է, որտեղ նկարագրվում են քաղաքի կյանքի «հիշարժան» դեպքերը՝ համարյա մի հարյուրամյակի ընթացքում: Գլուպովի առաջին քաղաքապետ Կլիմենտի «գործունեությունը» սկսվում է 1731 թվականին, իսկ քաղաքի վերջին տիրակալ Պերսիլովատ-Չալիսովատսկու «գործունեությունը» համընկնում է Նիկոլայ I-ի թագավորության սկզբին: Սալտիկովն իր հրգիծանքը հագեցրել է պատմական սեռալուստի փաստերով: Նրա քաղաքապետներն իրենց շատ գծերով հիշեցնում էին իրական անձանց՝ ուսուսաց ցարերին ու պետական գործիչներին և պատմական անալոգիաների ու զուգահեռների տախտակի տալիս:

«Մաշտպանելով քաղաքական երգիծանքի լիր-
վունքները՝ Սալտիկովը բողոքում էր Գլուպով քա-
ղաքը սրպես ուսաց պատմության փաստերի եր-
գիծական պատկերում ըմբռնելու դեմ: «Ոչ թե
«պատմական», այլ միանգամայն սովորական եր-
գիծանք եմ ես նկատի ունեցել, — գրել է Սալտիկո-
վը «Վեստնիկ Եվրոպի» հանդեսի խմբագրությա-
նը, — ուսական կյանքի այն հատկանշական դժե-
րի դեմ ուղղված երգիծանք, որոնք այդ կյանքը
դարձնում են ոչ լիովին հարմար...»: Եվ ապա.
«Քանի որ ինձ հատկապես զբաղեցնում է այն հար-
ցը, թե ինչից են առաջանում կյանքի անհարմարու-
թյունները, ապա ես զբաղվում եմ միայն այն երե-
վույթներով, որոնք ծառայում են այդ հարցը բա-
ցատրելու»: «Մի քաղաքի պատմության» գաղա-
փարական նախադրյալներն այս խոսքերի մեջ թեև
հարկադրաբար արտահայտված են այլաբանական
ձևով, այնուամենայնիվ բավական որոշակի են:
Սալտիկովի երգիծանքն ուղղված էր ինքնակալա-
կան Ռուսաստանի հասարակական-քաղաքական
իրավակարգի, ուսական կյանքի այն բնորոշ կող-
մերի դեմ, որոնք հեղինակի ղգույշ արտահայտու-
թյամբ՝ «այդ կյանքը դարձնում են ոչ լիովին հար-
մար»: Ի դեմս նեգոդյակների, պերեխովաշ-զալիխ-
վատսկիների, ուզրյում-բուրչեկների և Գլուպովի
մյուս քաղաքապեաների, Սալտիկովը տվել է բռնա-
կալության, խեղճության և բռն կամայականության
վառ բնութագիրը:

Սալտիկովի երգիծական վեպում արտահայտություն են գտել նախ և առաջ 60-ական թվականներին հասարակական-քաղաքական կյանքի բնորոշ գծերը՝ սեռակցիայի, տեղորի մթնոլորտը, առաջավոր մտքի հալածանքը: Սալտիկովի վեպը հագեցած է կոնկրետ փաստերի ու իրադարձությունների ակնարկություններով: Գա ասես շոշափելի իլյուստրացիա է եղել բնորոշելու Ալեքսանդր II-ի թագավորության ժամանակաշրջանը, որը Գերցենը բնութագրել է հետևյալ կերպ. «Մարդկային ուղիներն ավելի երկար են ու բարդ, — գրել է նա «Կոլոկոլ»-ում, — բունության ուղիները կարճ են ու խաբուսիկ: Դրանք գործադրելու համար պետք է ունենալ սրտի բացակայություն, խիստ սահմանափակ միտք և բոլորովին անսահմանափակ իշխանություն: Պետք է ունենալ այնպիսի կատարողներ, որոնք երբեք չեն հարցնում՝ այսպե՞ս է արդյոք և ինչո՞ւ է այսպես: Այս ամենն ունենալուց հետո, բարեբաստիկ հանգամանքներում կարելի է ապաշնորհություն մը ու սահմանափակություն մը անհեթեթությունների հրաշքներ գործել և աստված գիտե ինչ կործանել»¹:

Պատմական ֆոնի վրա նկարագրելը, հեքիաթային տարրեր ու ֆանտաստիկա օգտագործելը թույլ են տվել հեղինակին ավելի ազատ վարվելու փաս-

¹ А. И. Герцен, Полное собрание сочинений и писем, под редакцией М. Лемке. ГИЗ, Петербург, 1922, том 17, стр. 386.

տերի հետ, իր ատելությունն արտահայտելու ինքնակալական իրավակարգի, «ուզըցում-բուրչեականության» բուրբ դրսևորումների նկատմամբ:

Երբ Շչեղբինը Ա. Ն. Պիպինին գրում էր, որ «ինքը ոչ մի գործ չունի պատմության հետ», որ ինքը «նկատի ունի միայն ներկան», ապա այդ իհարկի, չէր նշանակում, որ անցյալն իսկապես չէր հետաքրքրում նրան: Որպես հասարակական կյանքի «հետազոտող» նա չէր կարող անտարբեր լինել պատմական փորձի հանդեպ՝ թեկուզ և այն պատճառով, որ նրան չէին կարող չհետաքրքրել ուս իրականության այս կամ այն տիպական հրեույթների ծագումն ու արմատները: Հետևաբար ստեղծագործության պատմական հենքը արտաքին ձև չէր միայն: Ռեակցիոն քննադատությունը օգտվելով այդ հանգամանքից «Մի քաղաքի պատմությունը» հայտարարեց պատմական հրգիծանք՝ ձգտելով ոչ միայն վարկաբեկել այն, մեղադրել հեղինակին փաստերը չիմանալու, տգիտության ու հակահայրենասիրության մեջ, այլև ջանալով թուլացնել նրա ազդեցությունը ժամանակակիցների վրա: Ահա այս բանավեճային ու տակտիկական նկատառումներն էին թելադրել Սալտիկովի այն հայտարարությունը, թե ինքը իբր ոչ մի գործ չունի պատմության հետ:

Պատմական հրգիծանքի ձևը խստորեն պայմանավորված էր Սալտիկովի երկերի բնույթով: Այդ ձևը հարմար էր ոչ միայն այն տեսակետից, որ

ավելի էր ազատութիւնն ընձեռում դիմելու ժամանակակից հասարակական-քաղաքական կյանքի փաստերին, այլև այն, որ բավական հնարավորութիւն էր ստեղծում սինթեզի, գեղարվեստական լայն ընդհանրացումների համար: Սալտիկովի երգիծանքը ուղղված էր, հեղինակի զգուշ արտահայտութեամբ, «կամայականութեան ու վայրենութեան այն դրսևորումների դեմ, որոնք ամեն մի ազնիվ մարդու սիրտն են խառնում»: Հեղինակն իր ստեղծագործութիւնը հագեցրել է թե՛ պատմական անցյալի, թե՛ արդիականութեան փաստերով, բայց կոպիտ սխալ կլիներ, եթե մենք դրա հիման վրա շեղրինյան երգիծանքի նշանակութիւնը սահմանափակեինք դարաշրջանի որոշ շրջանակներով: Սալտիկովին հետաքրքրում էին ոչ միայն Ռուսաստանի հասարակական կյանքի էական հարցերը: «Մի քաղաքի պատմութիւնը» հետուեֆորմյան Ռուսաստանի հասարակական-քաղաքական իրադարձութիւնների տարեգրութիւնը չէ միայն: Հեղինակի համարձակ ընդհանրացումները խոր հայացքի, նուրբ ու ճշգրիտ դիտողութիւնների շնորհիվ դուրս են գալիս դարաշրջանի որոշ սահմաններից: Երբ Ա. Ն. Պիպինին գրած նամակում Սալտիկովը հավաստում էր, որ «կյանքի նույն հիմունքները, որոնք գոյութիւն ունենին XVIII դարում, գոյութիւն ունեն նաև հիմա», ապա այդ հավաստումը նպատակ ուներ ընդգծել ոչ միայն այն, որ «Մի քաղաքի պատմութիւնը» հասցեագրված է ար-

դիականությանը, այլև մատնանշել դրա գաղափարական շատ ավելի լայն հիմքը:

Մի՞թե արվեստագետ Սալտիկովի հանձարեղ գրչով ուրվագծված իրագրությունը նվազ տիպական է 80-ական թվականների Ռուսաստանի համար: «Գլուպով քաղաքի» մերկացնող կերպարը, — գրում է Ս. Մակաշինը Սալտիկովի երգիծական վեպի ընդհանուր բնութագրության մեջ, որ առաջին անգամ երևան եկավ շշեղրինյան երգիծանքում դեռևս 1860-ական թվականների սկզբին («Արձակ երգիծանքներ» ժողովածուն) այստեղ ընդլայնվեց ու հասավ ցարական Ռուսաստանի ինքնակալական ~ կալվածատիրական ամբողջ իրավակարգի, ավելին՝ ամեն մի հակաժողովրդական, բռնակալական ռեժիմի կերպարի վիթխարի ընդհանրացման, ինչպիսի ազգային հողի վրա և ինչ դարաշրջանում էլ նա մոլեգներ»¹:

Սալտիկովի բոլոր երկերը գաղափարական սերտ կապ ունեն իրար հետ: Դրանք միացնող սկզբունքը ընդհանուր նպատակներն էին, նրա ստեղծագործության երգիծական նպատակամիտումը և հասարակական իդեալները: Սակայն ցիկլերի միջև եղած այդ ընդհանուր կապը, նրանց գաղափարական

¹ С. Макашин, Примечания к «Истории одного города», в книге: Н. Щедрин (М. Е. Салтыков), Собрание сочинений, изд. «Правда», 1951, том 4, стр. 439.

կախվածությունը դրսևորվեց շարժման, դարդացման մեջ, արտահայտվեց տարբեր ձևերով: Գաղափարները մի անգամից պատրաստ ու ավարտված չէին ծնվում, այլ համապատասխան ձև, շատ թիվ հասակ արտահայտություն էին ստանում այն շափով, ինչ շափով հեղինակը ավելի ու ավելի էր խորանում հասարակական օրդանիդմի ուսումնասիրության մեջ, ավելի էր երևան բերում սոցիալական իրականության բնորոշ գծերը: Պետք է նշել, որ Սալտիկով-Շչեգրիինի «Մի քաղաքի պատմությունից» թե առաջ և թե հետո գրված երկերի տարբեր թվերը ձգվում են դեպի այդ հանրահայտ ստեղծագործությունը: «Նահանգական ակնարկներ» երրորդ հատորը լույս տեսնելուց հետո Սալտիկովը մտադրվեց գրել այդ շարքի մի նոր բաժինը: Բայց շուտով հրաժարվեց այդ մտքից և սկսեց մի ուրիշ շարք՝ «Գրքեր մեռնողների մասին» ընդհանուր վերնագրով: Հիասթափվելով այդ գաղափարից, որովհետև «մեռնողները» ավելի կենսունակ դուրս եկան, քան հեղինակն էր ենթադրում, նա ձեռնամուխ եղավ գլուպովյան շարքին: Որոշ ժամանակ անց, տարբեր դրդապատճառներով այս բոլոր մտահղացումները մնացին անավարտ, իսկ հեղինակի գրած ակնարկները մտցվեցին «Արձակ երգիծանքներ» և «Անմեղ պատմվածքներ» շարքերի մեջ: Ակնբերև է 60-ական թվականների սկզբի գլուպովյան շարքի ու «Մի քաղաքի պատմության» գաղափարական կապը: Ակնբերև է նրա կախվա-

ծությունը «Պոմպադուրներից», դրանց մեջ հեշտությամբ երևան եկան այն տարրերը, որոնք իրենց հետագա զարգացումը դտան Սալտիկովի երգիծական վեպում:

«Պոմպադուրների» մեջ ուրվագծվում են ապագա ստեղծագործության դադափարական շրջագծերը, որտեղ ուղղակի ձայնակցություն էնք տեսնում «Մի քաղաքի պատմության» հետ, օրինակ՝ հասարակական օրինակելի կառուցվածքի սկզբնական ուրվանկարը, ինչպես իր մուսյլ դառանցանքում պատկերացնում էր Ուզրյում-Բուրչեկը, գտնում ենք պաշտոնաթող պոմպադուրի երազներում, երբ նա իմանում է, որ նոր պոմպադուրը ապառքներ է հավաքում ու անձամբ ծեծում քնակիչներին, այն ժամանակ «պաշտոնաթող պետի հետ արտակարգ բան է պատահում: Նա ընկնում է մի տեսակ զմայլական մոռացման մեջ. նրան թվում է, թե ինքը սպիտակ նժույգով գնում է ինչ-որ տեղ, լուսաշող զգեստներ է հագեւ, որ իր ետեւից գալիս են անթիվ-անհամար ոստիկանապետներ, հարյուրապետներ, տասնապետներ, իսկ իր առջև ծունկ է շոքեւ բազմությունը...» (IX, 48):

«Պոմպադուրների» մեջ հանդիպում է «երիտասարդ ու բոլորովին անվախ» քաղաքապետի կերպարը, որը «ոչ գիտություն է իմանում, ոչ արվեստ», որի նախասիրած արտահայտություններն էին՝ «ծլկեց» և «այնպիսի տեղ, ուր մարդու ոտ չի

եղել» (IX, 67): Եվ վերջապես «Պոմպադուրների» մեջ խոսվում է այն «բնածին տաղանդների» մասին, որոնք «աշխարհագրություն չեն իմանում, թվաբանություն չեն իմանում, բայց ում ասես արյունը կթափեն» (IX, 269): Թե այդ «բնածին տաղանդները» նպաստավոր հանգամանքներում ինչի են ընդունակ՝ լիովին բացահայտված է Ուզրյոմ-Բուրչեկի կերպարում, որը «ղարմանալի սահմանափակությանը միացնում էր համարյա ապուշության հասնող անդրդվելիությունը», որը նույնպես, «ոչ գիտություն էր իմանում ոչ էլ արվեստ», «ոչ տեխնոլոգ էր, ոչ ինժեներ. բայց աննկուն սրիկա էր, իսկ դա նույնպես յուրատեսակ ուժ է, որն ունենալուց հետո կարելի է տիրել աշխարհին» (IX, 401, 412): Այսպես աստիճանաբար է Սալտիկովի ստեղծագործական գիտակցության մեջ ձևավորվել քաղաքապետի կերպարը, ուր տգիտությունը միահյուսվել է անասնական համառությանն ու դաժանությանը:

«Անվանի օտարերկրացիների կարծիքները պոմպադուրների մասին» ավարտական ակնարկում հեղինակը վերադառնում է ուզրյոմ-բուրչեկականության տիպական դրսևորումներին, որտեղ խոսվում է «աշխարհը անապատի վերածելու» պոմպադուրների «ճակատագրական հակման մասին» որի հիմքը «մարդատյացությունն» է (IX, 254):

«Նահանգական ակնարկներ», «Արձակ երգիծանքներ» և «Պոմպադուրներ ու պոմպադուրուհի-

ներ» երկերը «Մի քաղաքի սնամուտության» վիթխարի մտահղացումն իրագործելու անհրաժեշտ օղակներն էին:

Սալտիկովի երգիծական վեպում քաղաքապետները աչքի են ընկնում բնավորությունների բազմազանությամբ, նրբերանգների հարստությամբ ու վառ անհատականացմամբ, բոլորն էլ ունեն սրտշակի բնորոշ զծեր, ամեն մեկն ինքնին բացահայտում է սոցիալական արատների մի նոր կողմը: Միաժամանակ բոլորն էլ ինքնակալական-բռնապետական սեփմի մարմնացումն են: Չնայած մտավոր հատկությունների սահմանափակությանն ու բթամտությանը՝ նրանք կարող են օգտվել բնակիչների վրա ունեցած իրենց անսահմանափակ իրավունքներից: Անկախ աստիճաններից ու տիրուղոսներից՝ բոլորն էլ ողորմելի խաբեբաներ են՝ պատահական հանգամանքներով միայն իշխանութուն ստացած: Սակայն ինքնակալական իրավապարզում այդ պատահական հանգամանքներն այնքան հաճախ էին կրկնվում, որ օրինաչափության ուժ էին ստանում: Հեղինակն այս մոմենտը շեշտում է «Քաղաքապետների անվանացանկ»-ում, որը մռայլ էպոպեի յուրատեսակ ներածությունն է: Կլեմենտիին «բերել է Իտալիայից Կուռլանդիայի դուքս Բիրոնը՝ հմտորեն մակարոնի կերակուր պատրաստելու համար», Ֆերապոնտովը «Կուռլանդիայի նույն դքսի նախկին սափրիչն է», Լամվրոկակիսը՝ «փախստական հույն է՝ անանուն ու ան-

հայրենիք և նույնիսկ անաստիճան, բռնել է նրան
կիրիլ Ռազումովսկին Նեժինի շուկայում», Ֆերդի-
շենկոն՝ «իշխան Պոտյոմկինի նախկին սպասյա-
կը», Նեզոդյակը՝ «Գատշինացի նախկին հնոցա-
պան», Ուզրյում-Բուրշեկը՝ «անցյալում զինվորա-
կան, արտաքնոցներ մաքրող»... Յուրաքանչյուրը
քաղաքապետի բնութագիրը քաջնում է բնավորու-
թյան գծերն անհատականացնող կենցաղային ման-
րամասնություններով, որոնք մեծ կոնկրետություն
են տալիս կերպարին: Օրինակ՝ Լամվրոկակիսը
«գտնվեց փայտոջիլից կրծոտված անկողնում», Վե-
լիկանովը «բռնվեց Ավդոտիա Լոպուխինայի հետ
սիրային կապ ունենալու մեջ», Մարկիզ դը Սանդ-
լոտը «աչքի էր ընկնում թեթևամտությամբ ու սի-
րում էր անպատկառ երգեր երգել», Ֆերդիշշենկոն՝
«սիրում էր ուտել խոզի միս և կաղամբով սագ»,
Բենեշլոենսկին՝ «սիրային կապ ուներ վաճառա-
կանի կնոջ՝ Ռասպոպովայի հետ», Դյոն-Շարիոն՝
«սիրում էր կանացի շորեր հագնել ու գորտ ուտել»,
Գրուսախլովը «աչքի էր ընկնում քնքուշ ու դյուրա-
զգաց սրտով և սիրում էր թեյ խմել քաղաքային
պուրակում: Իրենից հետո թողեց հովվերգական
բովանդակություն ունեցող մի քանի երկ ու մեռավ
մեկամաղձից» և վերջապես իշխան Միքալաձեն
«ունեի գայթակղիչ արտաքին և այնքան հակված
էր դեպի իգական սեռը, որ նրա օրով համարյա
կրկնակի ավելացավ Գլուպովի բնակչությունը»:

Այսպիսի հակիրճ ու միտժամանակ դիպուկ բնո-

րոշումներ հանդիպում են ոչ միայն «Անվանացանկ»-ում, այլև բուն վիպագրության մեջ: Օրինակ՝ Վասիլիսկի Բորոգավկինը «ցերեկը ճանճինման պտույտ էր գալիս քաղաքում ու հետևում, որ բնակիչները առույգ և ուրախ տեսք ունենան, իսկ գիշերը հանգցնում էր հրդեհները, կեղծ տաղնասյներ էր հարուցում և ընդհանրապես հանկարծակիի բերում... Քնում էր միայն մեկ աչքով» (IX, 341): Սակավ ցայտուն ու ինքնատիպ չէ պետական խորհրդական Իվանովի կերպարը. սա «այնքան կարճահասակ էր, որ ոչ մի ընդարձակ բան պարունակել չէր կարող»: Իվանովի վախճանվելուն վերաբերող մի պատմվածքում ասված է, որ նա իբր թե «մեռավ սարսափից՝ ստանալով խիստ ընդարձակ հրամանագիր, որը հասկանալու հույս չուներ»: Ըստ մի այլ տարբերակի՝ քաղքենիները հավատում էին, որ «Իվանովը բնավ էլ չմեռավ, այլ սաշտոնաթողության կանչվեց, որովհետև նրա գլուխը ուղեղի աստիճանական շորացման հետևանքով (դրա գործածության ավելորդությունից) անցավ սաղմնային վիճակի...» (IX, 379):

Բռնապետական իշխանության ներկայացուցիչներին պատկերելիս հեղինակը անողորք է: Այստեղ կերպարին ավելի ցայտունություն ու երգիծական սրություն տալու համար գույները դիտմամբ խտացված են: Այս շարագուշակ կերպարների շուրջը լույսի ոչ մի նշույլ չկա: Նրանց մարդկային (եթե դա կարելի է «մարդկային» անվանել) բնույ-

թը գրսևորվում է միայն բացասական, նողկալի կողմերով՝ մտավոր ընդունակությունների սահմանափակում, քար բթամտություն, թեթևամտություն, ստոր կիրքերի սանձարձակություն, խևություն ու խստասրտություն: Ժողովրդին ճնշողների ու հարստահարողների կերպարները դուրս են գալիս անթափանց ու ընկճող խավարից և պատժող խոսքի ճառագայթների տակ ասես մի վայրկյան երևում են ընթերցողի մտահայացքի առջև իրենց ամբողջ այլանդակ մերկությամբ:

Սալտիկովը առավելագույն ցայտունության ու շոշափելիության է հասնում Ուզրյում-Բուրչեկի կերպարը ուրվագծելիս: Նա գործադրում է իր ստեղծագործական ամբողջ կարողությունը լրիվ ու բազմակողմանի բացահայտելու համար այդ վայրագ խևի՝ Գլուպով քաղաքի վերջին կառավարչի բռնապետական էությունը. «Բոլորովին անլսելի ձայնով էր արտահայտում նա իր պահանջները և դրանք կատարելու անխուսափելիությունը հաստատում էր հայացքը շեշտակի սևեռելով... Դա պողպատի նման պայծառ հայացք էր, մտքից բոլորովին զերծ հայացք, ուստի և նրբերանգների ու տատանումների համար անմատչելի: Մերկ վճռականություն և ուրիշ ոչինչ... Նա... առաջ էր գնում՝ երկրի երեսից սրբելով այն ամենը, որ ճանապարհից հտ քաշվելու ժամանակ չէր ունեցել... Եթե ապուշային հռանդուն գործունեության հետևանքով նույնիսկ ամբողջ աշխարհը վերածվեր անապատի,

ասպա այս հետևանքն էլ շէք սարսափեցնի ասու-
շին: Ինչ իմանա, գուցե և նրա աչքում անասպատը
հենց այն իրադրությունն էր, որ պատկերում է
ինքնին մարդկային համակեցության իդեալը...»
(IX, 402, 404):

Ահավոր պատկեր են ներկայացնում Ուզրյում-
Ֆուրչեևի արնաթաթավ երազները: Նրա հիվանդ
երեակայության մեջ պատկերազրվում են պետա-
կան մի հրեշավոր սիստեմի շրջագծերը: Օրինակե-
լի քաղաքը պատկերանում էր նրան զորանոցների
ու տարբեր ամբուսթյունների ձևով: Միատիպ տնե-
րը «ներկված են բաց մոխրագույն ներկով»: Պաշ-
տոնավայրերը կոչվում են շտաբներ... Գպրոցների
չկան, գրագիտությունն ավելորդ է. թվաբանու-
թյունը սովորեցվում է մատներով: Ոչ անցյալ կա
ոչ էլ ապագա, ուստի և թվաբանությունը վերաց-
վում է» (IX, 408—409): Ուզրյում-Ֆուրչեևի «սիս-
տեմատիկ վառանցանքում» ոչ միայն Գլուպով քա-
ղաքը, այլև համայն աշխարհը պատկերանում է
որպես զորանոցների, ճամբարների, վերաբնակեց-
ման միավորների, դասակների, վաշտերի ու գրն-
դերի մի անլախճան շարք: Խստորեն կարգավոր-
ված են նաև իշխանության ու բնակիչների հարա-
բերությունները:

«Մի քաղաքի պատմության» մեջ ցնցող խորու-
թյամբ ու ճշմարտացիությամբ պատկերված է
Ուզրյում-Ֆուրչեևի այսպես կոչված «համահավա-
սարեցման գործունեությունը», ամբողջ երկիրը վե-

ըստինքնակեցման վայրեր ու զորանոցներ դարձնելու, ամեն ինչ իր զառանցական պլաններին ենթարկելու, բնակիչներին մեջ ինքնուրույնության բոլոր նշաններն ու մարդկային արժանապատվության զգացմունքը սպանելու, նրանց իր արյունոտ մտահղացումների կույր ու հլու կատարողները դարձնելու ձգտումը. «Կատարողականության այդ զարհուրելի մասսան, որը գործում էր որպես մի մարդ, սպշեցնում էր երևակայությունը: Ամբողջ աշխարհը պատկերանում էր սև կետերով ծածկված, որտեղ թմրկահարություններքո, սղիղ զծով, շարժվում են մարդիկ և քայլում են անվերջ, քայլում են անվերջ... Խորհրդավոր սովերներ, կոճկված, խուզված՝ գնում էին իրար հտևից միօրինակ քայլվածքով, միակերպ հագուստներով, և քայլում էին անվերջ, քայլում էին անվերջ... Բոլորն էլ նույն կերպարանքն ունեին, բոլորն էլ հավասարապես լուռ էին ու բոլորն էլ հավասարապես անհետանում էին ինչ-որ տեղ. ո՞ւր: Թվում էր, թե այդ երազային ֆանտաստիկ աշխարհից այն կողմը գոյություն ունեւր էլ ավելի ֆանտաստիկ մի խորխորատ, որը լուծում էր բոլոր դժվարությունները նրանով, որ այդտեղ կորչում էր ամեն ինչ, ամեն ինչ առանց մնացորդի...» (IX, 407, 408, 410):

Ուզոյում-Բուրչեևի քաղաքական բնութագիրը լրացված է նաև կենցաղային մի քանի մանրամասներով. «Քնում էր նա անմիջականորեն գետնի վրա, բարձի փոխարեն մի քար էր դնում գլխի

տակ, բայց օրվա մեջ երեք ժամ համաշափ քայլում էր...» և այլն: Ընտանեկան կեցութեան մեջ ևս արտահայտվում էր Գլուպով քաղաքի դաժան կառավարչի բիրտ բնավորութունը: Լուր էր պտըտվում, որ նրա կինն ու երեխաները «տառապում էին քաղաքապետական տան ինչ-որ նկուղում»: Սալտիկովը մռայլ գույներով է պատկերում նաև Ուզրյում-Բուրչեևի արտաքին դիմանկարը այն պեյզաժի ֆոնի վրա, որը «ինքնին մի անապատ է, իսկ դրա մեջտեղը բանտ. վերևում, երկնքի փոխարեն, կախվել է զինվորի մի գորշ շինել» (IX, 402—404):

Հեղինակի ուշադրության կենտրոնում այնքան Ուզրյում-Բուրչեևի անձնավորութունը չէ, որքան բնորոշ իրադրութունը: Ուզրյում-Բուրչեևի կերպարը ենթարկված է հետևյալ խնդրին՝ բազմակողմանիորեն լուսաբանել ու բացահայտել սոցիալական արիպական որոշ հանգամանքները, և այդտեղ էլ արտահայտվել է Սալտիկովի երզիժական տաղանդի ամենաուժեղ կողմը: Քաղաքապետների անձնավորութունները միջոց են միայն մերկացնելու հեղինակի համար ատելի ինքնակալական-բռնապետական իրականությունը:

Քաղաքապետների կերպարները կերտելիս հեղինակը կատարյալ ազատություն է տալիս իր անսպառ երևակայությանը՝ ընթերցողին նախազգուշացնելով. «ով շի հավատում կախարդական կերպարանափոխություններին, թող չկարդա Գլուպովի

տարեգրութիւնը» (IX, 393): Եւ զրա պատճառը
 բնավ էլ այն չէ, որ հեղինակը առանձնակի համա-
 կրանք է տածում կախարդական երազների ու հե-
 քիաթայնութիւն նկատմամբ, այլ նրա հաստատ
 համոզումից բնականաբար և օրինաչափորեն
 բխում է, որ «լինում են այնպիսի հրաշքներ, որոնց
 մեջ, ուշագիր դիտելիս, կարելի է նկատել բավա-
 կան ցայտուն իրական հիմք» (IX, 355): Օրինակ՝
 բոլորովին ֆանտաստիկ է Բրուգաստի-Օրդանչի-
 կի կերպարը, որի պիսի փոխարեն «դատարկ
 աման» է, «ինչ-որ հատուկ սարք», «փոքրիկ երգե-
 ձոն», որ կարող է նվագել «երաժշտական ոչ դժվա-
 բին երկու դորժ՝ «Քարուքանդ կանեմ» և «Չեմ հան-
 դուրժի»: Սակայն այդ ֆանտաստիկութիւն միջով
 որոշակի ուրվագծվում է միանգամայն իրական
 կերպար: Այս հարցը սերտորեն կապված է իրա-
 կանի ու ֆանտաստիկի, կյանքի զննումների ու հե-
 ղինակային հնարանքի հարաբերակցութիւն պրոբ-
 լեմի հետ:

Ամենից ավելի ծանր ու անարդար մեղադրանք-
 ներից մեկը, որ քննադատութիւնը ներկայացրել
 էր Սալտիկովին, այն էր, որ նա ծաղրում է, ծիծա-
 ղում անիմատ կերպով ի սեր ծիծաղի: Դժվար է
 պատկերացնել, որ նույնիսկ նրանք, ովքեր հանդես
 էին գալիս նման մեղադրանքներով, լրջորեն հա-
 վատում էին Սալտիկովի ստեղծագործութիւնների
 թեթև ֆելիետոնային բնույթին, այնքան ցայտուն
 է արտահայտված դրանց մեջ ողբերգական տար-

րը: Ողբերգականությունն ու քաղաքացիական վիշ-
 արը ցնցող ուժի է հասնում «Մի քաղաքի պատմու-
 թյան» մեջ: Այս տեսակետից Սալտիկովը Գոգոլի:
 գործի արժանավոր ժառանգն ու շարունակողը
 եղավ: Նրա ծաղրն էլ լավում էր արցունքների մի-
 ջից, բայց այդ ծաղրն արդեն այլ հատկութուն-
 ներ ուներ. ավելի դառն էր, ավելի մաղձոտ և հա-
 տու: «Նրա ծիծաղը դառն է ու խոցող,— գրել է
 Ի. Տուրգենևը Սալտիկովի մասին «Մի քաղաքի
 պատմության» վերաբերյալ հրատարակած գրախո-
 սականում,— նրա ծաղրը հաճախ վիրավորական է...
 Սալտիկովի մեջ ինչ-որ սվիֆտյան բան կա՝ լուրջ
 ու դաժան հումոր, հստակ ու զգաստ ունալիզմ՝
 երևակայության ամենամանրուսյա խաղով հունդերձ,
 և մանավանդ աննկուն ասողջ դատողություն, ևս
 պտտրաստ եմ ասել նույնիսկ չափավորություն, որ
 ամենևին չեն դավաճանում հեղինակին, չնայած
 ձևի անդապությանն ու չափազանցմանը... Տուր-
 գենևը «The Academy» հանդեսում տպված նույն
 գրախոսականում մատնանշելով «գրքի արտառո-
 ցությունը, որ տեղ-տեղ վերածվում է ծաղրանը-
 կարի», ընթերցողներին բացատրում էր, որ իր
 կարծիքով կա երկու տեսակ ծաղրանկար. «մեկը
 չափազանցնում է ճշմարիտը կարծես խոշորա-
 ցույցի միջոցով,— գրել է Տուրգենևը,— բայց եր-
 բեք չի աղավաղում նրա էությունը. մյուսը շատ թե
 քիչ դիտակցաբար շեղվում է կյանքի ճշմարտու-
 թյունից ու բնական համաչափությունից: Սալտի-

կովն ընդունում է միայն առաջին տեսակը որպես բնականորեն ճիշտ»: Տուրգենևը առաջիններից մեկըն էր, որ տվեց «Մի քաղաքի պատմության» ճիշտ ու խոր գնահատականը՝ դրա մեջ տեսնելով «ուսաստանյան կերպարանքի արմատական կողմերից մեկի ամենաճշմարտացի վերարտադրությունը»¹: Սալտիկովը առանձնապես համառ կերպով ֆանտաստիկայի տարրերին սկսեց դիմել 60-ական թվականների վերջերից, երբ հասունանում էին նրա առաջին հեքիաթների մտահղացումները և երբ նա աշխատում էր «Պոմպադուրներ ու պոմպադուրուհիներ» շարքի վրա: Այդ ընթացքում ռեակցիոն քննադատությունը հաճախ էր մեծ հրգիծաբանին մեղադրում իրականությունն աղավաղող շափազանցությունների մեջ: Ի պատասխան այդ բացատրությունների՝ Սալտիկովը «Պայքարի պոմպադուր կամ ապագայի շարաճճիություններ» ակնարկում պրում է. «...Չափի ու պատշաճություն չզուգահեռելով շատ է հատուկ գրականությանը, որպեսզի նա հանձն առնեք իրականության ծաղրանկարը ճշգրտորեն վերարտադրելու խնդիրը: Իզուր նա նյիտի ջանար գոհակացնել և աղավաղել իրականությունը, որտեղ միշտ կմնա այնպիսի մի բան, որի սուշև կնահանջի աղավաղելու ամենահամարձակ ընդունակությունը: Աղավաղողներ, ծաղրանկա-

¹ Н. С. Тургенев, Собрание сочинений, Гослитиздат, 1956, том XI, стр. 202.

րիչնե՛ր, հռչակում են կարճատես մարդիկ: Բայց թող նրանք ցույց տան այն գոեհի ու անմիտի սահմանը, որոնց չէր հասնի իրականությունը. թող թեկուզ մի անգամ կյանքում կարողանան հասկանալ ու գնահատել այն, ինչ ամեն քալափոփոխ լսում է նրանց ականջը և տեսնում նրանց հայացքը» (IX, 204): Այս խոսքերում արտահայտված միտքը չափազանց կարևոր տեղ է գրավում Սալտիկովի գրական հայացքներում: Արվեստի և իրականության էսթետիկական հարաբերությունների հարցը լուծելիս նրա համար ելակետ է հանդիսացել այն գրույթը, որ ճորտատիրական, ինքնակալական իրականությունը զազրելի է ու ալլանդակ, ամեն մի ծաղրանկարից ավելի վատ, ու բռնապետական հասարակական-քաղաքական իրավակարգը ծնում է վերին աստիճանի ալլանդակ, հրեշավոր երևույթներ: Սակայն այդ երևույթներն այնքան հեշտ չեն ենթարկվում զննումի ու վերլուծության ոչ միայն այն պատճառով, որ «թաքնվում են առօրյա փաստի տակ», այլև գոյություն ունեցող գրաքննական ճնշման պատճառով: Սալտիկովի համար ֆանտաստիկական իրականությունը մերկացնելու ալլաքանական ձև է, միջոց: «Գլխում ֆարշ ունեցող քաղաքապետ, — գրել է Սալտիկովը Պիպինին, — նշանակում է ոչ թե գլխում ֆարշ ունեցող մարդ, այլ հատկապես քաղաքապետ, որը բազմահարմարական քաղաքապետ է տնօրինում» (XVIII 234—235): Չարշով լցված գլխի կերպարը սահմանա-

փակության ու բթամտության սիմվոլ է միայն, ինչպես Օրգանչիկի կերպարը: Հեղինակի համար կարևոր է ցույց տալ բռնապետական ռեժիմի համար հատկանշական իրադրության տիպականությունը, երբ համարյա ամեն տեսակ մտավոր ընդունակությունից զուրկ մարդն անսահմանափակ իշխանություն ունի բնակիչներին վրա, երբ բազմահազար մարդկանց կյանքն ու ճակատագիրը կախված է դաժան ու բթամիտ կառավարչից:

«Մի քաղաքի պատմության» սյուժեն զարգանում է երկու գծով: Մի կողմից նկարագրվում են իշխանության սիմվոլը հանդիսացող քաղաքապետների դործույթյունները, մյուս կողմից՝ «տառապող միջավայրը»՝ բնակիչները, զուպովցիները, նրանց հակադրեցությունը կառավարիչների բռնակալությանը: Հեղինակը վեր է հանում ռուսական սոցիալական իրականությունը, 60-ական թվականների հասարակական-քաղաքական պայքարը, առաջ քաշում ժողովրդի և իշխանության նկատմամբ նրա ունենալիք վերաբերմունքի հարցը:

Սալտիկովի ոչ մի ստեղծագործության մեջ վայրույթի զգացմունքն այնպիսի ուժով չի արտահայտվել, ինչպես «Մի քաղաքի պատմության» մեջ: Հեղինակն անողոք է ոչ միայն քաղաքապետների, այլև հպատակների հլու-հնազանդ զանգվածի նկատմամբ: Հենց դա էլ թշնամի քննադատությանը առիթ է տվել մեղադրելու հեղինակին ժողովրդին ծաղրելու մեջ: Սալտիկովի երգիծական

վեպում Գլուպովի բնակչութունը պատկերված է որպես մի անկերպարանք, բութ ու պասսիվ ամբսխ: Հեղինակն իր երգիծաբանության մեջ նշավակում է ոչ թե սոցիալական մի որոշակի խավ, գլուպացիությանը կամ քաղաքային շքավորությանը, այլ ստեղծում է գլուպովցիների հավաքական կերպարը, որի մեջ նա տեսնում է պասսիվության և ստրկական հնազանդության մարմնացում:

«Քաղաքակրթութուն» արմատավորելու (պարտադիր կերպով մանանեխ և ձիթապտղի ձեթ գործածելու) համար, Բորոգավիհինի ձեռք առած խստություններին գլուպովցիները յուրովի են հակադրում: Նրանք, — գրում է Սալտիկովը — «նույնպես խելքը գլխին մարդիկ էին: Գործելու հուանդին նրանք մեծ հնարագիտությամբ հակադրում էին անգործության հուանդը:

— Ինչ ուզում ես մեկ արա, — ասում էին ոմանք, — ուզում ես կտոր-կտոր արա, ուզում ես շիլայի հետ կեր, — մեկ է՝ հոժար չենք:

— Մեզնից, ախպեր, բան կա՞, որ առնես, — ասում էին մյուսները. — մենք էն մյուսների պես չենք, որ փորները տողացրել են: Մեկ վրա ախպեր, կձմտելու տեղ էլ չկա:

Եվ այս խոսքերն ասելիս համառորեն մնացել էին շոքած» (IX, 345):

Գրուսախլովի քաղաքապետության օրոք գլուպովցիները «ուրախ կովարար անգործությունից անցան մռայլ անգործության» (IX, 398—399):

Տերպիշչենկոյի օրոք, երբ քաղաքը մասնավեց քաղ-
ցի ճիրաններին, երբ «փափկասունները» մխիթա-
բում էին վհաավողներին և քնակիչներին գոտե-
սկնդելու նպատակով հրավառություններ սարքում,
զուգովցիները կշաղատում էին:

«— Մենք սովոր ենք,— ասում էին ոմանք. մենք
կարող ենք դիմանալ: Թե որ հիմա մեզ բոլորիս մի
տեղ հավաքեն ու շորս կողմից կրակ տան, մենք
էն ժամանակ էլ հակառակ չենք ասի:

— Ինչ խոսք,— ավելացնում էին մյուսները.—
մենք կարող ենք դիմանալ, որովհետև գիտենք,
որ մեծավորներ ունենք:

— Դու կարծում ես էգպես է,— քաջալերում էին
մյուսները.— զու կարծում ես մեծավորները քնել
են: Չէ, ախպիր, նրանք մի աչքով քնում են, մյուս-
սով էլ երեխի տեսնում են» (IX, 319):

Այս բոլոր դեպքերում հեղինակը ցույց է առիս
ու միայն հպատակ մասսայի ճնշված վիճակը,
այլև ճնշված լինելու գիտակցության բացակայու-
թյունը այդ մասսայի մեջ: Գլուպովցիները սիրում
են դատողություններ անել, երբեմն նույնիսկ դըժ-
գոհություն են հայտնում պետերի արարքներից,
բայց հենց որ քաղաքացիական ինքնագիտակցու-
թյան նշույլներ են երևում, անմիջապես ճնշվում
են համբերության ու հնազանդության ոգով: Սալ-
տիկովի զայրույթն ուղղված է այն բոլորի դեմ,
ովքեր հաշտվում են բռնության հետ, հլու-հնա-
զանդ կրում են ճնշման լուծը: Այս տեսակետից

«գլուպովյիններ» հասկացութիւնը չի սահմանափակվում դասակարգային կամ դասային շրջանակներով: «Գլուպովյին» հասարակական վարքի որոշ տիպի կատեգորիա է. «Ի դեմս «գլուպովյինների» երգիծաբանը ծաղրում ու նշավակում է ոչ թե սոցիալական մի որևէ խումբ, գրում է Ս. Մակաշինը, — ոչ թե սուս ժողովրդի ազգային հատկութիւնները, ինչպես զրպարտելով պնդում էր Շչեգրինին թշնամի քննադատութիւնը, այլ միայն «պատմութիւնից ժառանգութիւն թողնված», այսինքն ցարիզմի և ճորտատիրական ստրկութեան դարերի թողած հասարակական հոգեբանութեան ու վարքի բացասական գծեր, որոնք անվանվում են «գլուպովյան» և որոնց կրողներին Շչեգրինը նկատում է հասարակութեան բոլոր շերտերում»:

Սալտիկովը հավատում էր ժողովրդին: Նա գիտեր, որ դալու է ժողովրդի ինքնագիտակցութեան արթնանալու ժամը, հավատում էր ժողովրդի ստեղծագործական վիթխարի ուժին: Ռեուլուցիոն-դեմոկրատական գրականութեանը թշնամի քննադատութեան մեղադրանքները, թե Սալտիկովը ծաղրում է ժողովրդին, չէին կարող շառաջացնել նրա վճռական բողոքը: Նա գիտակցում էր այդ մեղադրանքի ամբողջ լրջութիւնը և «Վեստնիկ Եվրոպի» հանդեսի խմբագրութեանը ուղղած դիմումի ու Պիպինին գրած նամակի մեջ բոլոր ջանքերը գործ էր դնում, որպեսզի հնարավոր պարզութեամբ շարադրի իր դիրքը ժողովրդին և պատմական պրոցեսում

ունկցած նրա տեղին վերաբերող հարցում: «Ժողովրդի ծանակմանը վերաբերող թյուրիմացությունը, — գրել է Սալտիկովը, — ինչպես թվում է, առաջ է գալիս այն բանից, որ իմ գրախոսը չի պահանջում պատմական, այսինքն պատմության թատերաբեմում գործող ժողովրդին դեմոկրատիզմի գաղափարները մարմնավորող ժողովրդից: Առաջինը պահանջում ու համակրանք է ձեռք բերում իր գործերի շարիով: Եթե նա բորոգավիկիններ և նւգրյում-բուրչեկներ է արտագրում, ապա համակրանքի մասին խոսք անգամ չի կարող լինել. եթե նա անգիտակից գրությունից դուրս գալու ճրգտում է արտահայտում, այնժամ նրա նկատմամբ համակրանքը միանգամայն օրինական է լինում, սակայն այդ համակրանքի շարին այնուամենայնիվ պայմանավորվում է այն ջանքերի շարիով, որ թափում է ժողովուրդը գիտակցության ճանապարհին: Իսկ ինչ վերաբերում է «ժողովրդին» երկրորդ բնորոշման իմաստով, ապա այդ ժողովրդին չի կարելի շահակրել հենց միայն այն պատճառով, որ նրա մեջ է ամեն մի անհատական գործունեության սկիզբն ու վախճանը (IX, 442):

Եւոր ցալով ու կսկիծով են գրված «Մի քաղաքի պատմության» բազմաթիվ էջեր: Այդ գրքում հեղինակը նպատակ ուներ ընթերցողի մեջ առեկություն բորբոքել «իրերի որոշ կարգի»՝ ինքնակալության հասարակական-քաղաքական իրավակարգի նկատմամբ: Իր անողոր խոսքով նա նպատակ ուներ

արթնացնել ժողովրդի ինքնազիտակցությունը, փրկարար զայրույթ հարուցել, ճնշված մասսաներին վճռական պայքարի կոշիկ բռնակալության դեմ: Այս են վկայում վեպի եզրափակիչ էջերը: «Մի բաղաքի պատմության» վերջաբանի ամբողջ բարդությամբ ու մշուշապատությամբ հանդերձ մի բան անվիճելի է, որ Սալտիկովն այդտեղ գուշակել է գալիք սոցիալական փոթորիկը և ուզրյումբուրչեկներին բռնապետական ուժիմի կործանումը: Գեոի հզոր հոսանքի կերպարը, որ անհաղթահարելի խոչընդոտ է դառնում Ուզրյում-Բուրչեկի ճանապարհին, ինչպես նշում է Ս. Մակաշինը «սիմփոյափորում է ժողովրդական զանգվածների հուժկու տարերքը. «Ահեղ» հոսանքը, որ «չգիտես հեղեղի, թե պտուտահողմի պես» «ցասումնալից» անց է կենում Գլուպովի վրայով ու ոչնչացնում քաղաքը, խորհրդանշում է ինքնակալության կործանումը բերող ուսույցիոն փոթորիկի տարերքը»:

Սալտիկովի երգիծական վեպը հեղինակի եզրպոսչան լեզվի զարգացման կարևորագույն էտապներից մեկը հանդիսացավ: Հատկապես այս ստեղծագործության մեջ պատկերային-ալլաբանական ձևերը բացառիկ նշանակություն ու տարողություն են ստանում: Հեղինակը վարպետությամբ է օգտվում թե՛ գրական լեզվի դանձարանից, թե՛ ուսուցողական լեզվի ճոխություններից, դիմում է նաև հնամենի ձևերի: Այս դիժը նշմարվում է դեռևս «Նահանգական ակնարկներ»-ում («Պախումովնա»,

«Արինուշկա»): «Մի քաղաքի պատմութեան» մեջ Սալտիկովը ձեռնամուխ է լինում հնամենի լեզվի յուրօրինակ ոճավորմանը: Պավլուշ Մասլոբոյնիկովը, որի անունից էլ պատմվում է վեպը, նմանվելով տարեգրերին՝ գրում է «բարձր ոճով»: Սակայն անհրաժեշտ է նշել, որ դա զգացվում է միայն ներածական մասում («Դիմում քնթերցողին», «Գլուպովցիների ծագման տրմատի մասին», «Քաղաքապետների անվանացանկ»): Հետագայում, երբ հեղինակը անմիջականորեն ձեռնարկում է Գլուպով քաղաքի պատմութեանը, ոճավորելու միտումը թուլանում է և լիովին գերակշռում է Սալտիկովի սովորական եզոպոսյան գրելակերպը:

Առաջին իսկ ցիկլերից Սալտիկովի համար նախասիրած ձև է դառնում հերոսի անվան մեջ նրա բնութագրի գծերը ներգնելու ձգտումը: Այս ձևը տարածված էր XVIII դարի սուսական կատակերգութեան մեջ և հատկանշական է ավելի ուշ շրջանի բարբաղրական զրականութեան համար, իսկ դրա տրմատները շատ խորն են. դա ակներև տրտահայտվել է ժողովրդական տրագիցիայում լայնորեն տարածված մականուններում:

Սալտիկովն ազգանունի նշանակութունն օգտագործում է հերոսի երգիծական բնութագրման համար. իշխանուհի Օբուզույ-Տարականովա (Հաստադուխ-Ուտիճյան) («Նահանգական ակնարկներ»), գլուպովցի բանասարկու Վալուդկա Պարշիվին (Վալուդկա Քոստոյան), պաշտոնաթող վաշտապետ

Պերեսպեկա ժարա (Պերեսպեկա Դոդոշ. «Արձակ եր-
զիժաբանություն»), իսկական պետական խորհրդ-
դատու Բալբեսով (Գմբոյան), նահանգային վար-
չության խորհրդական Վալյայ Բուուլայ (Քշի գնա
Կատաղիյան) և այլն: Մեծ մասամբ ծիծաղելի ազ-
դանուն և մականուն ունեն վաճառականները, կալ-
վածատերերը, տիտղոսավոր անձնավորություն-
ները, ինքնակալական-բյուրոկրատական իշխանու-
թյան ներկայացուցիչները: Քաղաքապետների մեծ
մասին տրված են այնպիսի ազգանուններ և մա-
կանուններ, որոնք առաջին իսկ հանդիպումին հո-
գեբանական որոշ հող են պատրաստում. Բորո-
գավիլին (Գորտնովիյան), Նեգոդյակ (Ստորյան),
Պրիշշ (Պզով) և այլն: Հեղինակը օգտագործում է
նաև համահնչունությունը, ինչպես Ուզրյում-Բուր-
չեև-Արակչեև, Ֆունիչ և Մերզիցկի-Ռունիչ և Մագ-
նիցկի: Ժամանակի ընթերցողի համար համա-
հնչունությունը որոշ տեսակի ազդանշան էր: Այս
ամենը ուժեղացնում էր Սալտիկովի երզիժանքի
քաղաքական սրությունն ու ներգործությունը:

«Մի քաղաքի պատմությունը» անցած դարի ոռւս
գրականության ամենաբարդ երևույթներից մեկն է:
Վեճերն ու կարծիքների պայքարը ուղեկցում էին
նրա ծննդին: Դրանք շարունակվում են և մեր
օրերում: Երգիժաբանական գրականության այս
ականավոր երկի ոչ միայն ժանրն ու ոճը կարիք
ունեն բազմակողմանի ուսումնասիրության, այլև
նրա գաղափարական մտահղացումը, որտեղ գեուև

մնամ են վրճելի մոմենտներ: «Մի քաղաքի սլամ-մուսթյունն», անկասկած, հեղինակը մտահղացել է որպես ժամանակակից թեմա ունեցող երգիծակա՜վելու, որի համար նյութ են ծառայիլ հետուեֆորմ-յան Ռուսաստանի հասարակական-քաղաքական կյանքի տիպական դժերը: Այս յուրատեսակ վեպի ձևը կանխորոշվել է Սալտիկովի երգիծանքի բնույթով, երգիծանք, որ վաթսունական թվականների վերջին թևակոխում էր իր հասունության և ծաղկման շրջանը: Այդ ժամանակ արդեն ստեղծագործական նախադրյալներ էին ստեղծվել երգիծական համարձակ ու լայն բնդհանրացումների համար:

«Մի քաղաքի սլամմուսթյունն» աչքի է ընկնում գաղափարական և գեղարվեստական միասնությամբ, կառուցվածքի ամբողջականությամբ: Այս հոյակապ ստեղծագործության մեջ, ինչպես իրավացիորեն նկատում է Վ. Կիրպոտինը, «տիպական բնդհանրացման առավելագույն աստիճանը թույլ տվեց Շչեգրինին հսկայական բովանդակություն: ներդնել սեղմ, սրբնթաց, աղաա ու կատարյալ ձևի մեջ»¹:

¹ В. Кирпогин, М. Е. Салтыков-Щедрин, жизнь и творчество, «Советский писатель», М., 1955, стр. 314.

Սալտիկովի ստեղծագործության մեջ եթե փորձենք ուրվագծել ժանրերի զարգացման ընդհանուր պատկերը, ապա երևան կգա ոչ միայն միջնորմների, նշանագծերի ու սահմանների ոչ պարզորոշություն, այլև որոշ խայտաբղետություն ու բազմապիսուսություն, որոնք արդյունք են հեղինակի մըշտական որոնումների կենդանի պրոցեսի: Արտաքին հայայրից այն տպավորությունն է ստացվում, որ «Պարոնայք Գոլովլյովները» Սալտիկովի ընդհանուր ոճի տեսակետից լիովին տիպական ստեղծագործություն չէ նրա համար, որ այս վեպում ամենից քիչ է արտահայտվել հեղինակի նորարարությունը: Այդպիսի տպավորությունն իհարկե կեղծ է: Բանն այն է, որ Սալտիկովը ընթանում էր ոչ հաստատապես նշած ծրագրով: Միշտ չէ, որ նրան նախօրոք պարզ էին ոչ միայն ապագա երկի գաղափարական շրջագծերը, այլև ձևը, ժանրը: Ավելի համարժեք ձևեր որոնելու բարդ ուղիով Սալտիկովի մոտ կարելի է նշել ոչ թե մեկ, այլ մի քանի գաղաթնային գործեր, որոնք արտահայտում են

նրա ստեղծագործական մտքի տարրեր ուղղութ-
յունների տեղեկացնելը:

Հետազոտողները տարրեր անուն են առաջին «Պա-
րոնայք Գոլովլյովները»-ին, ումանք «վեպ խրոնիկա»,
ումանք «ընտանեկան վեպ», ումանք «երգիծաբա-
նական վեպի ժանրի մի տարատեսակը», ուրիշնե-
րըն էլ «սոցիալ-բաղաբական վեպ» և այլն: Եթե
այս երկը դիտենք նրա բովանդակության տեսակե-
տից, ապա պետք է ընդունենք, որ դա իր ձևով
ուսու դասական արձակում բավականաչափ մշակ-
ված վեպ-խրոնիկայի, ընտանեկան վեպի հետ
ընդհանուր գծեր շատ ունի: Դա մի ընտանիքի
պատմությունն է, Գոլովլյովների տոհմի երեք սե-
րընդի վիպագրությունը: Սակայն «ընտանեկանու-
թյունը» Սալտիկովի ստեղծագործության նշաննե-
րից մեկն է միայն և ամենեին բավական չէ նրա
ժանրային ուրույնության հարցը լուծելու տեսակե-
տից: Վեպի ձևը ծնվել է նրա ստեղծվելու պրո-
ցեսում: Հազիվ թե «Գոլովլյովները» առաջին զուխ-
ները որպես առանձին պատմվածքներ լույս տես-
նելու ժամանակ հեղինակի համար պարզ էին
ասպագա ստեղծագործության շրջագծերը: Եվ, ընդ-
հանրապես, դժվար է նույնիսկ ասել, թե ինչպես
կլինեք հեղինակային մտահղացման հետագա
զարգացումը, եթե չլինեին Տուրգենևի ու Գոնչարո-
վի համակրական արձագանքները, որոնց կարծի-
քը Սալտիկովը բարձր էր գնահատում:

«Օտեչեստվեննիսի վապիսկի» հանդեսում ապա-

դա վեպի առաջին գլխի («Ընտանեկան դատաստան») լույս տեսնելը ջերմ արձագանք առաջացրեց ժամանակակիցների շրջանում: Ի պատասխան նեկրասովի հիացական նամակների, Սալտիկովը գրում էր. «Ինձ թվում է, մեծահարգ. Նիկոլայ Ալեքսեևիչ, որ դուք չափից ավելի եք արդեն գովում իմ վերջին պատմվածքը» (XVIII, 315): «Ընտանեկան դատաստանը» ջերմորեն դիմավորեցին Ի. Տուրգենևը, Ի. Գոնչարովը, Ա. Ժեմչուժնիկովը: «Նրեկ ստացա հոկտեմբերյան համարը և անշուշտ անմիջապես կարդացի «Ընտանեկան դատաստանը, որից չափազանց գոհ մնացի,— գրում էր Տուրգենևը Սալտիկովին:— Բոլոր դեմքերն էլ ճիշտ՝ և ուժեղ են կերտված. արդեն չեմ խոսում մոր կերպարի մասին, ո՞րը տիպական է և առաջին անգամը չէ, որ երևան է գալիս ձեզ մոտ— նա ակներևաբար կենդանի մարդուց՝ իրական կյանքից է վերցված: Բայց սուսանձնապես լավ է իրեն հարբեցողության տված ու կորած «գմբույի» կերպարը: Այնքան լավ է դա, որ ակամա միտք է ծագում՝ ինչու՞ ակնարկների փոխարեն Սալտիկովը չի գրում խոշոր վեպ՝ ի մի բերելով բնավորություններ ու դեպքեր, օժտելով զեկավար մտքով ու լայն կատարմամբ... «Ընտանեկան դատաստանը» շատ հավանեցի և անհամոեր սպասում եմ «Ժուզուշկայի» սխրագործությունների նկարագրության շարունակությունը»¹:

¹ И. С. Тургенев, Собрание сочинений, Гослитиздат, М., 1958, т. XII, стр. 480.

Այնպիսի խստապահանջ արվեստագետի գովեստը, որպիսին Շչեդրինը, անկասկած, համարում էր Տուրգենևին, չէր կարող չազդել վեպի հետագա բախտի վրա: «Բնտանեկան դատաստան»-ի անվիճելի արժանիքներից բացի, Տուրգենևի համակրական կարծիքի մեջ, ըստ երևույթին, սակավ դեր չի կատարել նաև այն հանդամանքը, որ այդ պատմըվածքում նա տեսնում էր Սալտիկովին ուսական արձակի տրադիցիաներին մոտեցնող գծեր: Սալտիկովը կարծես ընդունեց այն ձևով գրելու մրցահրավերը, սրով գրում էին նրա ժամանակակիցները՝ խոշորագույն ուսուցիչասանները, սակայն նա չընթացավ տրորված ճանապարհներով և այստեղ ևս մնաց որպես համարձակ նորարար:

Սալտիկովի ուսուցիչին-դեմոկրատական աշխարհայացքը հնարավորություն տվեց այլ աչքով դիտել ուսուցիչականությունը, և ինչպես Վ. Դեսնիցկին է ասում, ցույց տվեց «ուսական կալվածատիրական կուլտուրայի հակառակ երեսը, բացահայտելով ազնվական-կալվածատիրական «դրախտի» սոցիալ-տնտեսական հիմունքները: Սալտիկովը նույնպես, ինչպես մյուս շատ ուսուցիչներ, աճել է ազնվական-կալվածատիրական միջավայրում, բայց ամենևին հակված չէր իդեալականացնել այն. «Բուրբուրովին այլ կերպ է նա պատկերում դաստակերտային կյանքը, — գրել է Վ. Դեսնիցկին, — նա դրա բարեկամն ու դադափարախոսը չէ, ոչ նույնիսկ բարյացակամ քննադատը, այլ նախա-

ռեֆորմյան ու հետադարձական կալվածատիրական ազնվականության անողորք ու անողորմ թշնամին»¹։

«Պարոնայք Գոլովլյովները» Սալտիկովը գրել է 1875—1880 թվականներին։ Ապագա վեպի առաջին գլուխը՝ «Ընտանեկան դատաստանը» լույս տեսավ 1875 թվականին «Օտեչեստվեննիե զապիսկի» հանդեսի հոկտեմբերյան համարում։ Առաջին շորս պատմվածքները՝ «Ընտանեկան դատաստան», «Ազգականաբար», «Ընտանեկան համագումար» և «Անժառանգության առջև» (վերջնական խմբագրությամբ «Քեոորդի») հեղինակը սկզբում մտցրեց «Բարյացկամ ճառեր» շարքի մեջ, բայց հետագայում, շարքը սահմանազատելիս, դրանք առանձնացվեցին որպես «Պարոնայք Գոլովլյովներ» վեպի գլուխներ։ Յոթ գլխից վեցը գրված է 1875 և 1876 թվականներին, իսկ ելքափակիչ գլուխը՝ «Լուծում» (վերջնական խմբագրությամբ «Հաշվեհարդար»), «Գոլովլյովների տարեգրության վերջին գրվագը» ենթավերնագրով, հրատարակվեց միայն 1880 թվականի մայիսին։ Դրա ուշանալու պատճառն ըստ երևույթին այն էր, որ հեղինակը անմիջապես չէր կարողացել գտնել հանգուցալուծումը՝ Իուդուշկայի հաշվեհարդարը կյանքի հետ։ Նույն թվականին լույս տեսավ առաջին առանձին հրատարու-

¹ В. Десницкий, На литературные темы, книга вторая, Гослитиздат, Л., 1936, стр. 448—449.

կուսթյունը, որտեղ ամսագրում հրատարակված տեքստը զգալի վերամշակման էր ենթարկվել:

«Գոլովլյոյներ»-ի առաջին գլուխը՝ «Հնտանեկան դատաստանը» վերաբերում է նախառեֆորմյան շրջանին, երբ, ինչպես հեղինակին է ասում, «ճորտատիրական իրավունքը վերանալու վրա էր, բայց դեռ գոյություն ուներ»: Հաջորդ գլուխներն ընդգրկում են 60—70-ական թվականները: Դրանց մեջ նկարագրվում է ռուսական գյուղի կյանքը՝ գյուղացիության աշխատավոր մասսաներին կողոպտելու հաշվին ռեֆորմ կատարելուց հետո: Վ. Ի. Լենինը բնորոշել է դա որպես «ճորտատիրական ռեֆորմ», «...գյուղացիների ամենաանխիղճ թալանում էր, բռնությունների շարան և կատարյալ ծաղրանք էր նրանց նկատմամբ»¹: Ռեֆորմը միայն փոխեց ու բաղմազան դարձրեց շահագործման ձևերը, ուժեղացրեց սակավահողությունը, պահեց գյուղացիների տնտեսական կախումը կալվածատիրոջից: Այդ դարաշրջանը ծնունդ տվեց գոլովլյոյներին: Այդ ժամանակաշրջանին բնորոշ է՝ ռուս ազնվականության քայքայում, նրա բուրժուականացում, ռազմականների ու կոլուպակների աճ՝ մի կողմից, ճորտատիրական մնացուկների սանձարձակություն, բարիքներ ձեռք բերելու ու գուփողականության ծարավ՝ մյուս կողմից:

Ըստ հեղինակի՝ «Պարոնայք Գոլովլյոյներ» վե-

¹ Վ. Ի. Լենին, Երկեր, հատոր 17, էջ 130:

պը նվիրված է ազնվականական ընտանիքի պրոբ-
լեմին, նրա հիմքերի խորտակմանը: Պատահական
չէ, որ Շչեգրինը նախապես մտադիր էր «Գոլով-
լլովները» վերնագրել որպես «Դրվագներ մի բն-
տանիքի կյանքից»: Նա ընտանիքի հարցերը հա-
ճախ է շոշափել:

1876 թվականին, «Բարյացկամ ճառերը» առան-
ձին լույս տեսնելու առթիվ, Շչեգրինը գրել է Ն.
Ուտինին. «Ես ձեռնամուխ եղա ընտանիքին, սե-
փականությանը, պետությանը և հասկացրի, որ
իրականում այդ ամենն արդեն չկա, հետևարար
այն սկզբունքները, հանուն որոնց կաշկանդվում է
ազատությունը, արդեն սկզբունքներ չեն անգամ
ներանց համար, ովքեր օգտվում են դրանցից: Ըն-
տանեկանության սկզբունքի հարցերը ես արծար-
ծել եմ «գոլովլլովներում»:

Պատահական չէ, որ այս նամակում Սալտիկովը
վկայակոչում է սեփականությունը, պետությունն
ու ընտանիքը որպես ազնվականա-բուրժուական
հասարակական-քաղաքական իրավակարգի ան-
կյունաքարեր: Երգիծաբանը բազմաթիվ էջեր է
նվիրել շահագործման ու ստրկության վրա հիմնը-
ված պետական սիստեմի քայքայումն ու նեխվա-
ծությունը մերկացնելուն, և այս իմաստով «Գո-
լովլլովներ» վեպը իր գաղափարական մոտիվնե-
րով սերտորեն միահյուսվում է Շչեգրինի այլ եր-
կերի և առաջին հերթին «Բարյացկամ ճառեր»-ի
և «Պոշեխոնյան անցյալի» հետ: Այս երեք ստեղ-

ծագործություններն իրար հետ զուգադրելիս երկ-
վան են գալիս հանգունակ գծերը, առանձին
դրվագների ու կերպարների անմիջական կապը:
«Բարյացկամ ճառեր»-ում («Անհարգալիք Կորոնա-
տը») հիշատակվում են «Գոլոպլյովներ»-ի Իուզուշ-
կան, Արինա Պետրովնան և այլ պերսոնաժներ:
«Պոշխոնյան անցյալ»-ում դարձյալ հանդիպում
ենք Գմբո Ստյոպկային և Ուլիտուշկային (Ուլյանա
Իվանովնային): «Բարյացկամ ճառեր»-ի Մարիա
Պետրովնա Վոլովիտինովայի («Ընտանեկան եր-
ջանկությունը») շնչուն իր յուրահատուկ երանգով
հիշեցնում է «Գոլոպլյովներ»-ի Արինա Պետրով-
նայի և «Պոշխոնյան անցյալի» Աննա Պավլովնա
Ջատրապեղնայայի լեզուն:

«Պարոնայք Գոլոպլյովներ» վեպի ժանրային ա-
ռաջին, հիմնական ու որոշիչ գիծը սոցիալական
դործոնն է: Հեղինակի ուշադրության կենտրոնումն
են հասարակական պրոբլեմները: Վեպի նոր տիպ
ստեղծելու խնդրի նկատմամբ ունեցած իր վերա-
բերմունքը Շչեգրինը մանրամասնորեն շարադրել
է 1869 թվականին «Ի՞նչ բան է տաշքենդցիները»
ակնարկում: «Ինձ թվում է, — գրել է նա, — որ վե-
պը կորցրել է իր նախկին հողը այն օրվանից, երբ
ընտանեկանությունը և նրան պատկանող ամեն
ինչ սկսեց փոխել իր բնույթը: Վեպը (համենայն
դեպս այն ձևով, ինչ ձևով դա երևան է եկել մինչև
հիմա) գերազանցորեն ընտանեկանության մասին
գրված երկ է: Նրա դրաման սկսվում է ընտանի-

բում, և այնտեղ էլ վերջանում: Գրական խմաստով (անգլիական վեպը) կամ բացասական (ֆրանսիական վեպը), այնուամենայնիվ ընտանիքը միշտ առաջին դերն է կատարում վեպում: Ժամանակակից մարդու վեպը լուծվում է փողոցում, հանրային վայրում, ամենուրեք, սակայն ոչ տանը... Տեսնում եք. դրաման սկսվեց ընտանիքի անդորրովեա իրադրության մեջ, բայց ավարտվեց աստված գիտե որտեղ. սկսվեց երկու սիրող սրտերի համբույրներով, բայց ավարտվեց հիանալի պաշտոն ստանալով, Սիրիբով և այլն»:

Այստեղ Շչեգրինը հանդես է գալիս վեպի սահմանալից տրագիգիաների (թե ռուսական, թե արևմրտանկար վրոպական հողի վրա), նրա սիրային-ընտանեկան սյուժետայնության դեմ՝ առաջին պլան քաշելով սոցիալական վեպ ստեղծելու խնդիրը: Նա ցույց է տալիս վեպի հասարակական հիմքի փոփոխութունները ու համառորեն առաջ քաշում միջավայրի պրոբլեմը: «Չէ՞ որ մարդը մեռնում էր այն պատճառով, որ նրա սիրեցյալը համբուրել է իր սիրած մարդուն, — գրում էր Շչեգրինը, — և ոչ ոք արտառոց բան չէր համարում, որ այդ մահը կուշի դրամայի լուծում: Ինչո՞ւ. հենց նրա համար, որ այդ լուծումը նախորդել էր համբուրելու պրոցեսին, այսինքն՝ դրաման: Առավել ևս մեծ հիմունքով թույլ է տրվում կարծել, որ մարդու և այլ, բնավ էլ ոչ պակաս բարդ սահմանումները նույնպես կարող են բովանդակութուն տալ միանգա-

մայն հանգամանային դրամայի համար: Եթե մինչև հիմա ոչ բավականաչափ ու ոչ վստահ կերպով են օգտվում դրանցից, ապա դա լոկ այն պատճառով, որ այն թատերաբեմը, ուր տեղի է ունենում նրանց պայքարը, շատ սակավ է լուսավորված: Բայց դա կա, գոյություն ունի և նույնիսկ համառորեն բախում է գրականության դուռը: Այս դեպքում ևս կարող եմ վկայակոչել ուսս արվեստագետներից խոշորագույնին՝ Գոգոլին, որը վաղուց նախատեսել է, թե վեպը դուրս է գալու ընտանեկանության շրջանակներից» (X, 56):

Առաջին հայացքից կարող է մի քիչ տարօրինակ թվալ, որ Շչեղրինը այսպես խիստ հանդես գալով «ընտանեկան վեպի» տրագիցիայի դեմ և առաջ քաշելով միջավայրը՝ «թատերաբեմը» լուսավորելու խնդիրը, որտեղ «մղվում է պայքարը», իր վեպը կառուցել է «ընտանեկանության» հիման վրա: Բայց այդ տպավորությունը արտաքին է միայն. «ընտանեկանության սկզբունքը» հեղինակն ընտրել է հարմարության համար: Այդ սկզբունքը լայն հնարավորություններ էր ստեղծում օգտագործելու կյանքի անմիջական զննումների մեծահարուստ նյութը: Շչեղրինը իր վիպագրության մեջ է մտցրել նաև ինքնակենսագրական տարրեր, իսկ դա առանձին ուսումնասիրողների առիթ է տվել «Պարոնայք Գոլովլյովները», ինչպես նաև «Պոռեխոնյան անցյալը» դիտել ինքնակենսագրության շրջանակներում: Զանախնդիր կերպով որոնվում

էին գրական պերսոնաժների նախատիպերը: Արինա Պետրովնայի կերպարում տեսնում էին երգիծաբանի մոր՝ Օլգա Միխայլովնա Սալտիկովայի սպտկերը, Իուզուշկայի, դմբո Ստյոպկայի և Պավել Գոլովլյովի կերպարներում՝ հեղինակի եղբայրների և աչն: Այս տեսակ դատողութունների համար անշուշտ բախականաշափ հիմքեր կան: Սակայն խնդիրն այն է, որ կենսագրական մեթոդը «Պարոնայք Գոլովլյովներ»-ի, ինչպես նաև գրական ամեն մի նշանակալից երկի նկատմամբ կիրառելիս չի կարող էական լինել: Այն հանգամանքը, որ Շչեգրինի մայրը՝ Օլգա Միխայլովնան «ուժեղ տպավորութունն է գործել երգիծաբանի վրա», անկասկած որոշ նշանակութուն ունեցել է Արինա Պետրովնայի կերպարը կերտելու գործում, իհարկե հետաքրքրական է, որ Դիմիտրի Սալտիկովի՝ մոր գրած նամակներում գտնում ենք արտահայտութուններ ու դարձվածքներ, որոնք հանդիպում են Իուզուշկայի լեզվում, բայց ակներև է, որ հարցն այստեղ զգալիորեն ավելի բարդ է: Այս անալոգիաները և վեպը կոնկրետ կյանքի փաստերի հետ զուգադրելը կհանգեցնեն հետաքրքիր զննումների, սակայն, վերջին հաշիվով, վեպի գիտական իմաստավորման գործում դրանց նշանակութունը այնքան էլ էական չի լինի: Այն, որ Շչեգրինը ելնում էր ուսուցիչականութունից, ամբիջական տպավորութուններից ու զննումներից, ակներև է ու անվիճելի: Այդ է վկայում հետոեֆորմ-

յան շրջանի ուսական գյուղի Շչեդրինի նկարագրած կյանքի՝ պատկերներին, նրա կերտած տիպերի ու բնավորությունների ճշմարտացիությունը: Սակիկովների բնտանեկան կյանքի զննումները, անշուշտ, հարուստ նյութ են բնձեռել հեղինակին գեղարվեստական ընդհանրացումների, կյանքի բազմաթիվ կողմերը ճանաչելու համար, սակայն ինքնակենսագրական տարրի նշանակությունը չպետք է շափազանցնել: Կարծես նախատեսելով այսպիսի փորձեր՝ Շչեդրինը «Պոշեխոնյան անցյալի» համար է արել հետևյալ խիստ կարևոր դիտողությունը. «Խնդրում եմ բնթերցողին բառացիորեն չընդունել Պոշեխոնյան, այդ անունը տալով՝ ես ընդհանրապես նկատի եմ ունեցել մի վայր, որի բնակիչները, ուսական ասացվածքների դիպուկ արտահայտությամբ, ընդունակ են մոլորվել նրեք սոճու միջև: Խնդրում եմ նաև իմ անձնավորությունը չշփոթել Զատրապեզնի անձնավորության հետ, որի անունից է արվում պատմությունը: Իմ ներկա աշխատության մեջ ինքնակենսագրական տարրը շատ քիչ է. սա պարզապես կյանքի զննումների մի հավաքածու է, որտեղ օտարը խառնված է իմի հետ, բայց միաժամանակ տեղ է տրված նաև հնարանքին» (XVIII, 37):

Եթե հեղինակի հավատամամբ «Պոշեխոնյան անցյալ»-ի մեջ քիչ է ինքնակենսագրական տարրը, ապա դա է՛լ ավելի քիչ է «Պարոնայք Գուլովյովներ»-ում, որտեղ Շչեդրինը հասնում է գեղար-

վեստական ընդհանրացման ու տիպականացման դադարձներին:

«Պարոնայք Գոլովլյովները» սոցիալական վեպ է: Նրա սլաթոսը սոցիալական իրականության լայն ընդգրկման, սոցիալական տիպերի ու բնավորությունների հոգեբանական խոր բացահայտման մեջ է: Գոլովլյովների տոհմը, այդ տոհմի առանձին ներկայացուցիչները վեպի հեղինակին հետաքրքրում են նախ և առաջ որպես սոցիալական տիպիկ հանգամանքների կրողներ: «Եթե արդարացի է, որ ամեն մի իրադրության մեջ զլխավոր ճարտարապետը սլատմությունն է, — գրել է Շչեդրինը, — ապա ոչ նվազ արդարացի է և այն, որ ամենուրեք կալիկի է պատահել առանձին անհատների, որոնք «դրությունների» մարմնացումն են և կարծես թե ինքնին բոսիի պահանջի պատասխանն են: Հասկանալ ու բացատրել այդ տիպերին, նշանակում է հասկանալ ու բացատրել հենց դրության տիպական գծերը, որոնք ոչ միայն շին սովերվում նրանց կողմից, այլ ընդհակառակը՝ նրանց օգնությամբ ավելի շոշափելի ու ցայտուն են դառնում»:

Այս տողերը կատարյալ հստակությամբ բացահայտում են, թե ինչպես էր Շչեդրինը հասկանում անհատին՝ երկի տիպին, «հերոսին», որպես «դրության», այսինքն սոցիալական միջավայրի տիպական որոշ գծերի կրողի:

Շչեդրինն արվեստի տեղեկնցիողության կողմնակից էր, նա կարծում էր, որ արվեստագետը պի-

տիվորեն պետք է միջամտի կյանքի դրամային: Նրա հասկացողութեամբ «գրողը խլուրդ չէ, որ խավար քնում կատարում է նախախնամութեան հատկացրած իր դերը, այլ հասարակական և շփվող էակ...»: Նա ոչ միայն պատկերում է կյանքը, այլև արձակում իր դատավճիռը: «Հերոսի» վարքագիծը Շչեղրինը դիտում է ոչ թե որպես մասնավոր կյանքի, ընտանեկան հարաբերությունների ու կոնֆլիկտների դրվագներ, այլ նրա հասարակական միջավայրի ու սոցիալական նշանակութեան պայմանավորվածութեան տեսակետից: Շչեղրինը արդարացնում էր հեղինակի տենդենցիոզ վերաբերմունքը իր ստեղծագործութեան պերսոնաժների նկատմամբ: «Մենք չենք կարող զսպել մեզ ոմանց մեղադրելուց, ոմանց էլ պատվանդանի վրա բարձրացնելուց,— գրել է նա,— և զգում ենք, որ այսպես վարվելով՝ միանգամայն օրինական ու խելացի ենք վարվում. ինձ թվում է, թե այս երևույթը բացատրվում է նրանով, որ այս դեպքում թե համակրանքը, թե զայրույթը միտում են ոչ թե այնքան դեպի տիպերը, որքան հասարակութեան վրա կատարած նրանց այս կամ այն ներգործությունը: Բացի բարու ու շարի գործող ուժերից, հասարակութեան մեջ կա հայտնի տառապող միջավայր, որը գերազանցորեն թատերաբեմ է ծառայում ամեն տեսակ ներգործութեան համար: Անկարելի է ուշադրությունից դուրս թողնել այդ միջավայրը, եթե անգամ գրողը այլ հավակնություն չունենար, բա-

ցի նյութեր հավաքելուց: Դրա մասին շատ հաճախ ոչ միայն խոսք չի ասվում, ուստի և այդ միջավայրը կարծես ջնջված է թվում. բայց այդ ջնջվածութունը առերևույթ է, իրականում այդ տառապող միջավայրի պատկերացումը բնավ չի հեռանում գրողի մտքից: Դա հենց այն միջավայրն է, որտեղ թաքնվում է խոտով սնվող մարդը» (Լ, 57):

Շշեղրինի վեպի առաջին պլանումն է կալվածատիրական կենցաղի պատկերումը, բայց այդ երկասիրության յուրաքանչյուր տողը համակված է «տառապող միջավայրի» ճնշվածության զգացմունքով: Ավելին՝ ուշադիր քննելիս պարզվում է, որ հեղինակը ներկայացրել է նաև ժողովրդական տիպեր: Այլ բան է, որ սրանք աննկատելի են, որ նրանց մեծ մասը պատկերված է ամենաընդհանուր շրջագծերով և կամ պարզապես հիշատակված է: Դրանով ասես շեշտվում է, որ նրանք դյուշական կյանքի ընդհանուր ֆոն են կազմում: Աղախիններ Դունչաշկան, Անյուտկան, ծառա մանչուկ Վասյուտկան, շիլ պառավ Պալաշկան, ծերունի Պորֆիշա երանելին, հովիվ Դավիթը, գյուղացի Երոֆեևը, մառանապետուհի Ակուլինան, այգեպան Մաթվեյը, աղախիններ՝ Պուկան և Յուկան, Ագաշկան, Ֆեշկան, մառանապետուհի Աֆիմյուշկան, զինվորակին Մարկովնան, գեղջուկ Ֆեդոսյուշկան, անասնապահուհի Ֆեկլան, խոհարար Մաթվեյը, ծեր խոհարար Սավելիչը, ծերուկ Ֆեդուլիչը, լաքեյ Պրոխորը, Պելագեյուշկան, խոհարարուհի Մարյուշ-

կան, կառասպան Արխիպուշկան, հյուան Իլյուշկան, գեղջուկ Իլիան, պահակ Գարանկան, գեղջուկ Ֆոկան, Եվպրաքսեյուշկան, ճորտ աղջիկ Դաշկան, որոնք վեպում շատ թե քիչ նշանակալի տեղ են գրավում, երբեմն էլ անցողակի հիշատակվում որպես էպիզոդիկ սերսոնաժներ, աշխատավորական զանգվածների ներկայացուցիչներ են, ներկայացնում են այն «տառապող միջավայրը», կյանքի այն թատերաբեմը, որտեղ գործում են «բարու ու չարի ուժերը»:

«Պարոնայք Գոլովլյուվներ» վեպը իր կառուցվածքով ու կոմպոզիցիոն առանձնահատկություններով զաղափարական-ոճական ամբողջություն է: Կերպարների սիստեմը ենթարկված է ազնվականական «ընտանեկան ամբողջի» քայքայումը ցուցադրելուն և սոցիալ-հոգեբանական տեսակետից բացասական տիպ-բնավորություն հանդիսացող Իուզուշկայի պատկերմանը: Սրանով է բնորոշվում նաև գեղարվեստական բոլոր տարրերի զուգահեռ ենթակայությունն ու ֆունկցիոնալ կախումը:

«Պարոնայք Գոլովլյուվներ»-ի մեջ շատ թե քիչ ցայտուն ու ավարտված զգալի թվով գործող անձինք տարբեր դեր են կատարում վեպի գեղարվեստական կառուցվածքում: Այնտեղ գունագեղ պատկերված բնավորությունների կողքին, ինչպես Արինա Պետրովնան, Դմբո Ստյոպկան, Պավել Վլադիմիրովիչը, Անինկան, Պետենկան, Եվպրաքսեյուշկան, Ուլիտուշկան, վեպում գործում են նաև սա-

կալ նշանակալի պերսոնաժներ՝ կառավարիչ-վե-
րակացու Անտոն Վասիլևը, վաճառական Կուկիշևը,
Լյուկինը և ուրիշներ: Սրանք բոլորն էլ ասես
լրացնում են առաջին կարգի «հերոսների» բնութա-
գիրը՝ ինչ-որ նոր կողմից բացահայտելով նրանց
ներքնաշխարհը: Եվ վերջապես էպիզոդիկ, երբեմն
միայն հիշատակվող, առաջին հայացքից պատա-
հական ու աննշան պերսոնաժները վերջին հաշիվով
վեպի կառուցվածքի մեջ կատարում են նույն կազ-
մակերպիչ, թեև սակավ նկատելի քան առաջին և
երկրորդ կարգը, բայց նմանապես ֆունկցիոնալ
տեսակետից խստորեն պայմանավորված դերը:

Այս բարդ սխեմայում Իուզուշկան կենտրոնա-
կան տեղ է զբաղում, կազմակերպող նախասկիզբն
է: Հեղինակը առավելագույն ուշադրություն է դարձ-
րել նրա բնութագրմանը: Մնացած կերպարները
անմիջականորեն կամ հեռվից կապված են սյուժե-
տային հիմնական դժին, խմբվում են ստեղծագոր-
ծական գլխավոր հերոսի մոայլ անձի շուրջը:

Իուզուշկան սոցիալական բնավորություն է: Սա
միջին կարողությամբ մի կալվածատեր է՝ կեղծա-
վոր, դատարկախոս ու «արնախում», «ասելով-
համոզելով», «կամացուկ ու քիչ-քիչ», «առանց
շտապելու ու աստժուն փառք տալով» ճնշում է,
հարստահարում, ընշազրկում շրջապատի մարդ-
կանց, սկսած գեղջուկներից, վերջացրած իր ըն-
տանիքի անդամներով:

Շեղբիների երկերում ճորտատեր կալվածատիրոջ

սիւսը բաւական հաճախ է պատահում, սակայն շահագործողներին ու գիշատիչներին այդ խայտաբղետ պատկերասրահում Իուդուշկան ու Արինա Պետրովնան իրենց կենսունակութեամբ ու ցայտունութեամբ բացառիկ տեղ են զբաղում: Իուդուշկայի հասարակական վարքագծի բովանդակությունն ու բնույթը հեղինակը բացահայտում է հետևյալ խոսքերով. «Նա (Իուդուշկան) գիտե, որ գեղջուկը միշտ կարիքի մեջ է, միշտ պարտք է փնտրում ու միշտ էլ վերադարձնում է առանց խաբելու, մի բան էլ ավելի: Առատաձեռն է գեղջուկը մանավանդ իր աշխատանքի նկատմամբ, որը «ոչինչ չարժե», և այդ հիման վրա էլ հաշվարկումների ժամանակ միշտ համարվում է ոչ մի բան, միայն սիրո՞ արտահայտություն: Շատ մեծ է Ռուսիայում կարիքավոր մարդկանց թիվը, օ՛, շատ շատ: Շատ են այնպիսի մարդիկ, որոնք այսօր չեն կարողանա որոշել, թե ինչ է սպասում իրենց վաղը, շատ են այնպիսիները, որոնք ուր էլ հառեն իրենց կարոտաբաղձ հայացքները, ամենուրեք տեսնում են միայն անհույս ամայնություն, ամենուրեք լսում են միայն մի բառ՝ տուր, տուր: Եվ ահա այդ անհույս մարդկանց շուրջը, այդ անտուն-անտեղ արարածների կողքին իր անվախճան ոստայնն է հյուսում Իուդուշկան՝ մերթ-մերթ անցնելով ինչ-որ մոլեգին, ֆանտաստիկ ցոփութեան» (XII, 244): Իուդուշկայի հարազատները, նրա անմիջական ընտանեկան շրջապատը՝ հայրը, մայրը, եղբայրները, որդիները՝ ազնվական

այլասերված տոհմի ներկայացուցիչներն են: Իռ-
դուշկան իր դասակարգի արժանի զավակն է: «Ահա
Վլադիմիր Միխայլովիչ հայրիկը՝ սպիտակ գոգ-
կով, ծաղրող լեզվով ու Բարկովից մեջբերումներ
անելիս. ահա եղբայրիկը՝ դժբո Ստյոպկան և նրա
կողքին սուսիկ Պաշկա եղբայրիկը. ահա Լյուբին-
կան, ահա և Գոլովլյովների տոհմի վերջին շառա-
վիղները՝ Վոլոդկան ու Պետկան... Եվ դրանք բոլո-
րըն էլ գինով են, անառակ, ուժասպառ, արյունա-
քամ եղած: Եվ այդ բոլոր ուրվականների վրա
ճախրում է կենդանի ուրվականը և այդ կենդանի
ուրվականը ոչ այլ ոք է, եթե ոչ ինքը Պորֆիրի
Վլադիմիրովիչ Գոլովլյովը՝ այլասերված տոհմի
վերջին ներկայացուցիչը» (XII, 275):

Իռդուշկային դաստիարակել է հարազատ տա-
րերը: Արինա Պետրովնայի ունեցվածք ձեռք բե-
րելու ու ծայրահեղ ժլատության խիստ սիստեմը
գուփելու ու շահագործելու մեթոդների հիանալի
դպրոց էր եղել նրա համար: Մորից նա ժառանգել
էր ոչ միայն գուփելու ձեռքը, այլև խոսակցության
որոշ գծերը, որոշ բանաձևերն ու դարձվածքները:
Կեղծավորությունը, ճրիակերությունը և խոսքային
արբեցումը արադիցիոն ընտանեկան, նույնիսկ
դասային երևույթներ են: Իռդուշկայի, որպես տի-
պի, սոցիալական բնույթը հոգեկան կարիքների
բացակայությունն է, մտավոր սահմանափակու-
թյունը և բարոյական հյուժախար: Նրա մեջ այս
ամենը զուգորդվում է ճնշելու, հարստահարելու,

«արյունարբության» դաժան, նրբացած ձևերի հետ: Ընթերցողների աչքի առջևով անցնում են Իուզուշկայի կյանքի ուղին բնութագրող բազմաթիվ դեպքեր, առանձին վառ դրվագներ: Շշեղրիներ նրա էությունը բացահայտելու համար շի խնայել ամենամռայլ, սև գույները: «Իուզուշկան այնքան կեղծավոր չէ, որքան անառակ, ստախոս ու դատարկարան...»: Նա ամբողջ կյանքում «ճնշում էր, կծծիություն անում», «ձանձրացնում, կպշում»։ նույնիսկ «մտովի սիրում էր տանջահարել, քայքայել, ընչազրկել»: Իուզուշկան «հենց որ կենդանի մարդու էր հանդիպում, անմիջապես սկսում էր փաթաթել նրան այնպիսի կցկտուր խոսքերի ցանցով, որոնց մեջ անկարելի է որևէ բանից կառչել, բայց որոնցից անասելի ծանրություն ես զգում»: Իուզուշկայի աչքերից «կախարդող թուլն է ծորում», «նրա ձայնը օձի նման սողոսկում է մարդու հոգին ու ջլատում նրա կամքը...»: Այդ երկի մեջ չկա ոչ մի պերոննաժ, որ մի լավ խոսք ասի նրա մասին: Բոլորն էլ ատում են Իուզուշկային՝ նրա մեջ բռնակալ ու խռչտանդող տեսնելով: Նրանց բոլոր ասածները խիստ բացասական են, երբեմն էլ ցասումնալից, կարծես ընդգծում են հեղինակային բնորոշումները: Արինա Պետրովնան այլ կերպ չի կարող խոսել Իուզուշկայի մասին, քան «ստոր Պորֆիրկա», «արնախում Պորֆիրկա»: Դմբո Ստյոպկան մանկությունից ատում է նրան. նա է «Իուզուշկա» (Հուզա) և «արնախում» մականունները կնքել նրան:

Պատվել Կլադիմիրովիչի տղան, դեռևս մանկության տարիներին տատիկի հետ զրուցելիս ասում է. «Բավական է մի խոսք ասես նրան, էլ սոկ չի գալիս: Կաց, սպասիր, քիչ-քիչ ու կամաց-կամաց... շատ է ախր ձանձրալի խոսում, տատի»: Անինկան զարմանում էր, թե ինչպես Եվպրաքսեյուշկան դիմանում էր «այն դատարկ խոսքերի հեղեղին, որ առավոտից մինչև երեկո հորդում էր հորեղբոր շրթունքներից»: Նա գիտակցում է, որ Իուզուշկայի հետ լինելը «սարսափելի» է: «Կաշում է, վիրավորում, կրծոտում, բռնանում», — ասում է նրա մասին Եվպրաքսեյուշկան: Ծեր Ֆեդուլիչը հաստատում է նրա ասածները:

Իուզուշկան ակտիվ է իր վարքագծում: Սալտիկովը պատկերում է նրան սոցիալական կենդանի շրջապատում, գյուղացիների, իրենց կալվածքի հարևանների, Գոլովլյովների ընտանիքի անդամների հետ ունեցած փոխհարաբերություններում:

Իուզուշկան ըստ էության քիչ է էվոլյուցիա ապրում, միշտ պահում է իր բնորոշ զծերը: Ահա դեռևս երեխա՝ նա իր շողոքորթությամբ «ձեռք է բերում մոր համակրանքը», դառնում նրա «նախասիրյալը»: Ահա Պետերբուրգից գրած ու կեղծավորությամբ լի նամակները, որոնք տանջալի ծարավով տենչում են ժառանգությունից շող պատառ ստանալ: Ահա նա որպես Գոլովլյովների կալվածքի լիիշխան տերը, որ նրա կառավարումը «մեծահոգաբար» հանձնում է Արինա Պետրովնային՝ իմանալով

անտեսությունը կը որացնելու նրա անգնահատելի
ընդունակությունը: Ահա նա իր «կոնստիտուցիա-
ներով» ավելի ու ավելի է սահմանափակում Արինա
Պետրովնայի իշխանությունը և այլն: Ամենուրեք
Իուդուշկան հառնում է մեր առջև որպես բացասա-
կան ամեն մի կենդանի էակի թշնամի տիպ: Նա է
խոհատակում Արինա Պետրովնայի ձեռքով կերտ-
ված «ընտանեկան ամբողջը»: Նա է «մորը դռնից
դուռ գցում»: Նա է իր որդուն՝ Վոլոդկային ինքնա-
սպանության հասցնում: Նա է իր երկրորդ որդուն
անդունդ մղում՝ հրաժարվելով վճարել նրա տանու
աված պետական փողերը: Նա է տանջում գեղջուկ-
ներին՝ «անվախճան ոստայն հյուսելով նրանց
շուրջը»: Բոլոր գրություններում, ամենքի հետ
ունեցած հարաբերություններում Իուդուշկան հառ-
նում է ընթերցողների առաջ որպես մի ամբողջա-
կան, իր գործողությունների մեջ հետևողական
գեմք, որպես կեղծավորի ու զիշատչի տիպ, որն
աստիճանաբար ոչնչացնում է բոլոր շրջապատող
մարդկանց, մերձավորներին ու իր շուրջն ստեղծում
մի մուշկ դատարկութուն, որից վերջ ի վերջո ին-
քն էլ է սարսափում:

Մասնագիտական գրականության մեջ մինչև
այսօր բազմաթիվ վեճերի առիթ է տալիս վեպի
վերջաբանը, այն հարցը, թե հոգեբանորեն որ-
քա՞նով է արդարացված Իուդուշկայի վախճանը:
Հայանի է, որ ժամանակին այդ հանդուցալուծման
գեմ է արտահայտվել Ի. Գոնչարովը, երբ դեռ հե-

դինակը շէր գրել վերջին գլուխը: Նա կարծում էր, որ Իուզուշկան կարող է զարգանալ միայն դեպի վատը, հետզհետե ավելի վատանալ, «կրել բոլոր նվաստացումները և մեռնել աղբակույտի վրա որպես դեն դցված հին կրկնակոշիկ», որ չի կարելի սպտկերացնել, թե նրա հոգում կարող է երեւալ զղջման որեէ նշույլ կամ այդ տեսակ մի այլ բան: Գոնշարովը շէր կարող թույլ տալ, որ Իուզուշկան կարող էր «ներքուստ ապստամբել, գիտակցել իր գրության սարսափելիությունը, անկման անմխիթար վիճակը և ձեռք բարձրացնել իր վրա»¹: Շշեդրինը, այնուամենայնիվ, հանգույցը հենց այդպես է լուծում: «Միայն խրոնիկայի վերջին էջերում, — գրում է Ե. Պոկուսաևը, — Շշեդրինի հերոսը խոսում է իսկական մարդկային լեզվով: Նրա խոսքերը լինեն ցավով ու դառնությամբ, անկեղծ հուլմունքով: Անհետացել են նրա դատարկաբանություններն իրենց կոկված նախադասություններով, սանձարձակ խուսափողականությամբ ու մտերմիկությամբ, իրենց սվսվան հեղահամբուրությամբ: Հեղինակային խոսքն էլ կորցրել է հեզնական շեշտերը, շին լսվում այլևս ուժեղ ծաղր, ծանակ, ընդհանրապես ծիծաղ՝ թեկուզ և դառն: Շարունակելով առաջվա պես Իուզուշկա անվանել իր հերոսին՝ Շշեդրինը վերարտադրում է նրա վիճակը այնպիսի բառերով,

¹ Н. А. Гончаров, Собрание сочинений, Гослитиздат. М., 1955, том VIII, стр. 489—491.

որոնք ուղղակի ցույց են տալիս դրուժյան դրամատիզմը:

Ե. Պոկուսաևը գծելով ճիշտ ուղի՝ հետագա շարագրության մեջ անհրաժեշտ հետևողականություն հանդես չի բերում, ընկնում է հակասությունների մեջ: Նա ասում է, որ վեպի ավարտական դրվագներում հեղինակը Խուզուշկային օժտում է այնպիսի գծերով, ասել է տալիս այնպիսի ծանրակշիռ, ոչ դատարկ խոսքեր, նրա զարշահոտ, մարող կյանքում բացահայտում է այնպիսի արարքներ, որ գուրոզ ու դատարկախոս կալվածատիրոջ ցայտուն գծված տիպը հիրավի ողբերգականորեն է ընկալվում¹: Հարց է ծագում, հեղինակի ինչին էր պետք ողբերգականությունը, եթե նա հանձին Խուզուշկայի տեսնում էր միայն կալվածատիրոջ, գրուփողի ու «արյունարթուի», որի հանդեպ նա այլ զգացմունքներ չուներ, բացի ատելությունից, և որի նկատմամբ նա անողոր է: Հեղինակի դիրքը ակներևաբար ավելի բարդ է, քան կարող է թվալ առաջին հայացքից: Գուցե հակասական ու վարանում առաջացնող թվա այն փաստը, որ վեպի վերջում հեղինակը կարծես փոխում է իր վերաբերմունքը հերոսի հանդեպ: Երևան են գալիս ինչ-որ նոր շեշտեր: Բանն այն է, որ հեղինակային դիրքի հարցը

¹ Е. Покусаев, Мастерство художника-старика. Новая Волга, книга XXIII, Саратовское книжное издательство, 1955, стр. 182—184.

չի կարելի լուծել՝ ելնելով միայն Իուղուշկայի կերպարի հասարակական հնչեղությունից: Կերպարի սոցիալական բովանդակությունը շպետք է ծածկի բարոյական-հոգեբանական նշանակալիությունը: Եթե սխալմամբ Իուղուշկայի բնութագրման մեջ սահմանափակվենք հասարակական սահմանումներով, նշելով միայն այն, որ նա կալվածատեր է, գիշատիչ, շահագործող և այլն, ապա դրանով բավական կաղքատացնենք կերպարի բովանդակությունը: Վեպի հեղինակին հետաքրքրում էր կեղծավոր գիշատչի տիպը իր հոգեբանական ամբողջ բարդությամբ: Նա Իուղուշկային նկարագրում է որպես թուլացող ազնվականության այլասերվող տոհմի ներկայացուցչի: Իուղուշկային անկարելի է պատկերացնել նրան ծնունդ տված և նրա գործունեության ասպարեզը հանդիսացող միջավայրից դուրս: Սակայն դրանից չի հետևում, որ հեղինակը ուշադրությունը սևեռելով հերոսի վարքի սոցիալական հնչեղության վրա՝ անտարբեր էր նրա արարքների բարոյական-հոգեբանական բովանդակության նկատմամբ: Իուղուշկան ոչ միայն հասարակական, այլև հոգեբանական տիպ է: Շչեդրինին, անկասկած, հետաքրքրում էր նաև նրա բարոյական ճակատագիրը:

«Պարոնայք Գուլովյուվներ» վեպի վերջաբանը ճիշտ կարելի է հասկանալ միայն այն դեպքում, երբ ելակետ ընդունենք հեղինակի խոր հումանիզմը: Իուղուշկայի նկատմամբ որևէ համակրանք տածելու

մասին խոսք չի կարող լինել: Շշեղրինը ատում է նրան: Հերոսի ոճրագործությունների անվախճան շարանը, նրա վիշատիչ հակումները, դաժանությունը, մարդկանց ճնշելու նրա նրբացրած ձևերը, կեղծավորությունը միայն ատելութուն, զայրույթ, վրդովմունք ու նողկանք են առաջացնում: Բայց երբ Իուզուշկան մոտեցավ գերեզմանի ելքին, երբ նա իր շուրջը տեսավ այդ ահավոր ամայությունը, այն ժամանակ նրա ստոր հոգու խորքում մի պահ երերաց տարտամ գիտակցությունը: Վեպի ավարտական էջերն այնպես են գրված, որ կասկած չի մնում, թե նրա մեջ արթնանում է խղճի խայթի նմանող մի բան: Հեղինակի այս լուծումը որոշ դիմադրություն է առաջացնում, որովհետև Իուզուշկան կանգնում է ընթերցողի առջև որպես ավարտված ախպ, դժոխքի մարմնացում, որի մեջ կենտրոնացած են միայն ստոր կրքեր, արատներ, որը ամբողջ վեպի ընթացքում երևան չի բերել իր արարքներից գիտակցելու նվազագույն նշաններ: Իուզուշկան այնքան է թաղվել ստորության, կեղծավորության ու դատարկախոսության մեջ, որ նրա հոգեվիճակում անսպասելի ու անբնական են թվում ամեն տեսակ փոփոխություններ: Վեպի վերջին գլուխը գրելու ժամանակ հեղինակի առջև ծագեց հոգեբանական մի դժվարին խնդիր: Նա կարող էր վեպն ավարտել հերոսի բնական մահով: Բայց ըստ երևույթին այսպիսի լուծումը չէր բավարարում Շշեղրինին: Իուզուշկայի համար անհրաժեշտ

էր հնարել ավելի զարհուրելի վախճան, անհրա-
ժեշտ էր, որ նա կյանքից հեռանալուց առաջ, որևէ
չափով զիտակցեր իր կատարած ոճրագործություն-
ներն ամբողջ հրեշավորությունը, իր սղորմելի գո-
յության ամբողջ ավելորդությունը, անիմաստու-
թյունը և մռայլ ամայությունը: Գրանով հեղինակը,
անշուշտ, իր դործի մեջ շմտցրեց Իուղուշկայի ճա-
կատագիրը մեղմացնող մոտիվներ «արյունար-
բուի» նկատմամբ մնաց առաջվա նման անողոր,
ցույց տվեց նրա զատապարտվածությունը, ան-
փառունակ վախճանը:

«Պարոնայք Գոլովլյովներ», վեպում, Շչեդրինի
նախորդ երգիծական ցիկլերի համեմատությամբ,
կիրառված են տիպականացման այլ հնարքներ ու
սկզբունքներ: Հեղինակն այստեղ կարևոր նշանա-
կություն է տալիս հերոսի վարքի հոգեբանական
բացահայտման խնդրին: Գոլովլյովը ընտանիքի
բոլոր անդամներին հարազատացնում է շատ բան,
սակայն միաժամանակ նրանցից յուրաքանչյուրը
օժտված է անհատականության վառ դժերով: «Մի
բանից եմ վախենում՝ Իուղուշկայի մասին կարճ
կապելուց, — գրել է նա Նեկրասովին 1876 թ. հու-
լիսի 9-ին: — Կեսն արդեն պատկերել եմ, բայց կու-
տակված ձևով. անհրաժեշտ է վերակազմել ու ար-
տագրել: Այդ կեսը դժվար է, որովհետև նրա բո-
վանդակությունը ամբողջովին հոգեբանական է»
(XIX, 67): Այս խոսքից կարելի է եզրակացնել, որ

Շշեղրինն իր վեպը համարում էր խորապես հոգեբանական ստեղծագործություն:

Նրա համար հերոսների վարքի բովանդակությունըն ու էությունը բացահայտելու գործում վճռական ազդակ է արարքների: հասարակական բնորոշումը, նրանց պայմանավորվածությունը սոցիալական միջավայրով: Նա գրողից պահանջում էր «թափանցել նրա էության մեջ, իմանալ այն դրդապատճառները, որոնք պայմանավորում են տվյալ միջավայրը, որոշում են նրա կենսանպատակները», դրանից հետո արդեն դիմել այդ միջավայրի ծնունդ առանձին տիպերին ու բնավորություններին (VIII, 67): Շշեղրինի հերոսների համար բնորոշ չէ ներքին ինքնավերլուծում անելու ընդունակությունը: Նա յուրովի է հասկանում «հոգու դիալեկտիկան»: «Նա ձեռնամուխ է լինում մարդու «ներքին շենքի» հետազոտությանը՝ իմանալով, թե ինչ է պետք իրեն և ինչ կգտնի նա այդ շենքում: Շշեղրինի կարծիքով միպասանի խնդիրն է հոգեբանական ոլորտով հարուստ արտաքին նշանների տակ կարողանալ տեսնել արարքների իսկական էությունը, սովորական փաստերի տակ տեսնել այն, ինչ մատչելի է «միայն չափազանց ակնասեևո զինմանը» (VIII, 134—135, IX, 204): Երբ Շշեղրինը խոսում էր «արտաքին նշանների», «տնօրյա փաստերի» մասին, ապա այդ դեպքում նկատի ուներ նաև ընտանեկան հարաբերությունների բնագավառը: Մարդուն բաժին ընկնող բոլոր

դժբախտութիւններին, — գրեւ է նա «Հակասութիւններ» վիպակում, — շկա ավելի խոր, ավելի սարսափելի վիշտ, քան ընտանեկանը, տնայինը: Դա աչքի չի ընկնում, չի ցուցադրում իր վերքերը, գրա համար էլ միշտ մնում է աննկատելի: Պետք է ինքդ շատ կրած լինես, որպեսզի հասկանաս, թե որքան ընկճող բան կա արտաքուստ փոքր այդ վշտերի, այդ աննկատելի հետապնդումների մեջ, որոնք մի անգամից շին սպանում, բայց քիչ-քիչ թունավորում են ձեր գոյութեան ամեն մի բոպեն և վերջապես ապրելու անընդունակ են դարձնում ձեզ» (I, 100):

Այս խոսքերի մեջ անշուշտ շկա այն հասարակական շեշտը, որը հատկանշական է Շշեղրինի վեպի համար, բայց դրանց մեջ, իր բարոյական-հոգեբանական հիմունքով, նման մի պատկեր է գրոշմված: Զէ՛ որ Իուդուշկայի վարքագծի մեջ առկա են առաջին հայացքից աննկատելի, փոքրիկ վշտերի ու հետապնդումների այդ նրբացրած ձևերը, որոնցով նա ցանցում է իր զոհերին, թունավորում նրանց գոյութեանը և հասցնում բարոյական ու ֆիզիկական կործանման:

Հոգեբանական նուրբ ու խոր վերլուծութեան, մասնավորապես Իուդուշկայի, Ստեփան Գուլուլյովի ու Արինա Պետրովնայի ներքնաշխարհը բացահայտելու համար հեղինակը պարտական էր կյանքի անմիջական զննումների հարուստ պաշարին: Մանկական տարիներից նա տեսել էր ազնվա-

կանա-կալվածատիրական կենցաղի համար բնորոշ բազմաթիվ դաժան, դրամատիկ դրվագներ: Նրա աչքի առաջ տեղի էին ունեցել այնպիսի դեպքեր, որոնք անջինջ հետք էին թողել նրա հիշողության մեջ: Նա տեսել էր, թե ինչպես են խորտակվում ազնւրկականական ընտանիքի հիմքերը, թե ինչպես այն սկզբունքները, որոնց վրա կառուցվում էին ընտանեկան հարաբերությունները, դառնում են միայն դատարկ ձև, Գոլովլյովների տան գազանային բարքերը սքողող արարողություն:

Հերոսների վարքագծի հողերանական բացահայտման խնդիրը լուծելու համար Շչեգրիինը լայնորեն օգտագործում է լեզվական բնութագիրը: Շչեգրիինյան առաջին ցիկլից սկսած նկատվում է խոսակցությունն անհատականացնելու հեղինակի ձգտումը: Այս տենդենցն իր զարգացումն է ստացել Շչեգրիինի 60—70-ական թվականների երկերում: «Պարոնայք Գոլովլյովներ» վեպի գրական պերսոնաժների խոսակցության անհատականացումը ստանում է խստորեն ռեալիստական բնույթ, առանց բարբառային արտահայտությունների շարաշահման, առանց շարժի ու պարողիայի տարրերի: Վեպի բոլոր, անգամ էպիզոդիկ պերսոնաժները խոսում են իրենց հատուկ լեզվով, որը տիպականացնելու կարևոր գործոն է: Արինա Պետրովնայի լեզուն հիմնականում տիրական է, հրամայական: Նրա շաղակրատանքներում ոչ միայն գտնում ենք Իուզուշկայի լեզվին ազդակից տար-

րերը, այլև նախադասութիւնները՝ կառուցելու նմանութիւն, որը բացատրւում է այս երկու կերպարների մտիկութեամբ, նրանց սոցիալ-հոգեբանական բնութագրի ընդհանրութեամբ: Դմբո Ստյոպկայի լեզուն խեղկատակի, գինեմոլի ու մուրացկանի լեզու է հիշեցնում և լի է ժարգոնային յուրահատուկ արտահայտութիւններով: Եվպրաքսեյուշկայի լեզվի մեջ տրված է իր մարդկային իրավունքները տարտամորեն հիշող, ծեծկված ու ահաբեկված կնոջ խոսակցական վառ բնութագիրը:

Բոլոր դեպքերում լեզվական բնութագրումը նպաստում է պերսոնաժների ցայտուն անհատականացմանը: Հեղինակը ցույց է տալիս, թե ինչպես հերոսի սոցիալական պատկանելիութիւնը կնիք է դնում նրա լիզվի վրա, նրան տալիս հասարակական դիրքին ու վարքին համապատասխանող յուրատեսակ երանգ: Եվպրաքսեյուշկայի լեզվում արտահայտված է գոլովլեյան կարգերի դեմ ուղղված ներքին ընդվզումը, միաժամանակ՝ նրա անդորութիւնը, սակավ զարգացած դիտակցութիւնը և Իուդուշկայից ունեցած կատարյալ կախումը: Չէ՞ որ նա մի ողորմելի ձրիակեր է Գոլովլեյովների տանը: Տեր Ալեքսանդրի լեզվում, բացի վերամբարձութիւնից, մաներայնութիւնից, կա նաև Իուդուշկային ամեն կերպ հաճոյանալու շեշտ:

Շշեղրինը առանձնակի բարձունքի է հասնում Իուդուշկայի լեզվական բնութագրման մեջ: Իուդուշկայի տաղտկալի դատարկախոսութիւնների լեզվական

ամենանուրբ երանգներն ու բոլոր առանձնահատկությունները պայմանավորված են կեղծավոր «արյունարբուի» ամբողջ բնութագրությամբ, օրինաչափորեն բխում են նրա ամբողջական կերպարից: Այս առանձնահատկությունները ցայտուն կերպով երևում են Իուդուշկայի՝ Պետերբուրգից իր մորը գրած նամակներում: Եթե նրա եղբայրը՝ Պավել Վլադիմիրովիչը փող ուղարկելու առթիվ զուսպ գրում էր Արինա Պետրովնային, թե «Այսքան դրամ, այսքան ժամանակի համար, իմ շատ սիրելի ծնող, ստացա...», ապա Իուդուշկան նույն առթիվ իրեն բնորոշ կեղծավոր ճոռոմաբանությամբ գրում էր. «այսքան դրամ, այսքան ժամանակի համար, անգին բարեկամ իմ մայրիկ... ստացա և դրանք ուղարկելու համար... հայտնում եմ իմ ամենազգալուն շնորհակալությունը և որդիական աներեսպաշտ երախտագիտությամբ համբուրում եմ ձեր թաթիկները: Մի բանի համար եմ միայն թախծում ու տարակուսանքից տանջվում՝ չափից ավելի նեղություն չէ՞ք պատճառում դուք արդյոք ձեր թանկագին առողջությանը ոչ միայն մեր կարիքները, այլև քմահաճությունները բավարարելու համար անընդհատ մտահոգվելով... Չգիտեմ եղբայրս ինչպես, բայց ես...» և այլն:

Չնայած ամբողջ վեպի ընթացքում Իուդուշկայի լեզուն էվոլյուցիա է ապրում, այնուամենայնիվ միշտ պահում է իր յուրահատուկ գծերը: Դրանք պայմանավորված են Իուդուշկայի, որպես կեղծա-

վորության, դաժանության ու բարոյական քայքայման մարմնացումի կերպարով: Նրա լեզվի մեջ ամենից ավելի բնորոշ են նվազական ու փաղաքշական ձևերը, որոնցով լի է նրա խոսակցությունը, և որոնք այդ խոսակցությանը յուրահատուկ գունավորում են տալիս:

Իուզուշկայի հոգեբանական դիմանկարում ամենահատկանշական դիժը կեղծավորությունն է: Դատարկաբանությունը հերոսի ոչ թե հիմնական նշանն է, այլ նրա կեղծավոր վարքի հետեանք, երբ խոսքն ու գործը իրար չեն բռնում, երբ սուտ-ճրգնավորական զեղումներն ու գործողությունները իրար չեն համապատասխանում, երբ խոսքային փայլը յուրահատուկ վարագույր է իսկական դրդապատճառները սքողելու համար, երբ բառերը հնչում են որպես մի յուրատեսակ կախարդանք, իր խստասիրտ, անբարոյական արարքները արդարացնելու ձև:

Իուզուշկայի կեղծավորությունը երևան է գալիս մարդկային հարաբերությունների ամենատարբեր ոլորտներում, բայց առանձնապես ցայտուն դրսևվորվում է նրա «աստվածավախության» մեջ: Իուզուշկայի համար վարքի բարոյական նորմաները յուրօրինակ արարողություն են լուկ, հետաքրքրում են նրան որպես պատշաճության ու բարեպաշտության արտաքին ձևեր: Ավելին. դրանք նրա դաժանությունների, անբարոյական արարքների ծածկույթն են: Նրա ճղճիմ, ամայացած, քայքայված

հոգեկան աշխարհում չի մնացել ոչ մի մաքուր, լուսավոր անկյուն: Նրա՝ կրոնին դիմելը սուտ-բարեպաշտական բնույթ ունի, ամենևին չի արտահայտում իր արարքները գիտակցելու, դրանք դատապարտելու, խղճի դեմ արած իր հանցագործություններից զղջալու ցանկություն: Իուզուշկայի խառնվածքի այս էական դիժը քաղահայտվում է նաև նրա լեզվական բնութագրում: Կրոնական աշխարհայացքի հետ կապված խոսքերը նրա լեզվում ստանում են յուրահատուկ կեղծավոր, քաղցր-մեղր երանգ՝ գուհկության ակներև գունավորումով հանդերձ. «Եթե շիներ նա՝ երկնային թաղավորը, գուցե մենք էլ հիմա դաշտում մոլորվեինք և խավարում լինեինք, և ցրտում...» կամ՝ «Այսօր ես սղոթում ու ասածուց խնդրում էի, որ նա իմ Անինկային թողնի ինձ: Ու աստված ասաց ինձ՝ բռնիր Անինկայի գիրուկ մեջքից ու սեղմիր քո սրտին...»:

Իուզուշկայի լեզուն ոչ միայն հոգեբանական-բարոյական, այլև սոցիալական երևույթ է. դա ակներևությամբ բացահայտվում է իր անվախճան դատարկախոսությունների նկատմամբ շրջապատի մարդկանց ունեցած վերաբերմունքի մեջ. «Լեզուն բլբլացնում է... ոչ մի ճշմարիտ խոսք... բոլորն էլ սուտ է ասում», «քծնում է», «խոսքի խնայողություն չի անում, խոսքով կարող է մարդ փտեցնել»:

«Պարոնայք Գոլովլյովներ» վեպի լեզուն բազմաշերտ է. դրա մեջ զուգորդվում են թե ժողովրդական կենդանի խոսակցության և թե դրական լեզվի

բազմապիսի ձևեր: Հեղինակը պերսոնաժների լեզուն բնութագրելիս վարպետորեն օգտագործում է կենդանի խոսքի գունեղ, նրբերանգներով հարուստ ձևերը:

Այս վիպում սակավաթիվ էջեր են հատկացված բնության նկարագրությանը, այնուամենայնիվ բնապատկերն այստեղ պատումի օրդանական տարրն է ու խիստ կարևոր դեր է խաղում՝ նպաստում է հոգեբանական որոշ ֆոն ստեղծելուն: Կավվածատիրական դաստակերտի պատկերում, որտեղ «հոսում էին ստրուկների լոկկ արցունքներ, լսվում էին ստրուկների խոր հառաչանքներ», բնապատկերը միանգամայն համապատասխանում է ընկրճվածության ընդհանուր մթնոլորտին. «Ամեն ինչ մռայլ, քնկոտ տեսք ուներ, ամեն ինչից ընկճվածություն էր հառնում... Անգամ ծառերը զխահակ են ու անշարժ, ասես խոշտանգված լինեն...»: Բնությունը նկարագրելիս հեղինակը հազվադեպ է դիմում հակապատկերների: Նրա մոտ մեծ մասամբ բնապատկերը ներդաշնակ է արամադրությանը և հերոսի ապրումները բացահայտելու միջոց է: Այդպիսի բնույթ ունի, օրինակ, աշնանային բնության պատկերը, երկրի ու երկնքի գորշ, տխուր գույներով էլ պատկերված են Ստեփան Վլադիմիրովիչի միայնակ տանջանքն ու Թախիծը և այդ գույները համահնչուն են «զինեմոլ ու կորած զմբոյի» հոգեվիճակին: Վեպի վերջաբանում մռայլ բնապատկերն օգնում է ողբերգական երանգների խտացմա-

նր: «Չնայած այն բանին, որ ունեում էր քամին և պտույտներ էր գործում մարտի թաց բորանը... Պրոֆիթի Վլադիմիրովիչը... քայլում էր ջրափոսերով՝ ոչ ձյունն զգալով, ոչ էլ քամին...»: Այս պատկերը ցայտունություն ու համողություն է տալիս հեղինակի մտքին՝ Խուզուշկայի որոշման վերաբերյալ, որը գնում էր «հանգուցյալ մայրիկի գերեզմանին հրաժեշտ տալու... բայց հրաժեշտ տալու ոչ այնպես, ինչպես սովորաբար հրաժեշտ են տալիս, այլ ընկնելու գերեզմանի վրա ու անշարժանալու, մահվան հոգեվարքի ողբը շրթունքին...» (XII, 279—281):

Շչեգրինն իր վեպում լեզվական բնութագրումը, բնապատկերը, էպիտետները, համեմատությունները, գեղարվեստական լեզվի բոլոր տարրերը, արտահայտչական ու պատկերման բոլոր միջոցները ենթարկել է միասնական մի խնդրի. դրանց մասնակցությունը ստեղծագործության ընդհանուր կառուցվածքին խստորեն պայմանավորված է ֆունկցիոնալ նշանակությամբ:

«Պարոնայք Գոլովլյովներ» վեպում նվազ որոշակի են արտահայտվել շչեգրինյան երզիծանքի առանձնահատկությունները: Այս նոր երկում երեվան հեղինակի գրական տաղանդի մինչ այդ անհայտ գծերը, նրա ներկապնակի բազմազանությունն ու ճոխությունը: «Պարոնայք Գոլովլյովներ»-ում, ինչպես և մյուս երկերում, նա հանդես եկավ որպես համարձակ նորարար, սուսական վե-

պի զարգացման մեջ նոր ուղիներ հարթող: Այստեղ
ավելի, քան երգիծական ցիկլերում, հեղինակը
հենվել է ռուսական արձակի տրագիցիաների վրա:
Այս դեպքում ևս, ինչպես պետք էր սպասել, բոլոր
նախորդներից ու ժամանակակիցներից ամենամո-
տիկը նրա համար մնաց Գոգոլը:

Տարակույս չկա, որ «Պարոնայք Գոլովլյովները»,
տրագիցիայի ու սոցիալական նախադրյալների
իմաստով, որոշ ընդհանրություն ունեն «Մեռած
հոգիների» հետ, այն տարբերությամբ, որ Գոգոլի
մոտ ազնվականա-կալվածատիրական կենցաղը
«ցույց է արված միայն սոցիալական անխուսա-
փելի տեղաշարժերի նախադգացումով, իսկ Շչեդ-
րինը պատկերում է այդ միջավայրի տնտեսական
ու կուլտուրական անկումը»¹:

«Պարոնայք Գոլովլյովներ» վեպը իր գեղարվես-
տական արժեքով, միասնական մտքով, ժանրային
ավարտվածությամբ, ներքին ամբողջականությամբ
ու միասնականությամբ կանգնած է ռուս և համաշ-
խարհային վիպական գրականության մեծագույն
ստեղծագործությունների կողքին:

¹ В. А. Десницкий, На литературные темы, книга
вторая, стр. 457.

Ութսունական թվականներին Շշեղրինը ավարտեց «Ժամանակակից հովվերգությունը», «Անավարտ զրույցներ (Գործի արանքում)», դրեց նոր ցիկլեր՝ «Նամակներ մորաքրոջս», «Պոշխոնյան պատմվածքներ», «Խայտաբղետ նամակներ», «Կյանքի մանրուքներ» և վերջապես այդ տարիներին ստեղծեց իր հիանալի «Հեքիաթները»: Այս վերջինը, ինչպես և Շշեղրինի բոլոր նշանակալի երկերը, պայմանավորված են սոցիալական երգիծանքի խնդիրներով, աչքի են ընկնում գաղափարական հարստությամբ և բովանդակության խորությամբ: Օգտվելով, օրինակ, կենդանիներին վերաբերող հեքիաթների տրագիցիոն ձևից՝ հեղինակը պատմում է մարդկանց կյանքի, մարդկային փոխհարաբերությունների, ուռսական հասարակական կյանքի սուր, ցավոտ հարցերի մասին: Շշեղրինը ծաղրում էր լիբերալներին, օպորտունիստներին, հաշտվողականներին ու համաձայնողներին, որոնք ողորմելի փորձեր էին անում խաղաղ ճանապարհով լուծելու բուրժուա-կալվածատիրական իրա-

վակարգի հակասությունները: Նա ծաղրում էր «իմաստնագույն խարահաձկներին»՝ եսապաշտ քաղբենիններին ու հասարակական պայքարի հարցերի նկատմամբ ունեցած նրանց անտարբեր ու երկշոտ վերաբերմունքը: Նա ծաղրում էր նաև «իդեալիստ ծածանների» տիպի մարդկանց՝ միամիտ ու կյանքից կտրված, սոցիալական պայքարի մասին հստակ պատկերացում չունեցող ֆանտազյորեններին: «Իդեալիստ ծածանը» երկար-բարակ դատում, դատարկախոսում է համաշխարհային երջանկության, սիրո մասին, այն ժամանակ, երբ նույնիսկ հասկացություն չունի «շնաձկան» գոյության մասին, չի իմանում այնպիսի հասարակ մի ճշմարտություն, որ «ամեն մի ծածանի համար առաջիկայում ձկնապուր է պատրաստած»: «Արջը կուսակալ» հեքիաթում Տոպտիզին I-ը, ինչ էլ որ ասեին, ինչի մասին էլ որ խոսեին, «միշտ շուռ էր տալիս մի բանի վրա՝ արյունահեղությունք... արյունահեղությունք... ահա թե ինչ է պետք»: Տոպտիզին II-ի քաղաքական բնութագիրը տրված է հետևյալ լակոնիկ նախադասությամբ. «Տոպտիզին II-ը գլխավորապես հույսը կապել էր այն բանի հետ, որ տեղ հասնելու պես իսկույն կեթ քարուքանդ կանի տպարանը և էշն էլ այդ նույն խորհուրդը տվել էր նրան», իսկ երբ հասավ նշանակված պաշտոնավայրը, ապա ամենից առաջ հարցրեց՝ «անտառում դո՞նե համալսարան կամ թեկուզ ակադեմիա չկա», որպեսզի վառի դրանք»: Իսկ ինչպես

Է Շչեդրինը պատկերում Տոստիգին II-ի կյանքի վախճանը: Երբ նա «գեղջուկին վերջնականապես տնաքանդ արեց, գեղջուկները հարգանք մատուցեցին նրան»: նստեցրին մզրախի վրա, ապա մաշկը քերթեցին, լիշն էլ տարան-գցեցին ճահիճ, որտեղ առավոտյան կացահարում էին գիշակեր թռչունները»: Այսպիսի արդար վախճան էր նախագուշակում Շչեդրինը արքաներին և ժողովրդին ճնշող ու կեղեքող մյուս բոլոր մարդկանց: Իսկ նրա «Զիուկ» սքանչելի հեքիաթը, որ շի կարող ընթերցողին խորապես մտածել շտալ հետևյալ հարցի մասին, ինչպես իրավա՞ք մատնանշել է հին բոլշևիկ, գրականագետ Միխայիլ Օլմինսկին. «Ինչո՞ւ մինչև հիմա ամենածանր աշխատանքը մարդու համար բերել է անել աղքատություն, ինչո՞ւ այնպես ուժասպառ է եղել այդ հավիտենական աշխատավոր Զիուկը և ինչո՞ւ այնքան հեշտավետ և ուրախ է դատարկաշրջիկ աղաչի կյանքը»: Ըստ էության այս նույն հիմնական, կենսական պրոբլեմը շոշափում է Շչեդրինը «Թե ինչպես գեղջուկը երկու գեներալի կերակրեց» հեքիաթում, որտեղ ցարական գեներալները պատկերված են որպես պորտաբույժների տիպիկ ներկայացուցիչներ: Սրանք անգամ չեն իմանում, թե որտեղից են ստացվում բուկիները, և կարծում են, որ «աճում են այն ձևով, ինչ ձևով առավոտյան հրամցնում են սուրճի հետ»: Յարական գեներալները, որոնք վարժված էին ամեն ինչ պատրաստ հրամցնելուն, քաղցածանում են և

ընկնում ամենաողորմելի, անօգնական դրության մեջ, թեև կղզին լի է ամեն բարիքով՝ մրգերով, որսի թուշուններով, ձկներով: Սակայն խնձոր ուտելու համար պետք է ճօրել դա, իսկ ճարելու շնորհք չունեն: Եվ վերջ ի վերջո քաղցած գեներալներին փրկում է ոուս գեղջուկը: Իր հեքիաթում հեղինակը բացահայտում է անտրդար իրավակարգի հիմնական, ադադակող հակասությունը: Մի կողմից բուլոս բարիքներն ստեղծող աշխատավոր գեղջուկը, որին բաժին են հասնում մեծատան սեղանի փրշբանքները և որը աղքատությունից հալումաշ է լինում. մյուս կողմից՝ պորտաբույծները, որևէ օգտակար գործունեության անընդունակ կենսավակեցնիքը, որոնք յուրացնում են այն ամենը, ինչ ձեռք է բերվել ծանր աշխատանքով:

Շչեկրինի հեքիաթները կարևոր դեր խաղացին սևույուցիոն մաքի վարդացման գործում, նպաստեցին ժողովրդի խնքնագիտակցության վարթոնքին, նրան պայքարի կռիւցին հանուն երջանիկ կյանքի:

Կյանքի վերջին շրջանում գրած Շչեկրինի բունոս երկերից «Ժամանակակից հովվերգությունը» իր ժանրային հատկանիշներով ամենից ավելի էր համապատասխանում երգիծական վեպի այն նոր աւիպի պահանջներին, որով բնորոշվել էր Շչեկրինի ստեղծագործական որոնումների հիմնական ուղղությունը: Չնայած «Պարոնայք Գոլովլյուվներ»-ի փալլուն հաշոդությանը, հեղինակը չընտրեց այն

ուղին, որը բացում էր նրա առջև նոր, գրավիչ հե-
ռանկարներ: Շշեղբինը շքնթացավ սովորական
ձևով վեպ գրելու ուղիով, ուր մղում էր նրան Տուր-
զեններ: Ութսունական թվականներին նա վերադար-
ձավ իր նախասիրած ժանրին, որտեղ կարևորա-
գույն դերը կատարում էին հրապարակախոսական
պաթոսը, երգիծական էությունը և ցիկլալորման
սկզբունքը: Կյանքն ինքնին էր հրամայաբար այդ
կողմը մղում Շշեղբինին, որ ամբողջովին կլանված
էր արդիականության պրոբլեմներով, և առանձնա-
կի սրությամբ էր ապրում ռեակցիայի մթնոլոր-
տը:

«Ժամանակակից հովվերգությունը» աչքի է ընկ-
նում իր խորությամբ, քաղաքական մտքի սրու-
թյամբ, զեղարվեստական վարպետությամբ: Երբ
1883 թվականին այն լույս տեսավ առանձին գրք-
քով, Կ. Արսենը «Վեստնիկ Եվրոպի» հանդեսում
այդ գործն անվանեց «Ժողովածու» և մեղադրեց
հեղինակին «ֆելիեռոնության» ու «վոդևիլության»
մեջ. Շշեղբինն անհրաժեշտ գտավ հատուկ նամակ
գրել հանդեսի խմբագրությանը: «Ժամանակակից
հովվերգությունը» անվանել են «Ժողովածու», բայց
բոլորովին շեմ հասկանում, թե ինչու, — գրում էր
նա Ա. Ի. Պիպինին, — այդ աշխատությունը սկզբից
մինչև վերջ ամբողջովին կապված, տողորված է մի
մտքով, որն անց են կացնում միևնույն «հերոսնե-
րը»... Այդ գործը ունի և սկիզբ, և վախճան, և եթե
ավարտվում է ոչ բոլորովին սովորական ձևով՝

Ամոթի հրապարակ դալով, ասլա իմ կարծիքով, ճիշտն ասած, դա նույնքան բնական է, որքան հանգուցալուծումը ամուսնանալու կամ վանք մըտնելու միջոցով: Եթե կանգնելու լինենք «Վեստնիկ Եվրոպի»-ի տեսակետի վրա, ասլա թե «Պիկվիկ ակումբի օրագիրը», թե «Դոն Կիխոտը», թե «Մեռած հոգիները» հարկ կլինի անվանել «ժողովածուներ»: Խնդրում եմ անհամեստության մեջ չմեղադրել ինձ այս համեմատություններն անելու համար: Նախ ես անում եմ դրանք ոչ ըստ էության, այլ ըստ ձևի. երկրորդ՝ ճիշտն ասած, ինձ թվում է, թե արդեն ժամանակն է դալու այն եզրակացությունը, որ համեմատություններից «երկինքը դրդալով շի փուլ գա», որքան էլ այդ համեմատությունները հեռու գնան: Չափազանց անախորժ է գոյություն ունենալ՝ գիտակցելով, որ մարդու պատկերացման հետ կապվում է իր գլխից վեր գործ բռնողին հիշելը» (XIX, 365):

«Ֆելիեաոնության» և «Վոդևիլության» մեջ մեղադրելը թեև նոր բան չէր (ուսկցիոն քննադատությունը հաճախ էր գործածում այդ տեսակ բնորոշումներ՝ երգիծաբանի երկերի աճող ազդեցությունը թուլացնելու նպատակով), բայց և այնպես վիրավորում էր Շչեգրինին: «Ժամանակակից հովվերգության» մեջ նկարագրված երևույթները նա համարում էր «զուտ ճշմարտություն», որոնց նա չէր կարողանում վերաբերվել այլ կերպ, եթե ոչ արհամարհանքով: Բայց էլ ավելի վիրավորական

էր նրա համար այն, որ գրախոսը «ժամանակակից հովվերգությունը» անվանել էր «ժողովածու»:

Կ. Արսեններ օրգանական կապ չէր տեսնում այդ երկի տարբեր մասերի միջև: Նրա կարծիքով դրա մեջ գլխավոր թեմայի շուրջը «խմբավորվում են պատմվածքներ, շեղումներ, զրույցներ, որոնք երբեմն վարձալի են, երբեմն էլ կանգ են առնում հեղինակի կողմից մինչ այդ սպառված սյուժեների վրա»:

Իրականում այս մեղադրանքներն անհիմն են: «ժամանակակից հովվերգության» մեջ որոշակի արտահայտված է սյուժետային գիծը: Չնայած ձևի ուրույնությանը այս վեպը միաձուլ է ներքուստ և տոգորված է մտքի միասնությամբ: Այդտեղ, հիրավի, կան բավականաչափ շեղումներ, ներդիր դրվագներ, սակայն վիպերգության ընթացքում դրանց երևան գալը պատահական հանգամանքների արդյունք չէ. բոլորն էլ առանց բացառության խստորեն ենթարկված են միասնական մի մտքի՝ բազմակողմանիորեն բացահայտել սոցիալական բնորոշ իրադրությունը:

«ժամանակակից հովվերգության» ձևի մասին սկսված վեճը Շչեգրինի համար սկզբունքային նշանակություն ունի: Նա կառուցվածքի տեսակետից դա համարում էր դեղարվեստական յուրօրինակ մի սխիստեմ և կարծում, որ իր մշակած ձևը նույնպիսի իրավունքներ ունի, ինչպես վեպի ժանրի մյուս տարատեսակները:

Շշեղրիներ «Պիկվիկ ակումբի օրագիրը», «Դոն կիխոտը» և «Մեռած հոգիները» մի շարքում է դասել՝ հավանորեն նկատի ունենալով, որ այս երեք ստեղծագործությունների սյուժետային զարգացման մեջ կարևոր դեր է կատարել հերոսի ճամփորդության մոմենտը: «Ժամանակակից հովվերգության» մեջ հեղինակն օգտագործում է այդ նույն ձևը:

«Ժամանակակից հովվերգություն» ստեղծելու պրոցեսը քաժանված է երկու շրջանի. I-ից մինչև XI դուխներն առաջին անգամ լույս տեսան 1877—1878 թվականներին «Օտեչեստվեննիե զապիսկի» հանդեսում: Այնուհետև, ավելի քան շորս տարի հեղինակը շանդրադարձավ այդ գործին: Եվ միայն 1882 թ. նույն ամսագրի սեպտեմբերյան համարում լույս տեսավ դրա շարունակությունը, իսկ հաջորդ տարին ավարտվեց: Նույն թվականին հրատարակվեց առանձին գրքով:

Ինչպես միշտ՝ նոր շարքի մտահղացումը լայն էր: Հեղինակը ենթադրում էր իր հերոսներին անցկացնել «ինքնապահպանման կաբիերայի քնական իրադրությունը կազմող բոլոր տառապանքների միջով» և հասցնել այն մոմենտին, երբ նրանց մեջ կզարթնի քաղաքացիական խիղճը, երբ վերջապես նրանք կհամակվեն «արթնացած անոթի տխրությանը»: Այս նախնական ծրագիրը մասամբ միայն իրագործվեց: Սակայն Շշեղրիներ զգում էր, որ փոթորիկ է պայթելու, որ ինքը շուտով զրկվելու է

հրատարակվելուց, ուստի և ստիպված էր «ավարտել այդ պատմութիւնը, կարճ կապել, բայց ավարտել», «արագ-արագ ծայրը ծայրին բերել» (XV, 295, 303): Այնուամենայնիվ հեղինակը կարողացավ բավականաչափ որոշակիութեամբ արտահայտել իր ստեղծագործութեան գաղափարական մտահղացումը:

«ժամանակակից հովվերգութեան» հիմնական գաղափարն է՝ ցույց տալ, թե ինչպես ռեակցիայի պայմաններում, մատնադրերի ու դավաճանութիւնների մթնոլորտում երկիր հերոսները՝ ղեկավարվելով բացառապես մորթապաշտական նկատառումներով, հանդում են այն համոզման, որ «միայն քրեական անբարեհուսութիւնը կարող է մարդուն պահել ու պաշտպանել քաղաքական անբարեհուսութիւնից, և դրան համապատասխանորեն էլ վարվում են, այսինքն ստոր կապել են հաստատում ու գարշելի գործեր կատարում» (XIX, 365):

Զորրորդ գլուխը տպագրելիս Շչեդրինը տողատակի ծանոթագրութեամբ մանրամասն բացատրութիւն տվեց մինչ այդ լույս տեսած առաջին երեք գլուխների մասին: Դա կրկնվեց, հետևյալ գլուխների բովանդակութիւնն ավելացնելով (IV—XI), երբ 1882 թ. վերսկսվեց շարքի տպագրութիւնը: Այս հեղինակային պարզաբանումները օգնում են երկի գաղափարական հենքը վերստեղծելու գործում:

Վեպի գլխավոր հերոսները՝ պատմողը և նրա

բարեկամ Գլումովը «չափավոր լիբերալ ուղղութ-
 յան մարդիկ են, որոնց մասին այնուամենայնիվ
 լուրեր են պատում, որ իբր թե դրանք իրենց տանը
 նստած՝ «ուսուցչիա են տարածում»: Իմանալով,
 թե ինչպիսի հեշտությամբ այդպիսի լուրերը ճանա-
 պարհ են գտնում դեպի սրտերը, հերոսները ձեռ-
 նարկում են մի շարք գործողությունների, որոնք,
 նրանց կարծիքով (ի միջի այլոց խիստ սխալ), ան-
 երկբա ուղղության հուշակ պիտի տան իրենց: Վեր-
 ջացնում են քննարկումը, անձնատուր են լինում
 միմիայն սովելտոն, մարմինը մարդկուն, բարեկա-
 մական հարաբերությունների մեջ են մտնում ու-
 տիկանության գաղտնի գործակալի հետ ու թաղա-
 յին ոստիկանատուն հլումուտ անհլու իրավունք
 ստանում» («Օտեչեստվեննիև զապիսկի», 1882, 9,
 217—218): Այնուհետև հեղինակը հակիրճ շարա-
 դրում է պատմողի ու Գլումովի դժբախտություն-
 ների բովանդակությունը, նրանց «սխրագործու-
 թյունները», «իդեալական ուղղության» ճանապար-
 հին:

Լիբերալիզմի և «ուղղամտության» թեման կարե-
 վոր տեղ է դրավում Շչեգրինի ստեղծագործության
 մեջ: Այդ թեման սկիզբ է առնում նրա առաջին իսկ
 ցիկլից և կարմիր թելի պես անցնում հետագա
 ստեղծագործությունների միջով՝ հետզհետև ձևա-
 վորվելով ռուսական հասարակա-քաղաքական
 իրականության բնորոշ գծերով: Տարբեր ժամանա-
 կաշրջաններում այդ թեման տարբեր կրանգավորում

է ստացել, ավելի կամ քիչ սրություն ձեռք բերել: Սակայն կատարյալ վստահությամբ կարելի է ասել, որ ոչ մի ցիկլում Շչեդրինը այնպիսի ցայտունությամբ ու սրությամբ չի դրել անձնավորության վարքի պրոբլեմը, նրա վերաբերմունքը սոցիալական միջավայրի ու քաղաքական սիստեմի նկատմամբ, ինչպես կարելի է տեսնել դա «Ժամանակակից հովվերգության» մեջ: Ստեղծագործության դադափարական նպատակաւացությունը որոշվել է հեղինակի հետևյալ ցանկությամբ՝ արթնացնել քաղաքացիական խիղճը, քաղաքացիական պատասխանատվության զգացմունքը:

Պատմողի ու նրա բարեկամ Գլումովի այլասերման պատմությունը ըստ էության ռուսական լիբերալիզմի այլասերման պատմությունն է, նրա էվոլյուցիան: Վեպի հերոսները անցյալում «բավականաչափ գծություն արեցին», բայց հետո «ընդամիշտ հրաժարվեցին լիբերալիզմի սայթաքուն ուղուց և թևակոխեցին ուղղամտության շավիղը»: Նրանց «բարեհուսությունը» անցյալում արտահայտվել էր այն բանով, որ նրանք «հիացել էին» ճորտատիրական իրավունքը վերացնելու նախնական գրաքննությունը ջնջելու առթիվ, հոգում «պայծառ հույսեր» էին փայփայել: Հեղինակը հերոսների «դատապարտելի» վարքն անցյալում բնորոշում է հետևյալ կերպ. «Մի խոսքով բոլոր վտանգները, բոլոր սպառնալիքները, այն ամենը, ինչ խախտում է, ցնցում, ավերում, ամեն ինչ արել

էին: Եվ ոչ մի այնպիսի բան, որը հավաքում է, ամբարցնում ու հաստատում՝ տազնապահար ուրախությամբ լցնելով իրենց հայրենիքը անկեղծությամբ սիրող բոլոր ոստիկանների սրտերը» (XV, 63):

Գլումովն ու նրա ընկերը առաջ դժգոհ էին, «նիհիլիստ», «կատաղի», հիմա դարձել են հեղ, խաղաղ: Առաջ նրանք «մոլորվել էին», հիմա «ուղղվեցին», սկսեցին ապրել «հլու-հնազանդ, բարեհամբույր, ազնվորեն»: Հերոսների վարքի էվոլյուցիան Շչեղրինը պատկերել է հասարակա-քաղաքական ճնշող մթնոլորտի լայն ֆոնի վրա, մի մթնոլորտ, որը նպաստում է մարդու ամենաստոր բնազդների զարգացմանը: Այդ այն ժամանակն էր, երբ ըստ Ալեքսեյ Մաեփանովիչ Մոլչալինի խորհուրդների՝ պետք է «սպասել», «հոսանքի հետ գնալ», պետք է հարմարվել, համակերպվել հանդամանքներին, «կարողանալ ժամանակին լուիլ, որոշ բաներ մոռանալ, մտածել ոչ այն մասին, ինչի մասին մտածում են սովորաբար»: Մոլչալինը Գլումովին ու նրա ընկերոջը խորհուրդ է տալիս հրաժարվել ամեն տեսակ հասարակական գործունեությունից ու նեղվել կենցաղային մանրուքների տղմի մեջ, «ավելի զվարճանալ, կերուխումի անձնատուր լինել»: Սրանք ընդունում են Մոլչալինի խորհուրդը: Սկզբում նրանք նեղվում են, հրեմն իրենց վրա զգում նախկին «մոլորությունների» իշխանությունը, հիշում այն օրերը, երբ արդիականություն սուր հարցերը տաք վիճաբանությունների առարկա

էին, երբ իրենք զեկաւարւում էին «մտքերի ազատ փոխանակութեամբ և իրականութեան նկատմամբ ազատ վերաբերմունք ունենալով»: Բայց աստիճանաբար նրանք խեղդում են իրենց ներսում քաղաքացիական իրավունքի ամեն մի դրսևորում՝ նետվելով «հաճույքների հողմապտույտի» և «խաբելու մոռյլ ոլորտի» մեջ (XV, 61, 69): Նրանք զարգացած, մտածող մարդիկ են, սակայն ոստիկանական սեփմից սարսափահար՝ կամովին հրաժարվում են ամեն տեսակ մտավոր գործունեութունից, շփումից, ծանոթութուն հաստատելով միայն թաղային ոստիկանապետների ու զաղտնի գործակալների հետ: Նրանք խստորեն վերահսկում են իրենց վարքի վրա, իրենց ամեն մի քայլի, ամեն մի արարքի վրա, ամեն ինչ համապատասխանեցնելով «իդեալական ուղղութեան» պահանջներին: Գլումովն ու նրա ընկերը հասնում են այնպիսի վիճակի, որ «խսկական մտավոր կերակուրը դառնում է զզվելի»: Նրանք ազատում են իրենց քարոյական պատասխանատվութունից, «այն ներքին կրակից», որը ստիպում է մարդուն հետևողականորեն ու անձնազոհաբար պաշտպանել իր համոզմունքները: Իսկ իշխանավորները շարունակ պահանջում էին տալ հավատարմութեան նորանոր ապացույցներ, և նրանք հետզհետե «սպասող ուղղամտութեան» բնագավառից անցնում են «մարտնչող ուղղամտութեան» բնագավառը, ակտիվորեն մասնակցում թաղային ոստիկանութեան կյանքին, օգնում կաղ-

մելու «Պարկեշտ վարքի կանոնադրություններ», որով կարգավորվում է բնակիչների յուրաքանչյուր քայլը, և բնակիչները պարտավորվում են «անառարկելիորեն ու ամենայն պատրաստակամությամբ կատարել իշխանության կարգադրությունները»: Ոստիկանների և գաղտնի գործակալների հետ մոտ լինելը գոտեպնդում է մեր հերոսներին, և դեռ վերջերս նրանց մեջ նկատվող «լուռոսմունջության» փոխարեն առաջ է գալիս «խոսելու ծարավ»: Նրանց զրույցների բովանդակությունը «զբլխավորապես հետեյալն էր. առաջին՝ անպարկեշտ արտահայտություններ իշխանության ու կոնստիտուցիայի մասին, և երկրորդ՝ կանայք, ըստ որում ոչ այնքան կանայք, որքան նրանց կլորաձևություններն ու առանձին նշանները» (XV, 62): Գլումովն ու նրա ընկերը հանուն մորթապաշտության, «ըստ որում այլ ղեկավար չունենալով, բացի սարսափից», անասնական վախից, պատրաստ են ամեն տեսակ ոճրագործություն կատարել իրենց համոզմունքների ու խղճի դեմ: Հեղինակը քայլ առ քայլ հետեւելով իր հերոսներին՝ ցույց է տալիս, թե ինչպես՝ այդ սովորական լիբերալները հետզհետեւ ավելի են ձեռք բերում «իդեալապես ուղղամիտ անասունների» դժեր:

Իր երգիծական վեպում Շչեգրիներ հետամուտ է եղել լայն նպատակների: Նա չի բավականանում «ինքնապաշտպանման սխրագործություն ձեռնարկած երկու թափառական ազնվականների» կեր-

շարանափոխություններն ու գլխին եկած փոր-
 ձանքները պատմելով, նրան ամենից ավելի հետա-
 քրքրում են «արդիականության նշանները»: Նա
 սոցիալական միջավայրի ու հասարակական բար-
 քերի հետազոտող է: Նրա զննումների կենտրոնում
 մշտապես գտնվում են սոցիալական որոշ բնավո-
 րություններ ծնող տիպական հանգամանքներ:
 «Ժամանակակից հովվերգության» մեջ հեղինակը
 բավականաչափ էջեր է նվիրել բնութագրելու ընդ-
 հանուր մթնոլորտը — «բարոյական զարհուրելի
 ճնշման, որը մարդուն հասցնում է ավտոմատի
 աստիճանին» (XV, 293, 294): Այս նույն միտքը
 պատկերավոր ձևով բացահայտում է գաղտնի գոր-
 ծակալ կշենալիցյուզսիու խոսքում. «Ներկայումս
 քաղաքական հավասարակշռության տեսակետից, —
 համոզում է նա պատմողին ու նրա ընկերոջը՝ Գլու-
 մովին, — պահանջում են հենց միայն այնպիսի
 մարդիկ, որոնք կարողանային աչքերը թարթել ու
 շրթունքները երերացնել» (XV, 55): Ութսունական
 թվականների ռեակցիայի տարիներին, երբ ռուսա-
 կան լիբերալ ինտելիգենցիայի շարքերից շատերը
 հրաժարվեցին քաղաքական պայքարից ու վերջն էլ
 ընկան իրենց համոզմունքներին զավաճանողների
 լազերը, լայն տարածում էր ստացել «փոքր գործե-
 րի», լուռ սպասման քարոզը: «ГОДИТЬ» (սպասել)
 բառը այդ տարիներին կենսական կոնկրետ բովան-
 գակություն ուներ, պարունակում էր իր հասարա-
 կական վարքի մի ամբողջ օրենսգիրք: Այդ ժամա-

նակ երևան եկան բավական շատ մուշալիներ, որոնք խորհուրդ էին տալիս «հանդարտեցնել» իրենց մտքերն ու զգացմունքները, բավարարվել բշով, բավարարվել, հրաժարվել հասարակական և բնագհանրապես հոգեկան պահանջներից, ապրել, բեֆ քաշել, Շչեդրինի դիպուկ արտահայտությամբ՝ անձնատուր լինել «մարմնամարզությունների», «պտտվել բացառապես կենսամթերքների ոլորտում», այսինքն դառնալ «ուղղամիտ անասուն»:

Նա «հետազոտում է» այն կոնֆլիկտները, որոնք առաջացել են ինքնակալական-ոստիկանական իրավակարգի պայմաններում, երբ մտածող ու քաղաքացիական զարգացած զգացում ունեցող անձնավորությունը քախվում է հասարակական միջավայրին, կառավարման ապարատին: Հեղինակը անուշադրության շի մատնում «տառապող» հողը, որպիսի անունով նա հասկանում է ռուս գյուղացիությունը, որի ուսերի վրա էր բնկած պետական թալանչիական-շահագործող սխտեմի ամբողջ ծանրությունը:

Գյուղացիության ծանր դրության մասին խորհրդածակը երգիծաբանի շատ ստեղծագործությունների լեյտ-մոտիվն է: «Գավառական նամակներ»-ում հեղինակը խոսում է գեղջուկի մասին, որը հասել է «այն մարդու վիճակին, որ ճակատագրորեն դատապարտված է ոչ մի բանի մասին չմտածել, բացի քաղցից չմեռնելու միջոցների մասին» (VII, 256—257): «Մոնրեպ ապաստա-

րան»-ում Շշեգրիներ Ռազուվաենների զիշատիչ գործունեութեան ֆոնի վրա տալիս է ազնվական հինավուրց դաստակերտի պատկերը՝ հիշեցնելով ընթերցողին, թե այդտեղ «որքան գեղջկական բերատինք է թափվել, գեղջուկների ինչքան արցունք են տեսել այդ զրոսայգիները» (XIII, 110): Շշեգրիներ հաճախ է վերադարձել այն նվիրական մտքին, թե ինչ պետք է անել գեղջուկին աղքատութունից ու քաղցից ազատելու համար: «Եվ խսկապես, — գրել է նա «Մոնրեպ ապաստարան»-ում, — ի՞նչ է պետք մեր սիրելի հայրենիքին կատարելապես երջանիկ լինելու համար: Իմ կարծիքով շատ քիչ բան է պետք, այսինքն՝ որ ուս գեղջուկը, Գերժավինի շափատողով ասած, «համեղ շշի ուտի ու գարեջուր խմի»: Այնուհետև մնացած ամեն ինչ կկանոնավորվի» (XIII 99): Ժամանակին Գերժավինի երգած «համեղ շշին ու գարեջուրը» այս տողերում հնչում են որպես գոհունակութեան ու կուշտ կյանքի սիմվոլ: Այս նույն մտքերն են պաշարում հեղինակին նաև «Ժամանակակից հովվերգութեան» մեջ: Պատմողի ու Գյումովի «ուղղամիտ» զրույցներում, երբ նրանք հիշում են Գերժավինի «Գյուղացին իր հացըն ապահովված՝ համեղ շշի է ուտում ու գարեջուր խմում», հետևյալ դիալոգն է տեղի ունենում նրանց միջև.

«Հա, ախպեր, կար այդպիսի գյուղացի, կար, — գոչեցի ես՝ Գերժավինի նկարագրած պատկերից ընկճված:

Որքան էլ զուսպ լիներ Գլումովը, այնուամենայնիվ այս անգամ նա էլ անհարմար գտավ սառը ջուր լցնել իմ հիացմունքի վրա:

— Հա, ախպեր, կար,— ասաց նա կարեկցաբար:

— Կար, ամեն ինչ կար,— շարունակեցի զմայլած գոչել են.— կար և «համեղ շշի», պատկերացրու՝ «համեղ շշի» (XV, 46):

«Ժամանակակից հովվերգության» մեջ գյուղական կյանքի մանրամասն նկարագրություններ չկան, սակայն վիպագրության ընթացքում հեղինակը պատեհ առիթը բաց չի թողնում շոշափելու համար այս սայթաքուն հարցը: Օրինակ՝ պատմողի ու Գլումովի զրույցները ուտելու ու սնվելու վերաբերյալ հանկարծ նրանց տանում-հասցնում են «սպիտակ հացի տոհմագրության»: Նրանք աննկատելիորեն սկսում են դատողություններ անել, թե ինչպես «սկզբում այդ ցորենը պահվում է ամբարում, ով է դա պահում, թե ինչպես մարդը քայլում է արորի ետեից՝ ամբողջ կրծքով սեղմելով դա, ինչպես...»: Սակայն նախ Գլումովն է նկատում այդ նյութի վտանգավորությունը և խորհուրդ տալիս այդ ամենը մոռանալ և հիշել միայն, որ «սուրճը սպիտակ հացի հետ են խմում» (XV, 43): Կորչեո գյուղը և Պրոպլեաննայա կատարված ուղևորության նկարագրության մեջ կարծես անցողակի նետված նախադասություններ, առանձին ուրվանկարներ ու շարիխներ իրար գումարլեկով՝ ժամա-

նակակից ընթերցողին պատկերացում էին տալիս ավերված երկրի, ուսս գյուղացիության տնտեսական վիճակի էլ ավելի վատթարացման մասին: Կորչեռոյում ու շրջակա գյուղերում մնացել են միայն «հիվանդներ, ծերեր ու երեխաներ»: «Գյուղացին ուրախացավ ազատագրվելու համար, — հեղնանքով նկատում է հեղինակը, — ու ցրվեց-գնաց հեռու վայրեր վաստակ փնտրելու» (XV, 276):

Շշեղրինը ահանատես է եղել ուսս գյուղացիության աղքատանալու պրոցեսին: «Կյանքի մանրուքներ»-ում նա խոսում է «կուլակ գյուղացու՝ գյուղի ուղիղ սիրտը» ներխուժելու մասին, ավելացնելով, որ «թուլանում է ուսական գյուղը, տարից-տարի ավելի ու ավելի է աղքատանում: Դերժավինի մի ժամանակ երգած «համեղ շշի ու գարեջրի» անունն անգամ չկա: Վարսակի ալյուր ու հացաբրդոշ. սևաձավարի շիլան անգամ հազվագյուտ բան է» (XVI, 442):

«Ժամանակակից հովվերգության» մեջ Սալտիկովը լայն պլանով է ընդգրկել երկրի հասարակական կյանքը: Նա ցույց է տվել իրականության իսկական դեմքը, որ թաքնված էր բռնակալության ստեղծած առերևույթ անդորրի ու «հովվերգության» մեջ: Հեղինակը տվել է ութսունական թվականների ռեակցիայի ընդհանուր մթնոլորտի ճշմարտացի պատկերը, երբ քաղաքական ձախորդ շրջանի պայմաններում ոստիկանական ռեժիմը խեղդում էր կենդանի մտքի ամեն մի դրսևորում,

խեղդում էր կենդանի խոսքը: Վ. Ի. Լենինը բնութագրելով Ալեքսանդր II-ի թագավորության առաջին տարիները՝ գրել է. «Կառավարության այսպիսի տատանման ժամանակ միմիայն լուրջ պայքարի ընդունակ ուժը կկարողանար կոնստիտուցիա ձևով բերել, իսկ այս ուժը չկար. ուսուցիչներն էր մարտի 1-ով սպառնցին իրենց, բանվոր դասակարգի մեջ ոչ լայն շարժում կար, ոչ էլ ամուր կազմակերպություն, լիբերալ հասարակությունն այս անգամ ևս քաղաքականապես դեռ այնքան անզարգացած էր, որ նա Ալեքսանդր II-ի սպանությունից հետո էլ սահմանափակվեց լոկ միջնորդություններով...

Երկրորդ անգամ, գյուղացիների ազատագրումից հետո, ուսուցիչն ալիքը ետ մղվեց, և լիբերալ շարժումը սրա հետևից ու սրա հետևանքով երկրորդ անգամ փոխարինվեց ռեակցիայով, որը սուսական պրոգրեսիվ հասարակությունն սկսեց, իհարկե դառնագին ողբալ»¹:

Ռեակցիան թափանցեց կյանքի բոլոր ճեղքերը: Լայն հոսանքով հասարակական ասպարեզ թափվեցին ամեն տեսակ գործարարներ, կարիերիստներ, ունեզատներ՝ քարոզելով քաղքենիական գաղափարախոսություն, «փոքր գործերի» տեսություն: Օրվա հերոս էին դառնում «սրիկաները», որոնց Շչեգրինի գիպուկ սրտահայտությամբ,

¹ Վ. Ի. Լենին, Երկեր, հատոր 5, էջ 64—66:

ծնունդ էր տալիս «բարոյական ու մտավոր տականքը, դաստիարակում, ամրապնդում ու թեւավորում էր մոթթապաշտական փոքրոգությունը» (XV, 224):

«Ժամանակակից հովիւերգությունը» գրված էր ընթերցող լայն շրջանների համար: Հեղինակի նպատակն էր զայրույթ առաջացնել ընթերցողի մեջ ստրկական իրավակարգի նկատմամբ, հոգեպես ազատագրել նրան, մարդկային արժանապատւության ու քաղաքացիական պատասխանատւության զգացում առաջացնել, հրահրել «արթնացած ամոթի թախիժը»:

Կյանքի վերջին տարիներին Շչեգրինը գրեց «Պոռնիսոնյան անցյալը»: Սա պատմական մի վառ կոթող է, որտեղ առանց նվազագույն իզեալականա՞ման, հեղինակի համար բնորոշ խստաշունչ ճշմարտությամբ, պատկերված է ճորտատիրական Ռուսաստանն իր ամբողջ մերկությամբ: «Պոռնիսոնյան անցյալը» նրա վերջին ստեղծագործությունն էր: Շչեգրինը մեռավ 1889 թվականի ապրիլի 28-ին: Թիֆլիսի բանվորները նամակ գրեցին նրա այրիին.

«Նրա վերջին սրտաբուխ հեքիաթների մեջ, որ մենք սիրում ու մյուս պատմվածքներից ավելի լավ ենք հասկանում, — գրել են նրանք, — տեսնում ենք մեզ շրջապատող կյանքի մութ և մինչև հիմա անհասկանալի կողմերը: Այդ հեքիաթները այնպես են ազդում ընթերցողների հոգու վրա, որ նույնիսկ արցունք է առաջանում նրանց աչքերում, ան-

պաշտպան մարդու վիշտն ու վիրավորանքները տեսնելով... Մենք այլևս չենք լսի նրա լալ, համարձակ խոսքը, բայց նրա ոգին միշտ կապրի մեր մեջ...»¹:

Շչեղրինը հավատում էր արդարության ու բանականության հաղթանակին: Իր ամբողջ կյանքում նա երազում էր այն երջանիկ ապագայի մասին, երբ «կանհետանան բոլոր անարդարությունները, նենգությունն ու բռնությունը», երբ «կծագի արշալույսը» և մարդիկ վերջապես «արև կտեսնեն»:

Սովետական ժողովուրդը խոր հարգանքով ու երախտագիտությամբ է հիշում Շչեղրինին, որի երկերը ծառայել են աշխատավոր մարդկության ազատագրման վեհ գործին:

¹ «Литературное наследство», 13—14, М., 1934, стр. 222.



ԿԱՄՍԱՐ ՆԵՐՍԵՍԻ ԳՐԻԳՈՐՅԱՆ
Մ. Ե. Սալեիկով-Շչեդրիճ

Պատ. խմբագիր՝ Գ. Ն. ՀՈՎՆԱՆ
Հրատ. խմբագիր՝ Ա. Հ. ՇԱՂԳԱՄՅԱՆ
Նկարչ. ձևավորումը՝ Կ. Թ. ՏԻՐԱՏՈՒՐՅԱՆԻ
Տեխն. խմբագիր՝ Լ. Ա. ԱԶԻԶԲԵԿՅԱՆ
Վերստուգող սրբագրիչ՝ Ա. Հ. ԱԼԱՆ ՅԱՆ

ՎՖ 08877, ԽՀԽ Հ594, Հրատ. 1797, Գ. 1001, Տ. 2600


Հանձնված է արտադրության 26/IV 1960 թ.:

Ստորագրված է տպագրության 16/V 1960 թ.:

Թուղթ 70 × 92¹/₃₂: Տպագրական 7,5 մ., = հրատ. 3,27 մ.:

Գինը 1 ա. 50 կ.:

Հայկական ՍՍՌ Կուլտուրայի մինիստրության Հրատարակչության ներքին և արտերկրյա արդյունաբերության Գլխավոր վարչության № 6 տպարան, Երևան,
Լենինի պողոտա № 51:



ԳԻՆԸ 1 Ռ. 50 Կ.

ԳԱԱ Հիմնարար գիտ. գրադ.



FL0034293

A $\frac{I}{692}$